

Itaun Luejaas Aidaris Kwana

Jeffersonville, Indiana, U.S.A.

63-1110M

1 Eyalama. Ketuluroto ber akwesiwok apak edit.

Papa Lokokuju, kiyalama iso noi mamaKon, lolo, kanuka arereng na naka atukokin irwan ace bobo, kajenete ebe kadiopepaaran kiponi isio atukokin irwan nakawasia kanukosi, kwape itunga luebeite atwakare, kosodi konyet kiponi isio atukokin kojautene loitubusikinitere isio nepepe ka Jo, ido ilakuna luka aturio kere epote atukokin ngina.

Oo, erutosi ikositaun esipidi, nuka...ido kanuka aidarit kamuno, aidarit esawa ngol adolun! Nepepe kangun, akurian kere emiriaari kamakosi. Emamei ibore ibusakinit isio akurian, emamei idiobore yenibusakinit ayongit. Kiseseni isio kingaren mama ejai aisumunet naabu Edeke loka Ikar Kere koinak isio, ido kijeni isio ebe erai ngin Abeit. Kanuka ngin nges kijaria isio. Kijari isio kanuka ngin, esawa ngol, apak ngin, najulakinere na naetwani, ido kiputoori Nges, ido emameun bobo adek kangina, emameunos bobo ican, emameunos bobo nukaiturur.

2 Oo, epote ngun kere adaun kapak kangin. Ido nepepe kaiyalama naka etau, isio, kotoma aiyuun ka atiting, kidarit Apaaran ngin.

Kanukangun nges kitukokinar isio ne lolo, wu Ejakait, alimor aibucanareta kosi ka ailip aitimio. Kanuka ngun nges kisesenia isio elutari lo atupuruc na, naarai kijeni isio ebe kirai isio lukitwaki, ido ipu noi aibucanareta kotoma kosi, ido kileleba isio akadakadauna. Konye kiponit isio alimor nukaronok kosi, kasodete konyet asesen mama ejai Papakosi Lokokuju nepepe kitaun luepukoro, kanuka arerengusio ka aisiteteunio naka agogong ka aiyuun da, nuebuni Ngesi ainakin isio kotoma osawa lo, kwape kidaunia isio atukokin ne kwape ejaar aisumunet, "kotoma aiboisio nukotoma Akuj kotoma Kristo Yesu." Naarai kilimorit isio ebe kidau isio atubor anyoun katwanare alomar toma Aijar, kanuka aisumuneteKe, ido kikamara isio toma ojautene loka Akuj, aiboi nepepe ka Ngesi kopekwana. Kilipit kisisianak Ngesi isio atupuruc na iboro ngul luekoto Ngesi isio ajenun, kosodi ainakin isio Inyamat luka Aijar, tetere isio kiraun luidaritai kanuka nukoingaren ngun nueperete koingarenikosi. Kocamak ngun, wu Ejakait. Na nges ailip kosi nailipit isio Kokiror loka Yesu Kristo. Amen.

Kipedorete do yesi aiboikin.

3 Ayogan naka atupuruc, mama ejai nginitunganan. Ido erai naejokuna noi atukokina ne nepepe ka yes bobo atupuruc na, kotoma ojautene loka aima lo loka Akuj.

Kiyapit oni nepetai, kijaar isio ka...isimun luenomunitai lu teni, teni cut aroko akecekiro kotoma adakikan adis bon nuatuboros; esapat loajai eperi kangina, kouta atwanare. Ido korai naejena cut bala kwape abwoia eong kane, abu Ejakait kotiro akekuan. Kwangin...

Kosodi e-e-e etelepat loebwoi kane, loerai onaceka lokateker. Araasi kesi teniteni Catholic, sek ber, konye apotu kesi kolototo omisa atupuruc na kosodi icebore alimokin kes aponare ne. Ido apotu do kesi...Ejai aijulakinet. Aso eponitos kwana kesi-eponitosi kwana kesi togo, ido aitemonokin kanuka aibatisao naka akipi. Aso do eraas ngul i-eraas ngul...cut iboro lukaumokin luiswamaenene Ejakaitiwok apak kere. Ejai cut Ngesi aiyatakinit aswam iboro kopekwangin. Aponitosi kesi ti alomun toma, ido mam kes apedorete alomun toma. Abalasi kesi ebe amamei cut epone lolomunet toma.

4 Katema eong atiar, "Eebo, ikoto jo ainerakin keong," kasodi eong atiar, "eebo, kobia cut ore, kiponi oni aimor ngun, kangina."

Aso abu eong kaomoom, korotoka abear New York kwana, airiamun na naebunit, ebe tikeraun naejok noi...ajeni eong ebe abuni eong araun loketeteunitai arai kabu eong kasodi-kasodi aingarakin ainokokin akakim kama ejai akim nakijaatar yesi kere, ido kipou isio kapaikisi kanuka apaaran adiopet, atupuruc na. Ido kilomuni isio bian, apaaran adiope ya eringa bian, kiding paaran.

5 Ido kereka iburai isio anyoun alosit. Abeit eong anyoun alosit, kajoset kana, konye aomit eong abuni eong alosit...Ido kigeari isio tupuruc, sek, teniteni sek naka...Kacepak kojaun akako orotin, ka iboro, kiding lailo ka New York. Iburai aitor Virginia, aitor omor, kosodi da aitor Allegheny's, ido cut kowai lokokwap kapak kangin loka a-loka Adirondack.

6 Aso kiponi agear ko, kemurwoki eong, erai alaro na aboliasio kangina, nakitetet. Apotu kesi kotiyatiyata alaro naka aboliasio namojong nanyaritai Saint Nicholas, apupi eong. Apotu kesi kodukoto na nakitetet. Kwape ejaar neanangit eong ajeni, kilosi isio adumun bala ace kotoma akuaresia nusodit nu ber...nuipagisatore. Aso kiyalama isio noi kanuka ngun, kanuka itunga luka Pentekostol luko New York nekapolon. Ido aomit eong ebe kijaar ka ikanisan luipu ibumakina, ido kimuno ajaun kapak naepol.

Ido kiponi isio abongor, arai ekoto Ejakait, kacepak kosabiti loebunit. Ido-ido arai erai ngin akote naka Edeke, atiar nat inyo, kimuno isio ti abunore apaikin kanuka Nasabiti, esabiti, kanuka-kanuka aijaanakin naka atupuruc Nasabiti.

Kosodi konyet abu eong kesudun bobo cut mama ejai ekecokoniwok, kwape duc iswamatar, teijo, ido-ido abu eong kaomite ebe arai acepak kaloma eong toma, komam da engitunit. Ido kwape ejaar ne ekodet loejokuna noi ne, ido itunga luaseseni eong eponitos kokinga naka etaun kalo, ejaas ne; abu eong kaomoom ebe kacepak, lolu, arai mam ekecokon ejaatar kibore yenitegelikina, ebe tikeraun oni ajaun ka aijaanakin naedit akuare na, cut nape euriana, ido, eebo, kacepak kelipanakisi lukadekak. [Onac Neville ka atukot iyalamasi-Ekewa.] Eyalama.

7 Kimuno oni ailipanakin lukadekak akuare na, ener nuka aitangale naka Edeke ka-ka ailipanakin lukadekak. Ageun sek tetere oni ipedori anyoun alosit sek. Ido arai ekoto ekecokon, inyo...Inaikinitos yesi ageunun kosawa ediopet-katutubet. Nin erai nakabeit? Ido karai ageun kosawa ediopet akuare na, esawa ediopet? [Ebala Onac Neville "Amen."-Ekewa.] Kasodi do ageun kosawa ediopet-katutubet, ido ebuni ngin aitodol angetakin kosawan iarei arai iarei-katutubet, ijaikini do ngin itunga apak a-alosit, arai erai ngin- ngin kere-naejokuna. Abu ngitunganan kere kokieniar naalimunio eong-naalimunio eong isawan iarei, arai iarei-katutubet. Eong-eong-amuno eong ajaun kinga kapak kangin. Ailipanakin lukadekak, ijenete yesi, mam oni kijeni.

Aso kipou isio kajaunos ka a-a apak naepol ageun nakinyeinia yes Akamu natubor na, nape egeuni, ido abu Ejakait kisirereng isio kotoma oboro luipu. Ebe...Ido akuare na, arai ekoto Ejakait, akoto eong alimokin yes nuka aipejokinet naatubor nabu eong kadum, kama ejai Edeke, ko Colorado, kosabitin idis luatuboros. Ido ngun kes abu eong kaomoom ti ainun yes kopekwana, kacepak aisinyikoikin aiyyun kanuka aijaanakin naejokuna naka aitangale akuare na, kanuka lukadekak ka luiticanitai.

8 Kwana, atupuruc na, kanu arasakin alomar toma aijaanakin, eong...Abu icebore kinom ekatau bala kolap ediopet loatubor. Ido epedori kereka araut, kwana, aomit eong eutasi kesi...Ejaasi kesi aikam nu kateepu? Ejaasi kesi aikam nu kateepu? Eebo. Mam ace. Tetere eong ajenuni aibo, arai keloma ateepu kinga nejaasi ice. Mam eong apedori alimun ebe ngun nualosi eong einer atupuruc na...mam eong apedori atemar ebe ngun-ngun-erai ngun...ajeni bo eong ebe eraasi kesi nukabeit, teijo, ewai loka Aisiiraret ebuni araut lokabeit. Konye ibore, yen akoto eong aswam, nges ejai eong abuonokin kotoma aomisioka. Erai ngesi naetakani bala erai nateni noi. Konyeca ageun nalomunia eong toma, ido ageun na eong...napukokinere ngun mamakang, araun eong loeyalongongoe noi ebe amina eong kalim ibore yen ibiroro kasodi acepak ajalakin aipup naibiroro kotunga. Ido erai ngin e...Ido eong...

9 Ibore yen kijaar eong kaigirigiretake, ngun nuabeit eong ti einer, atuborit eong waice naka ngin awai, tetere kenyeik eong aitarauun ngin naegogong noi. Naarai, koanyutu yesi, arai e-arai itunganan...eong-amina eong Ejakait Edeke, ido, epone bon loajenia eong ebe amina eong Ngesi, erai naarai amina eong yesi. Ianyutu? Epone ngol bon nges ajenia eong. Konyeca eong-mam eong akoto idiobore yen epukokinitai eong ido mam eong alimokin yes, arai erai eong alimokin yes. Kosodi konyet akuriana eong ebe arai kalim eong icebore korai yen egogong noi motimot, epedori aimusung itunganan. Ido, ijenete yesi, erai ngin e...erai cut ijo bala aapikin adokun otut kosodi konyet apupun aingarenikinio kanu alimun nuilosu jo einer. Kodaunos ngun. Ido bobo kacepakio ipedori acepak jo alimun ibore, kwabo ebuni ti icetunganan adumun e...epone ece loesesenio ngin, ido epote kesi ti akerit awai aibe akan ngin; kosodi konyet etemari ti icetunganan ebe, "Oo, na nges na," teijo.

10 Konye akoto eong yes ajenun ebe nualosi eong einer eraas bon nuaomit eong aomit, ido akirot aomit apolouke erai "ajaut katiting aswam ibore komameotor kapedor." Kwangin do eong...mam kereka eong abala ebe erai ngin nakabeit, konye erai bon ngin iwomisioit yenipe tai yen bala ejok eong ti acakakin kotoma kanen mamakus, tetere yes iningorete ngin kosodete aanyun nuiwomitos yesi kanuka ngin. Kosodi bo konyet ebuni ngin, ejena bo sek, ebuni ngin-ebuni ngin araut kwape ebalatar Nuiwadikatai Obaibuli, naarai mam eong ti kalimonok idiobore...

Konye kereka ngol nges esawake kwana? Na adolu kwana osawa lo, ido iboro lu kerai kereka apoloukec nges ngin? Elipit eong kede ngun kere nuejaas tomaka, ebe komam erai. Ianyutu? Elipit eong ebe kinyek araut nakabeit, ebe mam erai esawa ngol. Ebuni ngin ajaun, konye kereka adolu toma apak ngin ber? Teijo ngun kes nuabuonokin eong. Kwana, ejeni kereka ngitunganan, ejok noi, ebe mam eong ajeni? [Ebala atukot, "Amen."-Ekewa.] Eong cut...Erai kereka ngin apak na? Arai erai ngin, kitim Edeke oni. Konye, arai mam erai apak ngin, kinye...elosi kereka ngin abunore.

11 Kwana, atipet ngipengin nakipedoria isio, kijaar isio ka aitemonokinet naepol naka isapalin luipu kingarenikosi, arai ekoto Ejakait. Ido ibusakinit eong alosit okekwan, cut akaul naka Krismas, toma Europe ka Asia; Europe, noinoi. Kosodi konyet abonguni eong ne United States, kanuka aijaanakineta adis, kosodi konyet abongori eong aijesar laiye toma South Afrika. Ageuni eong eraasi aarei nuka September, aomit eong, kiton bala atomon, kosodi konyet kijaar eong kapaarasia auni anyoun alosit kanen abear Johannesburg kasodi ageun bobo. Konye aomit eong bala erai elap loka Apuli, kigeunia kotoma akwapin ngun nuka Scandinavian, kotoma Norway ka Sweden ka-ka Finland, kosodi Holland ka Switzerland ka Germany, ido aitorun Europe kanen. Aso kojaasi toma ailip nepepe kasio.

12 Kijaar isio kairiamununeta adis kane, apak naka Krismas kwana, cut nape akaulo naka Krismas. Keja

ber ngun da, kikoto isio ajaun ne kotoma apak naka Krismas, ore. Ekotosi idwe abunore ore, kotoma apak naka Krismas. Ido kereka kimina isio Arizona, konye ijenete yesi-ibore yen kitwaniarit isio, ido mam cut kipedori apalun ngin, nges ekanisa lo ka yes itunga. Mam ace kere neilosio isio, nuiswamai isio, erai cut ngin...Idwe, eong, mucaalakang ka kere. Emamei cut aiboisit naeputosi ka na. Erai ngin nakabeit. Emamei cut aiboisit.

Ekwang angololin akanyikaarei, ido eong-adolenen eong kanginiibois, konye emamei aibois adio kere naerai naitalauna mamaka bala iiboisit yenididi yen kanepekane. Ngin nges bo na. Konyou ber jo kikunyak awai kamake irwan atipet, arai ikoto jo ajenun. Ejai ibore mutan yenikamunit ne. Alimonok eong anatar akwap kere, aapikin, ido mam cut eong, kadiopak, kaiboisit adio, eiritor apupun Emoyo loka Edeke, kede aitetus ka iboro, kwape apupio eong abwoi kane cut. Ngin nges bo na.

"Edeke, kocamak ngin..." Kwape apaaran napesikinia eong amoru naka ekoona kalaingol, abu eong katema atiar, "Ejakait Edeke, mam icamakini nges aibiror."

Abalasi itunga, "Ilapio iarei bon korai ngin egaraj."

Katema eong atiar, "Mam icamakini nges aibiror, Ejakait. Kosal ngesi ebwoi, ido kojaasi itunga toma ne aiturit Ijo kapak naebongunio Yesu." Eyuunit eong ebe ebuni araut kopone kangol.

13 Kwana kapukosi oni kotoma Obaibuli kwana, ido-ido kamunosi Ejakait ainakin oni nuka arerengusioKe. Ido kikoto oni aisiom adis Nuiwadikatai Obaibuli. Kijaar eong ka Nuiwadikatai adis nuekopunit eong kane nuakoto eong aijulira, ka aiwadikaeta da ace. Ido akoto eong asiomun aiboisio auni kotoma Obaibuli, ido ejaikini eong ngun mamakus, nasodit ber. Akoto eong asiomun kotoma Yuda 5 ka 6. Erai Yuda Eitabo ediopet bon, ijenete yesi. Kosodi konyet akoto eong asiomun kotoma Petero Lokiareit esula lo2, 4 ka 5. Kosodi akoto eong aisiom Petero Losodit, 3:18 kiton 20.

Ido akirotoka atupuruc na, arai ekoto Ejakait, erai: Itauon Luejaasi Toma Aidaris Kwana. Uh-huh. Itauon Luejaasi Toma Aidaris Kwana, egolitai cut, etubokinitai ikar kere. Mam cut, emamei epone loka araun yen itajario, teijo, Itauon lu adaun agolokin toma aidaris kwana.

14 Kwana kasiomutu kalaije kotoma Oitabo loka Yuda, ber nasodit. Eyuunit eong egirakit eong kane kanuka aibois nasodit, kotoma Yuda; kosodi konyet kotoma Petero Lokiareit, kosodi konyet-konyet kotoma Petero Losodit. Kwana, Yuda, ti eong akoto asiomun nges kere; konye bon kanu ayuun apak, naarai adau idol isawan iwongon-katutubet, alosi eong ageun kokokoro lo5. Kwana Yuda arai onaceke, onac loka Yesu Kristo, kwape kijenia oni kere. Ianyutu? Kerai ngesi okoku loka Yosep.

Konye akoto aisiitun yes, karaida ipotu kojenete kolo na, ebe kedau Ejakait, aitajar itunga kakwap nako Misiri, akaulo kangun abu komudia lumam eyuunito.

Abu kitajar kes, ber nasodit, aitolomun kes kinga ko Misiri, ido konyet kebu koraun Ngesi amudiar kes naarai mam apotu kiyatakis alosit kaisiiraretekec, koanyutu yesi.

Imalaikan da lumam apotu koricata ayaitekec, konye kinyeis akeceibois kikulepek, abu ngesi kidar korikoi lumam edaunos kamuton kiton atubokinio naka apaaran nakapolon.

Imalaikan lu kadiopepak eboiete kotoma Akuj, kwabo mam apotu koricata ayaitekec ka epone loaajaatar kesi, apotu kibiroros, kwabo kwana do ejaasi toma orikoi Lumam Edaunos luka amuton, idaritai kojautene kalo kiton Atubokinio naka Apaaran nakapolon na eponere atubokin kes nepepe kaluce luideuna kere ngul lumam iyuunitos.

15 Kwana kotoma Petero Lokiareit, esula lo2, ageun kokokoro lo4, na da eraun bon eitabo ediopet arai iarei kau ngol, teijo.

Naarai arai mam abu Edeke kitim imalaikan naadiakariata, konye kocakak kes kwap toma okatwak, kibwaik da orikoi luka amuton, aidaria atubokinio;

Mam da abu kitim akwapin nukolosek, konye kitajar Noa, ekalimonokinan loka adolit, nepepe kitunga ice ikanyikaarei, naayaunia akalele akwapin nuka lumam eyongito Edeke;

Mam abu kitim Imalaikan; abu kibwaik kes toma orikoi luka amuton, kosodi atubokin akwap kere kanuka amudiaro, naka-naka Noa.

16 Kwana kotoma Petero Losodit, esula losodit ka e...Petero Losodit, esula lo3, ido ageun nepepe kekokoro lo18, kisiomuni bobo oni. Kwana, kopupokisi ejok noi kwana.

Naarai Kristo da aponi kisiriebai kanuka adikanar irwan atipet, lokadolit kanuka lumam edolito, tetere kiyauni mama ejai Edeke, nakearere akuanake, konye koinakinai ajar kotoma Omoyo:...nakearere akuanake, konye koinakinai ajar kotoma Omoyo:

Loalosiso da alimonokinia itauon luejaas aidaris; abu ngesi kolimonok itunga lu kotoma

aidaris;

Lumam kerimasi kolo, naedareunitor atitingikin naka Edeke, kapaarasia nuka Noa, naetemonokinere ataker, kama etajarere itunga idis, kotoma akipi, kes itunga ikanyikauni.

...eputosi akiro ngun kaibatisao, na itajari oni kwana (mere alemar elos loka akuan, dimarai einer kaomisio nuejokuka mama ejai Edeke,) kanuka ajarun naka Kristo:

Loabu kodoka toma akuj, ido ejai akan nakoteten naka Edeke; imalaikan ka lukapolou, ka lukapedor da kononokikis nges.

Kelipata ber oni bobo.

17 Kwana, Papa Lokokuju, ekokoro lo etia nen loka Naiwadikatai Obaibuli kane, ikajenak iuni, aiboisio auni kotma Naiwadikatai ijaikinitos ajenanut. Ido ibala Jo kotoma AkirotoKon, ebe, "Kotma akituk naka ikajenak iarei arai iuni, nges icasia nginikirot." Kwana elipit eong Ijo, O Edeke, ebe ibuni Jo mama ejaasi itunga kosodi aijulun Akirot na, Aisiiraret na, kotoma aica naibusakinit nges ajaut toma, tetere ebe ngolitunganan, nginiberu, ngolisapat, arai apese, kopedo ajenun kotoma adoketait naidaunitor Ijo aicorakin kanu kes ajenun kotoma, ido kereka kwana kijeni ebe ikajenak lu iuni itejenaritos Abeit.

Ido elipit eong ebe ibuni Ijo aijukun Emoyo Lokalaunan mamakosi kopekwana. Ido kiponi asesen mamaKeng Ngol loerai Ekabaka kosi, kokiding kosi atupuruc na, Ejakait Yesu Kristo; neekwana kidoka isio kanuka aiyuun, keboiete kotoma aiboisio nu nukotoma Akuj kotomaKeng. Kidarit isio AisiirareteKe. Kiner ngin kotomakosi, wu Ejakait, keirasi ngin kotomakosi, kwape kilipitor Ijo aikep ipon luineras ka aki da nuepupete, tetere eraun kanuka ayongio ka aibuses naka Ngol Lo erai Naiwadikatai. Naarai kilipit isio ngun KokiroriKe. Amen.

18 Kwana, kiitunitos aijaanakineta nuejaas lolo kuare, aijaanakin naka aitangale. Mam eong aomit ebe ebuni aipudakin akorakin akaadin nuka ailip, aso kilosi bon oni ailipanakin lukadekak. Ejai eong ibore mutan yen akoto eong alimokin yes, ido e-amuno eong ebe ebuni ayangaun atukot na toma aiboisit kiton ne cut ejaunotor iponesio kere luka aitangale. Ajeni eong ebe epote ajaun karai bon kiyuu oni ngin kopone kangol.

Kwana nu, itauon kwana luejaas toma aidaris!

19 Kwana, etau loka etunganan mere nges akuan naka etunganan, erai ngesi etau. Ianyutu? Ido etau erai ibore ice mutan yen erai e-einono loka emoyo. Kosodi do naikononia einono loka etunganan...Neabalar ngesi, "Kitwakit oni," kilimokinit oni Naiwadikatai kocae cut ebe, "kitwakit oni, ido aijarawok ibwaitai kotoma Edeke ktoma Kristo, ipucakinitai nen kanuka Emoyo Lokalaunan." Kwana, mam erai ebe abu akuanakon kotwana; mam erai emoyokon abu kotwana. Erai einono loka emoyokon nges abu kotwana: teijo, einono, lo da erai etau. Einono loka etaikon nges-nges Edeke, arai kiuruunitai jo bobo. Arai mam nges erai, erai do loka akwapin. Ibore mutan idio kere yenegeunit ibusakinit adaun, aso kanukangun epone ediopet bon loipedoria jo ajaut kAijar naka Ikar Kere nges jo adumun Aijar na emameotor kageunet. Kwabo kereka kebu aijarakon kogeun kapak nakidounere jo, na eyengakinia Edeke ekwam loka aijar toma okumesikon koraun do ijo etau lokajaran, kanen kogeun do ijo kapak kangin. Konye na ijo...

20 Einono ngol loajai tomakon, kanuka einono kirai jo lokakwapin, lokitiakaritai awai kama ajai Edeke, kaitebeikin kirai jo etiang. Erai ngin cuticut nakabeit. Idioutunganan kere ejeni ebe kirai oni itiang luka mammal. Imwasi ai ejenete ngun? Oni, kirai oni mammal, kirai oni itiang lu ejalam-aokot, konye ngul kes kirai oni kanuka asubunet wok naka akwap. Konye, koany jo, ibore yen kitegelikinit oni kama ejaas mammals luce, ebe-ebe abu Edeke kibwaik etau mamawok. Ianyutu? Kwana, mammals luce mam ibusakinit anapit igoen. Emamei etiang ece loibusakinit anapit igoen kanu aibwa ileuc keng, konye oni. Erai oni bon kes kiswamai ngun, naarai kijaar oni ketau. Konye, teijo, Edeke, kotoma ageunet, ajeni anyoika abuni etunganan araut. Ido abu Ngesi kosub akwap, kosodi ayaun iponesio kere luka itiang, ageun kayen ijesara kwap kakere kiton yenikiara kuju kakere; kosodi etiang loikiara kakere alomun, kerai etunganan.

21 Kosodi konyet, nasodit, aponi etunganan kiswamaunai, kerai ngesi etunganan lokera emoyo, kotoma aput naka Edeke.

Lo da, "Erai Edeke Emoyo," Yokana Lokalaunan 4. Kwana, "Erai Ngesi Emoyo. Ido ngul luemaete Nges, emaete Nges kotoma Omoyo ido kotoma Abeit. Ido AkirotoKon nges Abeit." Kwana, kimaie oni Nges kotoma Omoyo ka Abeit. Erai Ngesi Ekajaran loerai Emoyo.

Kapak kangin kemamei etunganan loekoriei akwap, kosodi do Edeke asubun etunganan kotoma apua naka akwap.

Kosodi konyet Ngesi alemun kosiepike, isubat-kosubat, amaran; ido kama kangin, abu kotiak etunganan lo la da ajaatar ka ipitenin iarei, la da erotarit araut kere yeniberu ka yenikiliokit. Ido kebu

ngesi kolemu nearai neeberu kinga, naarai kerai ngin amina, kosodi aibwaikin ngin toma naka itunganan, yen anyaritai Keba, naabu Adam konyara Keba, na da arai aberuke. Erai nen nges neabu aminake, nakakuan, amina naka phileo, kodongakinor neejai aberuke. Epone ngol nges ibusakinitor etunganan ajaut lolo, kosodi ngin da atacakin neejai okilenike. Etunganan, yenikiliokit; aberu, yeniberu.

22 Kosodi konyet, teijo, akaulo na Nges aiswamaun etunganan kotoma aputoKe Obe, "kosub Ngesi kes, yeikiliokit ka yeniberu," amamei etunganan loekoriei akwap. Kosodi Ngesi aibwaikin ngol toma apua naka akwap, ido kanukangun koraun do ngol...kerai ngesi etunganan ngol. Etunganan lotunganan lo kerai mammal, teijo, kerai ngesi etiang; konye abu Ngesi kibwaik emoyo lo loka Edeke, aijar, tomake, ido abu kibwaik ngesi kopone loikoni nen ebe kejaatar ngesi kapedor aseun. Kosodi do konyet neabu etunganan lo...

23 Kwana kereka kiwomit oni ebe kirai oni ibore. Kiitu bon, inyo kirai oni? Alunguret naka alupot. Kodaunos ngun. "Ido naarai irai jo apua, ibongori jo toma apua." Aso naiwanyunia jo etunganan loelosi ijesitai korot, koomite ebe erai ngesi itunganan mutan, ijeni jo, ido kojaatar ka aisisiat adio ka iboro, kiitu jo, erai alunguret naka apua nako Indiana. Kodaun nen. Ido aberu ngin naenapit kere igoen luuriesik, ido kipuriei aimat esigala ka aiyatakit kopone kangol ijesitai korot, komojiria bala erai akwap kere nakeng, erai ngin alunguret naka apua nako Indiana, ido epone ngol loejaar nges aibelokin abongor. Aso mam do ijo irai ibore yenepol ageun da ber, teijo. Aso ngin, erai ngin nakabeit, ngin nges irai jo.

24 Konye, etau ngol loejai toma nen, teijo. Karai bon Ngesi kopedo adumun einono ngol, emoyo ngol, acamanar nepepe kaNgesi, kanen do kotwani einono ngol, einono ka amina naka akwapin etwani, ido iboro luka akwapin etwakete. Ianyu? Naarai, "Arai imina jo akwapin, arai iboro lukakwapin, emamei amina naka Edeke kotomakon." Ianyu? Ido etunganan ibusakinit kouruunai bobo. Aso, iburai einono lo atwanare, kosodi einono loka Edeke abunore kosodi aijar kotomakon. Ido Edeke bon nges ibore yenimam cut egeunitor araiboot mam cut ebuni adaun.

25 Aso, kanukangun, adau Ngesi acamun aimorikikin, koany jo, ido ayanga etunganan lo, lokakwap, nepepe kEmoyo lo loka Ikar Kere, kosodi aisimorikikin ngul nepepe. Naarai, abu Edeke Elopel kiloreun atakanun kotoma kangin, ebe abu Ngesi koraun Etunganan naaraunor Ngesi Kristo Yesu, kwabo arai Ngesi Edeke, teijo. Ajai Edeke toma Kristo; ebe, teijo, abu kidukurite tomaKe, kojai itupuci akwap kanuKeng. Ido kotoma Etunganan ngol loitekooro, nginidiopet kaoni lumam itekooro lukiyuunit Edeke kasodete acamun Ngun, kiraun do aitekooro naka Ngol.

26 Ido kereka mam Nges abu kinyeik akuanaKe aibos, mam Ngesi abu kojalak eketau kokatwak, konye abu kitajaru Ngesi kapaaran nauniet, ido ejari bobo Ngesi ikar kere. Ido kiponi oni ajaun kakuan naeputosi kakuaanaKe Obe nakaibuses.

Erai kanukangun nges kibatisaere oni kotoma OkiroriKe, tetere oni ijaruni KokiroriKe, kotoma atwanareKe, kotoma ajaruniKe, ebe kijaruni bobo oni, aitejenaar mama ejaas akwapin ebe kijaar oni kAijar nakitetet, ebe adau etunganan lomojong atwanare. Kipou oni kedaata einono ngol lomojong. Ianyu? Einono ngol losodit adaun, kwabo kwana kirai oni einonoKe. Ejari Ngesi kotomawok, ido mam oni iswamai nuikoto oni ikulepek. Kiswamai oni nuekoto Ngesi. Mam oni kiwomoomoe aomisiowok kikulepek. Aomisio nuajaas toma Kristo Yesu ejaas toma naka nginikeyuunan kere. Teijo, engol-engobongol etau kanen, ido ngol nges kinera oni nukeng. Aso kereka, ngol nges ewai loamoomoe eong nukeng, kwana, ebe ejai ngol tomawok, etau.

27 Kwana, arai kianyu oni, kotoma kana, ejaas nen iboro luipu lu etakanunenete acepak, ido kiumokinit oni kanukinyo etakanunatar kesi, ido kingitanakin oni ikulepek bonik, ido kingitanar kama ejaas luce da. Konye kawasia, akaulo kapak naedit konyet, kidumuni oni ebe, arai irai oni Ikristayon, ebuni ngin aswam ejok, kopone ece. Ianyunitotor bo yesi ngun. Ikristayon kere eanyunenete ngun. Kiumokinit oni kanukinyo kipou oni keswamatar ngun.

Abu eong kaumok kadiopepak, irwan nasodit eong aisiom Ebaibuli, "Kanukinyo bo kecamakinia Edeke Aburaam, etunganan ngol lokapolon, cut aibwo kanen ido kobala ebe mam Sara kerai aberuke?" Ido epone ebe loacamakinia Ngesi ngol aibwo kanen kosodi aisab kanuikamunitos ngun, ka iboro da luabu ngesi kiswama, kosodi konyet kikwaikini Ngesi ai ecamakini Aburaam anyoun alosit kinga naka akwap naka aisumunet neabu Ngesi kicorakinitor ngol mam ainyein. Eyudayat edio kere loinyeikini akwap naka aisumunet ebongorit kau, naarai abu Edeke koinak ngin mamakec ido abu kisumunite kes asalit nen, teijo, kwabo apotu kesi kinyeis ngin. Aso abu ngesi kijesar alosit Gerar. Konye ibore kemam araut kanuka ngin ebe...

28 Kosodi konyet Abimelek, ekabaka ngol kokwap kangina kakwap naka Ipilistian, abu komina Sara ido alosi adukokin ka ngin, ido rai lo etunganan loajok, etunganan loedolit. Ido akaulo na kacepak ngesi...Erai yen ibore yenepupo bala aitieken yes, konye kanu aitarauun ngun ibore ilopet mamakus. Akaulo na nges adaun ailong ebong kosodi anapakin ipajamin ke, kosodi da ailip ailipasineike kosukokin ojamu, abu Ejakait kotakanikin nges kosodi atemar atiar, "Koany irai jo bala ekatwan," kwabo mam kereka etunganan ngol kiswamat idiobore. Ianyu? Arai cuticut ngesi loapotu Aburaam ka Sara da, kinerutu ngul luarei kere

aingala. Erai ngin naabeit. Kotema Ngesi, "Iyengarit jo aberu naka ecetunganan, teijo. Ido Eong-mam Eong acamuni aiirar ailipasineikon, mam akiro arai itia jo ai ilipi. Irai jo bala ekatwan. Konye kereka erai etunganan ngol enabi Kang." Ianyu?

29 Teijo, erai ngin naeninik amisiikin, teijo. Konye karai komam erai ngin, mam oni tikijenu inyo kerai asianut.

Kanukinyo alosio ngesi kosodi adukokin Kagar, akaulo na ajaut kaberu naminat kwape Sara? Mam ngesi akoto aswam ngun, teijo, konye abu Sara kolimok nges. Kosodi konyet Ejakait alimokin nges, "Kiira ngun nukilimokinit Sara jo." Kanukinyo? Kibusakinit kojaun loerai Isimael, "ebe mam abulesit ka ikekoku mam eraunos ikerumak nepepe ka aberu najakakai ka ikekoku." Ianyutu yesi apolou kanu abala eong?

Iboro lu kere eraas aitupuseta. Kanukinyo keraar enabi ngol adukokin amalayat kosodi ajaun...nepepe kidwe lu, kosodi auruun idwe iarei kaneejai ngin? Kwape aanyunet. Kanukinyo keperio ediopet kosiepike lokoteten adaun apaarasia akwataongon ka akaisaongon, kosodi konyet apero apaarasia nuetia nen kosiep kaloce kaje kopone kangol? Kwape aanyunet. Abu ediopet kolaca ikegoen kosodi alosit kakonyen nuka Isirael. Ido kereka, kwana, iboro ngul kere, keraas aitupuseta ka itoribei, teijo; ido iburai oni ajaut ka iboro ngul, aileleb toma.

Ido, irwan ipu, kiswamanakinos oni iboro lukiumokinit oni kanukinyo eraar kwangin. Erai Edeke nges ejai alingakin sek aitodikin oni ibore mutan.

30 Kwana, kwape etelepat loadit, ido ijenete bo yesi akiro nuka aijaraka, eong-abu duc eong keyuunite, ageun ne apedorit ber eong aaitunite...Idiopet koboro lusodit lu eitunit eong...Kwana na, kwana, elemuni acepak ti kolimokinite jo eong icebore bian, ido ti acepak kimurwok eong lolo. Konye ejaas ibore ice, kokau, luapotu kotakanutu kapaarasia wok nukeiditeu, luipu kaoni ikote nen, lu duc kiitunit oni. Ido epupo na bala nuka aitieken alimun nu, konye eitunit eong kapakio ngun aliaat eong, kanapite eiteitei lokaojan. Idwe ludidik, kwana ice kayesi itunga lukaturika ti kiitutu ebe, edila idwe ludidik anapite iiteitein lukaojak ne teni. Ido eitunit eong aliaat eong, kasodi alemunun akako kakeje nuka mamaika kasodi ainyam ngin, naalomunia ngesi toma kai ido kobwoi eiduny ka etem loka akim.

31 Kosodi konyet ibore yenatupakini yen eitunit eong aiswamaun kotoma aijaraka, arai aitapoet, nasodit eong aiir adumun, ido abu kolimok eong ebe abuni eong aijar adaun apak naepol noi kotoma aijaraka eiduny keibuga loenyaritai New Albany. Ido kereka arai ikoku yenididi yenikomor kokuju kangina, amamei da ber emuruon loka adekis kapak naedounere eong. Ido-ido eong-eong...Ijenete bo yesi, kesi...eboi eong kane bala ikar akaisakany, kanepokane cut; aitapoet.

Kosodi konyet epone loajenia eong ebe kejai Edeke nenice, ido kwape ikoku isapat yenididi abu Ngesi kiner mamaka, "mam cut aimat esigala, arai aimat ajon, arai amunaar akakuan," ngin nges aupa ka angor koponesio lumam ejokuka ka iboro da. Abu duc eong kajaatar ketasuro loka ngin, ido arai eong ekatumunan.

32 Kosodi konyet ajai eong amej kapak adiopet, na da esubit bala einono lokiareit mamakang, amina ameja. Ido ajai eong amejaete ka etelepat ediopet, Jim Poole, ikoku yenejokuna taitai. Aomit bala ebunene etelepatake ailip okanisa ne, Jim lodidi, ido erai ekale loka itunga luejokuka noi. Ajeni eong luka Poole. Jimmy ka eong kijotot nepepe ido kiboit da nepepe ageun nakiraar isio isapa ludidik kosomero. Kirai kilanyakina isio kilapio ikanyikape, kotoma okar. Ido abu Jimmy koduo ekemudu, ido abu koduik eong airotar akeje aarei kere, edunyasi keong neeteni, kemudu loka shotgun. Aponi eong kayangaar adekis, ido, kanen, aperi eong kanen auta atwanare, amamei penicillin arai idiobore kapaarasia kangun. Doodo, kwana, apesikinitai amilimilet kwapuka, ido ajeni eong akuare ngin...Alosete kesi aijeng eong atupuruc naatupakini.

Apotu bon kesi koyangasi kosodete aitalaun ajimi, ido alunguren nuapolok nuka akiring nu aduoritai aisiarisiar, ido apotu kesi kolemutu emakasa atubonoria ngun awai, ido arai eong aitingit akanin nuka etunganan. Ido ajaatar kesi ka Frankie Eich, abu pacupac ngol koarakin elopet bon, ido arai kesi aitingit, ajakun kereka akakanin kakaninike, na-na adauniata kesi. Abu eong kelulu kasodi aimony, ido aimakakina nen kopone kangol, kojaasi kesi atubor ewai ngol loka akeju. Karai eong loka ikar itomonaongon lukapolou, isapat bon yenididi.

33 Ido akuare ngin abu eong katam ajotoor, kosodete kesi...abu eong kakweny, abu ibore kodetun. Kwabo keraas nu kane aokot, nuadolete aapikin aileleb egalon, aomit eong, kelomunete kamoori kangun. Ido adaunitos kesi...adaunitos kesi ainwak kede x-ray, ido abalasi kesi ebe aperi arasasit eiduny kamoorit nakapolon, kowaitin kere, ebe akwacaret napetai epedori aitiak ngin kaarei, ido eong kageu aiwi. "Eebo," abu eong kaomoom, "awasiaka do nges na." Ido abu eong kebwaik akaninika kwap kopone kalo kasodi aikeun kuju, ido aleleete aokot kakaninika, kerai aokotoka obe kes kaperi eong kotoma kec. Abu eong keworo, aramakin ekide. Abu anaasit kobu, ido abu bon ngin kopesik ataulo nen aijujuaria naarai amamei idiobore yenedorete kesi aswam.

34 Ido tupurucuke, kotoma ojautenesio ngul luitononokete, mam kesi eyasete aokot kapaarasia kangun, ijenete bo yesi da, aso apotu kesi-apotu kesi kojengata eong. Ido apotu kesi kijaikis eong ether. Ido na eong...Ether lokolo ngol, aomit eong iitunitosi yesi, erai ngesi ekia loelemari ber apipil apak edit loenyaritai anesthetic. Ido kokwap naka ether ngol, na ekwarunia eong, ajai eong aikwarun ko ether kangol akaulo na isawan ikanyikauni. Kerai kes aijaikin eong loetia nen, aomitos kesi ebe mam eong tikapedo...mam eong ti ekwaru. Mam kesi apotu kopedosi aisikwarun eong.

35 Eitunit eong Ajkt. Roeder nges abwoi eiduny keong, kokinga kangin kadekis. Mam cut kemurwokini eong aberu ngin. Komam apod nuejaunos, mam cut eong ti kemurwok ngesi. Arai bon ngesi aberu nakatumunan kapak kangin. Okilenike nges arai loepolokinit neiswamaere amotokan. Ido eong-eitunit eong ngin ebwoi eiduny keong, ngesi kede Ajkt. Stewart. Ido kaitebeikin arai kesi kes apotu kotacata isirigin lu emukeere eong kadekis. Eong...Amameete da ber isio inyamat lunnyaman, kotoma otogo, aso opone do ali tikipedia isio aitac isirigin lu amukian kadekis, akwat nuka dollars? Konye ngin, kitorite atukot naka ekanisakec ka Ku Klux Klan, abu kotac isirigin ngul lukadekis kanukang, Masons. Mam cut kemurwokini eong kesi. Ianyu? Mam akiro arai anyoika iswamaete kesi, arai inyo, aringa eong...ejai ibore mutan, ido esalit ngin nepepe keong, teijo, nuapotu kesi kiswamata kanukang. Ido apotu kesi kotacata etiai ngol neejai Doctor Reeder. Eringa ngol ejari, eboie kane ko Port Fulton, epedori alimokin jo akiro ngun.

36 Nakwenyunia eong kokwap naka ether ngol, ajai ibore yenabu kiswamaikin eong kanen. Eyuunit duc eong ebe arai ngin aitapoet. Naarai, ajai eong anonok noi, ido eong...Aomitos kesi ebe ajai eong atwanare. Amonyi ngin. Na angaria eong akakonye, abu kapedo asesin, apedorit eong apupun nges inera, kasodi bobo eong abongokin ajotoor, kasodi akwenyun, irwan aarei arai auni. Kasodi konyet eong adumun aitapoet kapak kangin. Kasodi konyet eong adumun...

Bala ilapio ikanyikaarei konyet ekaulo, abu koraun eong abongor kanu alemun awai kama kakejeka shotgun wads ka igoen luemejaere luajai agirisi toma; mam edokita abu kopedo alemun ngul. Aso abu do eong kadum amunaar naka aokot, apotu akeje kere kobutuonosi kosodete asukokin kau kokwapuka, ido akotosi kesi ti atubor akeje kere kotulin kang. Ido eong cut-abu katema, "Mam, kikuny kuju lailo kosodi atubor kokuju kane." Mam cut eong abu kapedo atitingikin ngin, teijo. Kosodi konyet do kawasia, apotu Doctor Reeder ka Doctor Pirtle, luko Louisville, kojengata, kosodete aicil toma nen ido apotu kolemutu ngin kinga; ido lolo kijaar eong kakeje nueumokina kanuka asianut naka Edeke.

Konye kokwap naka a-a aitapoet nawasia na abu eong kadum...

37 Aitapoet nasodit, naekwarunia eong, kasodi alomar toma aitegelikin komoyo na. ido abu eong kaomoom ebe ajai eong toma okatwak, korai cut naidelele...

[Ebala onac ece katukot, "Kitim eong, ipa."-Ekewa.] Uh-huh. ["Eilor aberu kane, kanepokane cut."] Mam ace, kidokok idiotunganan nges akanin, kosodi ngesi...bala ti kisukunyikis ngesi neepolor ekwam. Kwana yenipe kere ebwoi eiduny kanen, kidokok akaninikon neejai ngesi.

Kelipata.

Ejakait Yesu Lominat, kilipit inacikosi na edeka atupuruc na, ido eilor ngesi kagola, kilipit asianutuKon ka agogong ka apedor...idokokinitai akanin neejai ngesi kopekwana, abwoikinitor Ijo. Ido edaunit Naiwadikatai atemar, "Etupakinete aanyuneta nu ngul luyunete. Arai kidokokis akecekanin mama ejaas lukadekak, engaleunete." Ido kwana kilipit isio kolom iinacikosi kotoma adek na, ido kongaleu kanuka aibuses naka Edeke. Kokiror loka Yesu Kristo nges kilipitor ngun, ido kijaikinit ngin mamaKon. Amen.

38 Kwana koyangasi ngesi neejai ekwam. Erai ngin-edit noi ekwam kane. Apupi eong kane, erono neeteni, teni. Erai bon ngol ejautene loipupio jo bala ijai aiyilor, kane kotut. Abu eong kapup ngin, irwan aongon arai akany kane. Arai ejai...atipet ngipengin naepupunio ngesi bala atamaki ber mot, kanukinyo, kibwaikisi ngesi neepedoria ngesi adolokin ekwam. Erai ngin naejokuna. Uh-huh. Teijo, erai cut ekwam nges edit noi, ijenete yesi. Esubunete itunga, nginidiopet kaoni, alukat naka ipuutin luipu luka adek bon. Arai ijaatar yesi, itunganan yenejaas akipi kanen, arai icebore aibwaikin neejai iinac. Erai ngesi-erai ngesi na, mam ace kwana. Teijo? Mam ace. [Ebala onac kotoma atukot ebe, "Kajalakisi do ber oni iekia engaara kopekwangin, Onac Branham."-Ekewa." Eebo, acepak arai tikipedosi yesi angaar iekia, acepak, arai aijaikin ekwam loiyatiyatakina, kwape loetia kwape kipedia oni, kopone edio kere, teijo.

39 Kwana kotoma apak na, kwape kipou eong kajaunotor kaitapoet, ido kaomoomoi ebe eong-kadaunit eong atubor kaijar kana alomar toma aitanio.

Ido akaulo na ilapio ikanyikaarei, kane ko Clark County Memorial Hospital, aponi kojengai eong irwan nakiareit. Ido kotoma apak ngin, naekwarunia eong, aomit eong ebe abwoi eong ko To. Abu eong kadum aitapoet ace. Ido ajai nen emusalaba loka esabu kuju toma apak, ido kojai Aibuses naka Ejakait eleleunit komusalaba kangol. Ido abu eong kabwo katerorite akaninika kopone kalo, ido kojai Aibuses ngin edoit toma atorobuka. Kasodi eong...Abu aitapoet ngin konyou kamakang. Ajai papaka iboie kanen eseseni

eong, naabunio aitapoet.

40 Abu duc eong kapupi, yes...itunga kere luejenete eong adaun ikar lu kere, ejenete ebe abu duc eong kakote alosit To. Ijenete yesi epone loejaar ngin. Erai ibore yenajai abear To. Konye naarai abu ekerereon aacer kalimok eong kapak adiopet, ibore ngipengin, ebe ibusakinit eong alosit to...Aacer, nairiamatar airimokinetakec ka ace da kwangin, idounitai eong kokwap naka aanyunet kangin, ido mam cut eong apedori araut lo akeriana ko Kide; eraun eong alosit To. Ido okaru loatubor abu eong kalot, To, ailelebikin ibore yen arai eipud loka apak kere naka aijar, teijo, a-a aswam ngun.

41 Anyoika bo ajaar eong ngina? Erai ibore yenikisuumokini noi kakere. Aiboi kangina kamoding, aitac dollars akwatat kitomon elap, e rent, kwabo ejai ne etogo iboie kane, etogo loka ekecokon, ejaasi toma iboro kere kanuka, teijo. Konye erai atupit Ejakait, naarai, ngun-kes ajeni eong aswam. Ido ijenete yesi aitapoeta kosodi ngun nuatakanutu kokinga kangina. Kwana-kwana kotoma kana akoto eong atiar ne...

42 Kwana arai epupi iinaciwok bala enonok nepetai, Onac Roy, ido ti ngin...ekoto aitolomar nges kinga nenice kosodi aisiboikin ngesi agola kalailo, nedumunia ngesi ekwam loiyatakina arai ibore ice, ido erai ngin naedolit cuticut, naarai, apupi eong ebe ebuni ngesi angaleun kopekwana cut, teijo. Ejokuna. Epupi bon ngesi bala iiriai kwap, ekoto ailek. Ido kereka eong-eong kalimokinit yes, arai ngin...arai ikotosi yesi ayaun nges lailo ne ekwam...kikiyasi idirisan, Onac Roy, ido arai ekoto iinac aitorun nen abunore, ngin-ejokuna. Teijo, arai ekoto ngesi abunore lailo, ejok, mam ikuriaka ngun.

Akoto eong aidokokin akaninika mamakeng naetuboror ngesi kane. Kitimoto ber yesi kere eong apak edit. Ido kitim eong Edeke kanu...Ngin, erai ngin nakabeit, onac.

Papa lokoKuju, na akokuKon kane iboie kane atupuruc na, ido abunit ngesi aiirar Aisiiraret, kosodi adumun...etamit Satan aile ngesi kama kangin, konye mam nges epedori aswam ngun. Mam nges epedori aswam ngun.

Mam ace. Eebo, ekek ngol, aomit eong arai idis...?...inacan, epedori konyet do ekwam aitorun ne, mama kon.

43 Oo, kiner ber jo nu akadit naka ekwam, ekotokin ber yes alomar toma ace kotoma aiboisio nu kokekwan ne cut iculatar kesi kuju naka idiopet kayenice, nepepe katapon ka engoti. Ido, oo, ikatuan, mam cut ido ecicing jo adumun eiyenganekon, ijeni jo, kotoma oboro ka kangul. Apero toma otogoi ngul lukapolok, korai cut luileleba-adekasinei. Ido ijenete bo yesi ibore yen epedori atapon ti araut. Kanen, eperete kanen komameete aki, ido atutubet naka ereetekec enyamit atapon, ido komameete akanin, ido iloin ludidik kanuka akeje, ka iboro kwa kangul, koperete, kiculasi. Ido luipu kakesi kojaas atwakare kanepakanen, koperete kokinga kanen, kama iculatar, atamit alomun kanenice, ijenete yesi, kanu aiirar Aisiiraret.

44 Dodo kwana-kwana kotoma kana, alimokini eong yes nuapotu kotakanut. Kotoma aitapoet naabu eong kadum, abongori eong kau naarai abu eong kayau ngun, aitapoeta nuarei toma, kanu aitodikin yes nuikamunitos adiopet kakesi. Arai eong lokebeit ajaut To. Abu duc eong kemiela ngun.

Aso kereka kwana, alosikinet naka Aisiiraret atupuruc na nges aisiirikin ekanisa, kotoma nginibore kere yen ecamakini Ngesi eong aisiirikin ekanisa ngun, kwape ejaar neanangit eong ajeni, kiton ne...kwape ajaar eong alosi. Kwana, erai na mama ejai ekanisa lo bon, teijo, mama ne. Kwana, ido kotoma aitapoet na, nasodit, enuta nuapotu kotakanutu.

45 Akaulo na aitapoet ainom eong, ido kajai eong anonok noi, ido abu eong katwaniarite aokot ngun kere, kasodi alosit...abu eong kaomite ebe ajai eong alumor toma naka Ikar kere nemam engetakin. Luipu kayesi iiraritor eong alimori nu kokau sek, ido-ido alumor toma naka Ikar kere nemam engetakin. Nasodit, ajai eong etorit toma bala idouon, kosodi konyet toma amuton, ido kajai aiyatakinit alumor kwap kopekwangin, kwap, kwap, kwap. Ido ibore yenisodit ijenete yesi, abu eong kadol toma ariino nuka luewoloritos, ido kotoma kanen eong-abu eong kadelo. Ido abu eong kasesen, ido kanen, cut nginibore kere, amamei apetetait mamake. Mam cut eong tikapedo apalar aibiritoi kwap. Adaun Ikar kere, asubit bala, alosi eong aibiritoi. Amamei apalar, kanenidio.

46 Kosodi do kerai ngin aitegelikinet nanyoin kama ejai aitapoet naabu eong kadumunite kane, mam apak naeoj etuboro, naka ajaut toma Aibuses nepepe kitunga, aitiirianet! Konye kotoma kana, kwape ajaar eong ebiritoi, kawasia konyet do, abu eong keworo papaka. Ejena bo sek, araut ikoku, ngun kes nu ti eong keswama. Abu eong keworo papaka, ido amame papaka kanen. Ido abu eong keworo totoka, "Okwe idiotunganan kigagau eong!" Amame toto kanen. Auta bon eong alosit. Abu do konyet eong keworo Edeke. Amamei Edeke kanen. Amame idiobore kanen.

47 Ido akaulo apak naedit abu eong kapup eporoto lokaiturur naepol noi lo eiritor eong apupun, ido arai aipup nakaronon kakere. Eamei epone kere...Karaida ber akim naebirani nateniteni tikeraun aiyalama kitiiriani ka ibore yenikerai na. Kwana aitapoeta ngun mam iirititor aibiror. Ido kerai cut ngin adiopet kotoma aipup nakaronon kakere na eiritor eong adumun, ido nukiswamat...

Abu eong keira eporoto ece, apupo bala ibore ice yenesubit bala a-a-ekamanara ka aiticanio. Ido napupunio eong, abu eong kangolia, eponitos, ido arai angor. Ido ajaatar kesi ka ibore yeniliba, bon abu kapedo cut aanyun ereetekec, ido ajai ibore yeniliba kwap kakonyekec. Ido asubitos akonyekec bala iriyanaritai kau, kwa isusiata angor lolo eriagi akonyekec, iriyanaritai kau kopone kangol, ido bon akonyekec ka ereet. Ido alosete kesi, "Ooh, ooh, oo, oo!" Oo, ikatuan!

Abu cut eong kadelo noi aiworo, "O Edeke, kitim eong. Kitimoi, O Edeke! Aibo ijai Jo? Karai bon Ijo kocamak eong kabongo kasodi aijar, esumunit eong Jo, araut esapat loejokuna." Aso, ngin bon kereka ibore abu eong kapedo alimun. Kwana, ejeni Edeke, ido kotoma Apaaran naka Atubokinio, ebuni Ngesi atubokin eong kanuka alimunit kangin. Ngun kes abu eong kalim, "Ejakait Edeke, kocamak eong kabongo, ido abuni eong aisumun Ijo abuni eong araut esapat loejokuna."

48 Ido naduikinere eong, abu eong keneritor nukaingal, eswamat eong aapikin ti nginibore kere yenajai kanu aismawao, idiopie ibore bon yen abala eong...ejokiar bala ti eong aitalaun ngin eringa eong ajai ne kwana. Ido nangolekinio eong kwap kasodi eong aanyun ebe aduikinitai eong aapikin aitiak araun atutubeta aarei, ebucit, abu eong katema, "Edeke, kitim eong. Ijeni Ijo mam eong eiriitor aswam adoteu." Ngin bon nges ibore yenabu eong kapedo alimokin Edeke. Mam eong abu kacamunite aitimike, ka iboro lu kere. Abu bon eong katema, abu kapedo atemar, "Mam cut eong eiritor aswam adoteu."

Kosodete do kesi ayangaar eong kinga nen. Kosodi konyet kotoma kangin, abu eong kamony, "Edeke, kitim eong. Abuni eong araut esapat loejokuna, arai bon Ijo kocamak eong abongor," naarai ajeni eong ebe ajai Edeke nenice. Ido kingarak eong, iboro luajarete ngul kanen luitukurianete irimoritos nen kere, arai kereka kwana do eong ekadolunan lokitetet. Ido aipup nasogim noi kakere, naketasuro, namam ayongit Edeke kotoma kangin...Asubit bala akonye nuepolok noi, abukio nuepolok kiswapitos kokinga kopone kangol, ido kiriyana kau bala ikapa, bala kau kopone kalo; ido ibore yeniliba, kosubite bala enyamit engoti arai icebore.

Ido kesi- alosete kesi, "Ooh, ooh, ooh! Oo, aipup bo na! Kwana naabu eong..."

49 Konyet do kotoma apak naeuriana noi, abu eong kabongu toma aijar nakakuan bobo. Etapas ibore ngin eong. Abu eong kaomoom, "Oo, koraun ebe mam cut eong abuni alosit aibois kwa kangin."

Ilapio ikanyikaarei konyet ekaulo, abu eong kadum aitapoet na aibwo ko To, kasodi aanyun emusalaba ngol loka esabu ebuni kwap neajai eong. Ido eong-abu eong kajenu ebe ejaas nenice ariino nuka lumudiara.

50 Kwana, mam eong abu kaanyu ngun ilamara aitodol bala isabitin iwongon luatuboros. Aberuka...Mam eong abu kaomite ngun kadoketa kanu. Bala isabitin iwongon luatuboros, aberuka ka eong kipou kalototo Tucson, egwelet. Ido nakijaar iboie...Abu aberu, kipou isio kalomasi toma togo lokokwap, ido-ido ajaasi nen ekodet loka itelepai luasubitos bala-apesur edemidemitos itimakec, ijenete yesi, kopone loiswamata angor, ido-kojaas itima luetubitai koingaren luekurusitai kwap naka ereet, ido konapitos ipalei luikiara neteni, bala epone loka, aomit eong bala araasi kesi beatniks kere lupe inyaritosi yesi kes. Ido ajaasi ngul nen, ido ajai nginitunganan eseseni kes, ido apolok noi akecekwes opone ngol, bala angor nu enapitos lu kane etube itima loka "waterhead," ijenete yesi. Ido ajaasi ngul kwap nen.

Ido abu aberu nakatumunan kotubun kanen, ido kotema ngin, "Anyoika iwomit jo kanuka ngun?"

Katema eong atiar, "Ibusakinit bodo ti ijo irumitos ileic ijo alopel, arai ipedori jo aomoom ngun." Katema eong, "Ejaatar ngesi cut kapedor aswam ngun na iriakasi kanaijaatar jo. Emamei idio kayesi yenejaatar kapedor.

51 Aso abu do eong kadoka kuju, kasodi aiboikin. Ido naeswamaunia eong ngun, ajai nen amadala naitwasamae akim aitodokia itunga kuju, ajai ngin ositowa loka J. C. Penney, ido ajai amadala ngin aisirimun itunga aitodokun kuju. Eebo, abu cut kadekakin akoik ne teni, aanyun angor ngun edokunete kuju kanen; aatumunak, amojongai, ido kitapalaunitos, esukusuko emukule, atumunak, ido ngolipone kere, konapitos ipalei ludidik netai; awatekec ngun nuasiliaka, kosodi angor nuanapitos igoen kopone loisupi ikiliok aelo, kede akwes nuapolok noi kopone kangol, ido kane kopote ngun. Kosodi adiopet adokun kamadala kangin, cut abunore cut kuju kopone kangol, neajai eong eboie koicolong, eboie eong kanen ketulurite akakou kwap.

52 Kasodi eong aibelokin angolekin. Ido adiopet kakesi ajai adokun kuju kamadalai kobala, "Ooh," enera Spanish, mama ejai aberu ace. Arai ngin aberu namusugut enera neajai aberu na Spanish. Ido nangolekinio eong, [Adoa onac Branham ebokorite-Ekewa.] kere katipet noi abu eong ketegelikin. Kangina, abu eong kaanyunitor ngun sek eringa. Akekonye, ijenete yesi epone loiswamata angor kwana, aijuk eriagi akonyekec, pacupac cut, bala ikapa, ijenete yesi aibwaikin kuju kopone kalo, ido anapakin alabirai nuka ikapa ka nginibore, ijenete yesi, nepepe kakonye kuju kopone kalo, ido kojai ibore ngin yeniliba kwap kakonyekec. Engibongin ibore ngin yenabu eong kaanyunite nearaar eong ikoku. Engin kanen aberu ya cut becebec. Ido abu eong akuan kotwana cut kere, kasodi ageun angolengole, ido

ajaasi itunga ngul iumumosi, ijenete yesi, kolosete iyatakinitos ener nuka itiaisinei ka iboro lukotoma aduketait. Ido eong cut...

53 Esubit bala abu eong ketegelikin adaun apak naedit. Ido kasesen eong, ido kaomoom, "Ngun kes nuabu eong kaany kokatwak." Ajaasi ngun ngina, engoti ngol. Abu eong kaomite ebe naarai ajaasi kesi okatwak nges ejaikinit kes ikote nen, neeliba-nebululu kokwap naka akonyekek. Ido kane ajaasi angor nu ejukitos eriagi loejesi neeliba-nebululu, kopone cut loabalar aitapoet ngin bala ikar akaisaongon atuboros.

Teijo, bala ikar akaisaongon atuboros, nges abu ngin korai. Arai eong akaisakany-kiwongon; karai eong itomonaongon. Aso erai bala ikar akaisaongon atuboros, eong...Ido ngin nges e-e...Ngol nges enaba, kopone kere, loka atubokinio, koany jo. Kana ajai nen...

54 Adaunit eong aanyun ngun ido mam da ber eong abu kapedo ainerakin ka aberuka neabunio ngesi. Ajai ngesi laingol etamit amoikin Sarah ka idwe icebore, asubit bala e-e eiteitei kanuka esomero, ido eong-mam eong abu da ber...mam eong abu da ber kapedo ainerakin ka ngesi. Kobala ngesi, "Bill, biaibo jo?"

Katema eong atiar, "Naminat, arai eong kwape...ebucit eong araut etunganan lokatwan."

Kosodi ngesi atemar atiar, "Inyobo ibore? Ideka jo?"

Katema eong, "Mam. Ejai ibore abu kotakanu kopekwana."

Kwana mam ngin ejeni. Ejai ngesi idarit ateepeu na abongun. Mam eong alimokinitor idiotunganan ngun. Ido abu eong kaomoom ti aidareikin, kwape esumunitor eong, aige ber ayaun ngin toma okanisa. Ianyutu? Ayaun ngin toma okanisa. Arai ngin aisumuneteka. Ido ipote yesi ajenun, akaulo na akuare kana, akirot naijaikinit eong atamit aricit aisumuneteka. Ianyutu?

55 Abu do eong kaomoom kapak kangin, kwape abu eong kaanyunia akonye ngun nu asubitos bala enyamit-engoti kama ejaas angor ngun. Ajaasi nen Spanish, Ipalasan, Ilugai, ka imusugun, ido kere nepepe, konye akwes nutiok ngun nukapolok, ijenete yesi, ijenete yesi epone loiswamata kesi ngun. Aremor kuju kede alaketa, epone loelakiata kesi ngul kau, kopolok noi, kosodi konyet alomun kinga. Ijenete yesi epone loiswamata kesi, aenikin ngul toma kopone loiswamata kesi ngun. Kosodi konyet akonye ngin nuasubitos-bala enyamit engoti, kosodi akonye ngun nuejukitai eriagi, ekietara ngun kau bala akonye nuka ikapa. Ido ajaas inerasi, kwabo eong ngol kanen bobo, abwoi kanen ko J. C. Penney's store, ajai bobo okatwak.

Eong-eong-abu kaurianaar ketasuro loepol noi. Abu eong kaomoom, "Ejakait, ejena cut ebe mam eong atwanit, ido icamak Jo eong abunore aibois na akaulo naka akiro ngun kere.

Aso kerai kes bo ngun kanen, iswamaete...cut kanepakanen kopone kangol, kotoma aitapoet kangin bala, mam cut apatana ijo apupun nu enerasi kesi kakonikii, ijenete yesi. Bon aiumuumo ka alosit, naka itunga, kosodi kojaas angor ngun adokun kuju kamadaala ido kolosete airimor nen, ido "Ooh, ooh!" ajaasi akonye nulibaik ngun, nuajai epone-lope atakaniata, ido koraas nukaiticanio.

56 Ido abu mucaala kodoku kuju. Kasodi eong atemar atiar, "Kojalak ber ijo eong bon kanu apak naedit, awiinyi." Katema eong, "Arai mam jo ipodo, eong-eong-akoto eong alosit ore."

Kosodi ngesi atemar, "Ideka jo?"

Katema eong, "Mam, kolot jo akonye, naminat, arai eroko jo itolosi egwelet."

Kotema ngesi atiar, "Mam, adau eong."

Kasodi eong atemar, "Mere eong keting jo akan." Ianyu? Ido abu eong kalomu kinga.

Kotema ngesi, "Inyobo ber?"

Katema eong, "Meda, eong-eong-eong...abu ibore ice kotakan kokuju kangina."

Ido najaar eong kwap kangin, abu eong kaomoom nu, "Anyoin bo apaaran nakijari oni kotoma? Epedori kereka na araut Airiunet ngin Nakiuniet?" Kwana kijaar eong ka aigirigireta adis kane.

57 Yesu. Kidumuni oni ebe, Yesu, kotoma aijaanakiniKe, akaulo na Ngesi alimonokin itunga...Kwana kilosi oni araut lukitwasamai Nuiwadikatai ne teniteni kotoma kanu. Akaulo na Yesu angetakin aijaanakiniKe, ido apotu itunga kogiroto aijaanakiniKe. Kwana ibuni jo aisiom kiding naka ikokoron, kinomu do jo aomisioit kon. Kiiunitos nuabu eong kalimok yes kanasodit. Akaulo na Ngesi alimonokin...

Abunit Ngesi kwape Ngol loesumunitai kanuka apaaran kangin. Kijeni oni kere ngun. Itejenaaritos Nuiwadikatai Obaibuli Yesu Kristo kwape Mesia. Erai ngin nakabeit. Ejok noi, kagogong, itodiarit Edeke nepepe kAkirotoKe, ebe kerai Ngesi Mesia. Eamei abunonokin. Arai ejai itunganan yenebuonokin ngin, arai

ibuonokin jo, ibusakinit do jo abunore olutari, ebe, "Mam Ngesi kerai Mesia." Arai Ngesi loetijenaaritai kitacaunitete ejok noi kwape Mesia. Konye akaulo na Ngesi aitacaun...Abu Edeke kitijena Ngesi.

58 Kwape abalar Petero kapaaran naka Pentekosit, naenerar nges neajai Sanhedrin kangina, kaongon...bala apaarasia aongon konyet akaulo kangun. Abu ngesi kotema, "Yesu loko Nasaret, Ekiliokit lokitodiar Edeke mamakus kanuka aanyuneta ka nukaumokin da, nukiswamai Edeke kotomaKeng kokidingikus, na da kirai oni kere ikajenak. Ianyutu? Ipotu yesi koarata, ido kakanin nuka itunga lukaronok, ibubukis yesi Ekapolon loka Aijar; lo da abu Edeke kitajaru, ido etodia iboro lu luisesenete yesi." Ianyutu? Abu Kristo kiyatakinite aijar. Ejena bo cut ebe, eringa ejai lolo.

59 Kwana akaulo na Yesu abunore kitacaunitete ejok, abu Ngesi kitijenaar Elopet, abu Edeke kitijena Ngesi, ido abu Ngesi kodwar. Ido akaulo naka apaarasia nuka adwaraanutuKe, karaida itejenaaritai kotoma KaNuiwadikatai, apotu itunga kogiroto Ngesi. Erai ngin nakabeit. Ido abu konyet Ngesi kolimonok akaulo na kes aigir Ngesi kane, ngul luajaatar ti kapedor nakaraun luitajario. Kiitunitos, naalimonokinia Ngesi arai ti naepedor idiotunganan kere ti kitajari. Mam oni kijeni ebe lukangai bo kesi. Eraasi kesi lukinerunitai sek. Konye abu Ngesi kiyatakinite alimonokin kopekwangin.

60 Konye akaulo na apaarasia nuka alimonokiniKe, abu aijaanakiniKe kinyikokinite alosit akonye, naarai ekodet lokawasia Ngesi alimonokin mamakec kes itaun luajaas okatwak, lumam apedorio aisioni. Adaunit eong aisiom ngun kotoma Obaibuli kane, kama ka Petero Lokiareit. Ianyutu? Abu Ngesi kolot kosodi alimonokin itaun lukejaas toma aidaris, ne da erai okatwak, egolokinitai kiton Apaaran naka Atubokinio.

Naarai, koanyutu yesi, Atubokinio mam erai kwana, ido emamei egeena loenokie kwana. Kiilimok itunganan jo ebe, "Ejai kwana ebok ngol asisior ko geena," erai ngin naibiroro. Ianyutu? Ekatubon loka akwap kana mam cut ilesikino atubokin etunganan aitodol na eyangaunere ngol kopupoi ekemusago. Ido Edeke mam cut eakarai itunganan toma oupa loidopit kiton kito ber nasodit ngin atubokinio kitwasamaete ikisila luka Edeke Obe. Abu ngesi kogir aitim, aso, teijo, ibusakinit nasodit ber kopupoi emusago ke, ido atubokinio nges Eicolong Loepol Lokakwangan loka Atubokinio. Konye kwana ejai ngesi toma aibois naenyaritai aidaris.

61 Kwape abu eong kaanyunia aitapoet naka aiboisio ngun nuaarei, ido kanuka asianut naka Edeke...mam eong alimuni nu mere kanu araut lomam etakanunit, ido, arai ibiroro ngin, kisioni Edeke eong. Eyuunit eong ebe abu eong kajauna toma aiboisio ngun kere nuarei, teijo, toma aiboisio ngun kere nuarei. Ido abu eong kaany lulakuna, luisirerengitai; ido abu eong kaany lueolioritos, ido nekejaasi kesi. Ido kanukangun nges abwoia eong kwape onacekus, lolo, aikwenyar yes kokerata awai kosokot kangol loijesitai kwap. Siri ijo cut kitor orot ngol. Ido ijaatar jo kanginibore yen ibusakinitor jo aijar kanukeng, erot ngol loisirerengitai loelosi kuju. Nejaas lulakuna kotoma aiyalama ka ainapakin da, ido mam bobo kes epedorete aswam adiakar. Mam kes epedorete-mam epedorete aiitokin. Mam kes epedorete. Aanyunit eong aiboisio nuarei kere! Ajeni eong ebe erai ngin aliminet nasogim etunganan alimun, konye, korai Edeke Ekatubon kang, eyuunit eong kotoma abeit cut ebe aanyunit eong aiboisio ngun nuarei kere. Eong-eyuunit eong ngin.

62 Ido, oo, kinyek araut naepedor ebe idiotunganan alomar toma aiboisio ngun nuka lueolioritos! Karai ti ijo aibwo kicumitete kiwayai luemwaka toni aipelor, kiticanete kepone edio kere, mam ngin ti eputosi kaiticanio ngin naka ajokin naejai ngina toma aiboisit ngin. Emamei ibore yen tikepedo...Mam aomisio nuka itunganan tikepedosi ainomar anyoika erai aiboisit ngin naka lueolioritos. Emamei epone lokitetemunet ngun. Ido emamei epone lokitetemunet anyoika erai ariino ngun nuka luisirerengitai, erai naepol noi. Erai ya naketasuro noi, ido Na erai noi-naepol noi, erai anyoun kotoma alakanar kiton ayongong naikiara kakere. Aso arai kepupu idiotunganan eong...

63 Ido alosi kwana eong araun etunganan loemojongit. Mam eong ajeni arai etia ai bobo apak neideuna eong. Eapie eong alomar araun ikar akaisakany-kikany lukapolou. Ido eong-mam eong ajeni, kwape eraar einono loka isuban, mam eong acepak ideuna ikar luipu. Mam eong ajeni ne ebuni ateepe na alosit. Konye kopup nginitunganan, kane ido kateepu, arai nepe kere elosi ngin. Siricut nepecep da kitena abear aiboisio ngun nuka lueolioritos. Mam jo ipedori ainomar okatwak araut aiboisit naerono kopone kangol. Ido nuiswamai jo kere, siricut ijo kidum adio...aimurwokin nu, ebe aiboisio nuka luisirerengitai...Ti eong kalim nuta, nepepe ka Paul Lokalaunan, "Mam akongu eanyunitor, mam akit ibiunitor, karaida alomar toma otau loka itunganan, ngun nuingadakinite Edeke ngul lueminas Ngesi." Aso kobwou, arai ijai jo aipup ateepe, kogweta ber acuuma kisililing, kosodi aitoronikin arai mam jo itajaruna, ido kitetenaar ka Edeke.

64 Enera kereka eong nuetorit eong elopet toma, kwape eyuunitor eong kotoma otauka. Ido abal eong, arai nu, arai ingalatos aitapoeta nu eong, kitim Edeke eong kanu alimun aliminet kwa kangin. Konye nepepe kainakina naejai toma otauka, kajeni ebe emamei adiopet da kotoma aitapoeta kangun naiiritor aibiror, eyuunit eong ebe adolitor eong toma aiboisio nuarei kere. Kinyek idiotunganan alosit aitenar orot ngol loijesar abear kwap!

65 Kwana, Yesu, akaulo na Ngesi angetakin aijaanakiniKe, abu kolimonok itaun ngul lumam apedorio aitajar, lumam cut tikepedor aitajar. Kwana kilimokinit oni Ebaibuli ngun. "Abu Ngesi kolot kosodi alimonokin

itaun ngul lukejaasi toma aidaris, lumam apotu kitoronikinos." Na ainakinere kes aitim, apotu kesi kogiroto aitimio, doodo kwana idaritos kesi Atubokinio. Oo, apak bo nanyoin ibusakinit kerai ngin! Oo, elipit eong karai kojai epone edio lotiketamarania eong akwap kede ngun, kanu aijaikin kes aanyun inyo erai ibore ilopet.

66 Ido Yesu abala, Ngesi elopet, "Kwape abu Papa keyakiunia Eong, kwapekwangin Eong da keyakiari yes." Ido kwape abu Papa kiyakiunia Ngesi alimonokin lu-luejarete, ngul lukejaatar kamuno, kosodi konyet aijaikin Aisiiraret ngipengin mama ajaasi ngul luamamete kamuno, esubit bala erai naibecokino, kapak kana, ebe ibusakinit ngin araut naeponio aswam, naarai Emoyo loka Kristo ejari kotomawok mam ijulakini einono loka Ngol, araiboot mam ijulakini eiswamae loka Edeke. Icorakinitai Nges araut ngopengol kotoma nginitur. Ibusakinit Ngesi araut ngopengol. Abala, "Kwape abu Papa keyakiunia Eong, kwapekwangin Eong da keyakiari yes."

67 Ibusakinit aijaanakineta koputosi, noinoi kiton neabalar da Ngesi...aseseni eong ice kayesi igirigirete ikokoron. Yokana Lokalaunan 14:12, "Yenikyuuni Eong, iswamai ngesi da aswamasio nueswamai Eong." Teijo, aswamasio," alimonokin mama ejaas lueolioritos, aitagale lukadekak, kosodi konyet mama ejaas ngul lumam epedorio aitajar. Ianyu? Abu aswam kolot akonye kopekwangin. Aso, abu na korai, (na abu korai?) elipit eong aibwaikin ngin kopone kalo, aijaanakin naka Yesu Kristo atakanu bobo kotoma OkanisaKe kotoma apaaran na nakawasia. Ngun kes nuiyuunitos luipu kaoni. Eyuunit eong nepepe ka yes. Eyuunit eong nu. Karai komam eong eyuunit ngun, ti eong eswamai icebore kanuikamunitos ngun. Naarai, akaulo na kere, eong nges lo loika-...nges kekamunitos kotoma kane. Ido arai ejai Emoyo loka Edeke tomakon, irai jo loikamunitos nuka itunga.

Ajai Naiwadikatai Obaibuli na duc abu kotionikinite eong ajenun, epone loabu Musa kopedoria alimokin Edeke aomisiotit naejok itia najaatar Edeke, kiton ne adumunia eong ebe kerai ngol Emoyo loka Kristo kotoma Musa. Ianyutu?

Abala Edeke ebe, "Musa, kotiakun ijo elopet kamakec. Akoto Eong amudiaar ibore ngin kere, kasodi ageun nepepe ka jo."

68 Kotema ngesi atiar, "Ejakait!" Abu ngesi kibirokin elopet toma asoogot, kobala, "Koyanga eong. Kiputa ekakiror." Kanuka itunga lu cut luapotu komengerikis, abu eketau koloma kanukec. Ianyu?

Ido na ekejaanakinan loejaasi itunga toma otauke...opone cut ali ti araar eong loitojokitai mam eka...kakonyen nuka Edeke, ido kamaka da elopet, kanu cut aibwaar idiobore kama ejaasi itunga ngul luimina jo adepar neiminar jo ilopet bon akonikuan. Ikwaikini ai etunganan epedori ayangaar etunganan okanisa kanu arikor kakan, arai aicokicokio ace mutan, arai aibatis ace nakapaar, arai icebore kere, kosodi ajalakin kes eperete kokwap na-na aisuparet naka aitapaario kwabo kojani ebe eperi Ebaibuli ngol kanen, ido konyet atemar ebe imina jo itunganan ngin?

Karaida keraun eong ailipilipitai kanu lujariet, nupe kere eraun, kojalak eong karai lomunot mama ejai Edeke ka itunga da, alimokin kes Abeit. Siri kicamak eong araut eketapaaran. Biai apedoria eong aitapaar luamina eong? Karaida keraun eong aitipipil kes, konyeca amina eong kes. Erai kanuka ngun nges idaia jo ikonikoku, erai naarai imina jo nges. Mam erai naarai mam jo ilelakinit nges; naarai imina jo nges. Arai ibucarit ngesi, eponio aiar nges arai mam jo iteteni ngesi.

69 Kwana, kwangin nges ajaar aijaanakin. Kwape kejaar kolo, kwape kwangin ejaar ngin lolo. Alimonokin ngin, ido itodiaritai ejok noi kwape nakabeit kanuka Akirot naka Edeke, ebe mam tikepedo araut etunganan, ibusakinit korai Edeke. Ibusakinit korai. Koanyutu, aanyunet nakomoyo yapeya naeswamat Yesu, enyogoiki atakanun kakwap kotoma apaarasia nukawasia. Aanyunet ngipengin nakomoyo naabu Ngesi kitejenaror Elopel kwape Mesia, etijena Ngesi lolo. Eringa Ngesi erai Mesia! Aanyuneta ngupengun nukakuan atakanutu kakwap, nuapotu kotakanut kanuKeng, ibore yen kerai Ngesi. Epir loka Akim jepeje loabu Paul Lokalaunan koany, Ediopet ngopengol, ngun kere atakanut bobo nepepe keinono jepeje kotomake, iswamai ibore ngipengin.

70 Abu Yesu kolimo ebe mam ibore iswamat Ngesi aitodol Papa aitodikin ber Ngesi. Ido Papa nges Emoyo Lokalaunan, kijeni oni ngun. Erai bon eyapesi loka Edeke. Arai mam erai, ingai bo do kakesi erai Papa loka Yesu Kristo? Abala Yesu ebe Edeke nges kerai PapaKe, kwabo kobala Ebaibuli ebe Emoyo Lokalaunan nges kerai PapaKe. Kwana mam jo ipedori aitarau Ngesi ikoku yenikokale, aso Emoyo Lokalaunan erai Edeke, kwape kwangin kerai Yesu Edeke. Aso, Edeke, Papa, Okoku, ka Emoyo Lokalaunan erai...Erai ngin a...Eraas ngul iyapesin iuni luka Edeke ediopet. Erai aitejenuneta auni, Edeke ngopengol.

Irai jo atutubet naka Edeke, ido arai eong atutubet naka Edeke, teijo; konye mam eong arai Edeke kere, kwape kwangin jo da mam irai Edeke kere. Ianyutu? Ianyutu? Erai aitejenuneta nuka Edeke kamawok, kwape luitaraunitai odwe kanuka Yesu Kristo. Na da abu Edeke Elopel koraunor akuan tetere etwani kanuwok.

71 Kwana, etodianakini duc Emoyo Lokalaunan Ngesi iboro luepote, ido mam cut Ngesi eboror. Kerai duc

nakitekooro. Ngin erai nakabeit? Mam Ngesi koinakin Ngesi Elopel aibuses. Konye abu Ngesi koinak Edeke aibuses. Abala Ngesi, "Mam Okoku epedori aswam idiobore kotomaKeng elopet konye eanyuni ber Ngesi Papa iswamai ngun." Ido Papa ngol, Emoyo Lokalaunan, nges kerai PapaKe. Ngin mam erai nabeit? "Yosep, ijo okoku loka Daudi, sirikiyong aimany Mariam aberukon, naarai akepotuun erai naka Emoyo Lokalaunan," lo da kerai PapaKe. Ido abu Emoyo Lokalaunan kitodianak Yesu iboro luaponitos, kalimonokin da Ngesi iboro lukejaas.

Ido kerai Ngesi Edeke-Enabi. Naarai, Akirok naka Edeke ebuni bon neejai enabi; aitodikin ebe apotu Akiro kopotu, kotoma aput naedit, apotu inabin kiwadikata nuabu Edeke kolimok kes. Konye mam Ngesi abu kiwadik idiobore, naarai kerai Ngesi Akirok.

72 Koany, Emoyo Lokalaunan ngopengol loajari kotomaKeng, "Apak edit, mam kaanyunete bobo akwapin Eong; konye yes kianyunete Eong, naarai ajaun Eong ka yes, ajaun da tomakus, kiton awasia naka akwap. Abuni Eong mamakus," abala Ngesi. "Eong," nges Papa lojai tomaKeng, "ngol loebuni mamakus." Ido abala Ngesi, "Kebu Emoyo Lokalaunan mamakus, ebuni Ngesi apukor iboro lu luesisianak Eong yes, ido ebuni aitodikin yes iboro luepote." Aso konye yesi kwana.

73 Kwana kianyuni oni, ebe kwape abu Emoyo Lokalaunan kiswama kotoma Okanisa kapak kangin, kwape kwangin eswama Emoyo Lokalaunan becebec iboro ngupengul lolo; alimor kanuka Epir loka Akim, cut becebec kopone lojaar kageunet, ibore ngipengin. Ido nakeanyunia nu epote neejai Yesu, abu Yokana kolimo ngun kocor Yorodan. Ido etogogong nginibore, kito da aputosia nuka sayanis nuka ngun. Mam ngun epedorio aipeg. Kerai kopone loka sayanis. Kerai kakuan. Mam kerai aomisoit naka awaragasia nukinonosio. Mam kerai psychology. Kwape abu Gorge J. Lacy kolimunio, "Akongu nacuumma naka akamera mam epedori ainomar psychology. Etirit Aica alabira naka akamera."

74 Idobo do jo, ekanisa, ebe bala ilapio ikanyikape arai ikanyikauni luatuboros kane, ido abwoi kane, kabala, "Erai EBALA KWANATA EJAKAIT, ebe abuni eong alosit Tucson, Arizona. Ejaun airetunet, ido etakanunete Imalaikan ikanyikaarei." Iitunitosi yesi? [Ebalatukot, "Amen."-Ekewa.] Mam da ber...Abu Edeke kitarau ngin ibore ilopet cut neteni aitodol Look magazine ainomar apoto naka ngun. Nukomoyo, nuaponi koanyunai sek eringa, apotu kotakanutu cut becebec koraas ngupengun, Imalaikan ngul ikanyikaarei, luayangaunete angetakineta naka Nuiwadikatai Obaibuli kere. Naarai, nukaiyeiyea kere nuka Ebaibuli kaileleba ejaasi toma Aipuceta Akanyikaarei ngun. Kijeni oni ebe Ngun nges e-e Eitabo, aipuceteKe, nepepe kaNgun eriyoritai. Erai aiyeiyea naka Eitabo kangol kaileleba, ajai toma Aipuceta Akanyikaarei ngun, nuabu Ejakait kocamak oni ayaun.

75 Ido ejaasi ikiliok iboiete kane, lolo, luajaasi cut ngina nepepe keong natakanuniata ngun. Abu Look magazine kitogogong ibore ngipengin, ebe apotu ngun-apotu cuticut ngun kotakanutu. Naarai, arai Edeke Ngol abu kinerite ngun. Kerai Edeke nges ebwoi kokau naka AkirotoKe, kanu aitodolikin Ngin kelimo Ngesi ebe ebuni aswam ngun. Kanukangun do, mam erai ediotunganan, lokakuan bala eong, nges ejai kidingikus itunga lu. Erai Edeke loka Ikar Kere.

Itwasamai Ngesi itunga. Erai ngin nakabeit. Mam Ngesi iswamai idiobore kinga naka nuiswamai Ngesi kitwasamai itunga. Kijeni oni ngun. Ngesi, erai ngol-erai ngol ekabwoikiniton Keng. Ngol nges abu Ngesi koseu. Kanukinyo, mam eong ajeni. Ti Ngesi kepedo, aijaikin akolong alimonokin Akiro Nukajokak. Ti Ngesi kepedo aijaikin ekwam alimonokin Akiro Nukajokak. Ti Ngesi kepedo aijaikin ekwam aswam iboro, konye abu Ngesi koseu itunga.

Kerai ngin nges aomisoitiKe, ebe etunganan ti einer, kitorite toma otunganan; mere ngol elopet, konye, "Abuni Akirok naka Ejakait mama ejaas inabin," ikadwarak, ikalimonokinak. Ido ekadwaran loegirit Akirok nageunet, ikwaikini ai ngol epedori araut enabi lokabeit? Ianyutu? Mam nges epedori araut, naarai egirit nges Abeit naka Akirok. Ido konyet arai mam ngin, apolouke do Akirok na, Alopel, naelimonokinere Nges kanuka araut nukabeit nuka Akirok ido kanuka araut nukabeit nuka Emoyo Lokalaunan, ebuni aitodiar nginisumunet kere naabu Ngin kisumunite. Epone ngol nges kijenia oni arai erai ngin naedolit araibo mam. Ngun kes nuabala Yesu, "Arai mam Eong eswamai ngun nuiwadikatai Eong aswam, siri kiyuut Eong." Ianyutu? Kwana kiseseni oni iboro lu.

76 Kiitutu, aponi Aipuceta Akanyikaarei ngun kongetakinai, ido na Nukabeit ngun akanyikaarei nuaponi kopukoro....

Adiopet kakesi, mam Ngesi akoto acamakin oni ajenun. Oni...Imwasi ai ajaas ne kAipuceta Akanyikaarei ngun, kosodete apupun? [Ebalatukot, "Amen."-Ekewa.] Yes kere, aomit eong. Teijo, a-a Aipucet Naikanyetekaarei, mam Ngesi akoto acamakin ngin.

Abu Ngesi kobwo kanepakanen cut kotoma agola kosodi apukor nginidiopet kakesi. Ido arai eiritor eong alimonokin ibore kotoma ajaraka, korai yeniyengakinitai, kerai ngun. Ido ibusakinit korai nakabeit, mamakus. Aibwo kane alimokin yes ebe elosete ngun atakanun, ido alosit cut ngina, kosodi da ber sayanis ka nginibore ice kere, aingic naka sayanis ka nginibore, aiyeiyea namam itunga ajenete, apotu kitogogongoto ebe abu ngin kotakanu cut kangina. Ido abongun nepene ido aiirar ngin epukor, ka ainakin

da Nginikirot araut naibecokino cuticut. Apaaran bo nanyoin nakijaria oni? Aibo kijai oni?

77 Ido kiitunitos, kotoma Aipucet Naikanyetekape ngin, ne da, Arupepen Akanyikaarei kere ekutakinio kokwap naka Aipucet ngin Naikanyetekape. Naidolokinio oni ngin, ipote yesi aanyun ngin. Kangin (akanyaarei) Arupepe abu kotakan kotoma Aipucet ngin Naikanyetekape.

Ikanyikaarei erai duc aiyeiyea. Kosesen ikanyikaarei ngul, ngin nges angetakinet. Kerai ngin Abunore naka Ejakait. Abu Akuj kililing, cekecek, mam idiotunganan abu kijangakin. Naarai, abala Yesu Elopel, "Karaida Emalaika loka Akuj mam ejeni apak nabongunio Eong. Mam da ber Eong ajeni ngin, Eong elopel, apak nanyoin. Ebwaiki Papa ngun toma aomisiOke." Edeke bon ejeni ngin, Emoyo. Abala, "Mam Eong abu kajenu ngin." Apolouke, mam aponi kopukoroi ngin. Nakutakinere Arupepe ngin Naikanyetekaarei...arai boot Emalaika Loikanyetekaarei, a-a aponi kopukoroi Aipucet, kane abu kojaun aililing toma Akuj. Teijo, mam aponi ngin kolimoroi, ngun nuapote ajaun.

78 Konye kokwap naka Aipucet Naikanyetekape, neapotu Arupepen nu kopukorotor, kiitunitos, kokwap kanen, kidumuni oni ebe abu Imerekek kolomu, abu kotakanu kanen. Adaunit Ngesi ainyein Eicolong loka Aitim. AswamuKe naka alakun abu kodaun. Ido abu Ngesi kolomu kosodi alemun Eitabo kakan nakoteten naka Ngol loeboie kOicolong, ido "mam bobo apak." Ido atipet ngipengin abu emalaika kotakanu kotoma osula loikanyetekaarei, araiboot esula lo 10 ido ekokoro lo7, ebal...Abu Emalaika lo kodoku kwap kosodi aiyapo, ebe, "mam bo ejaun apak."

Konye, koanyutu yesi, kotoma Oitabo lo nges ajaasi lu elakunitai. Kerai ngol Eitabo loka Alakunio. Ido nginibore kere yen abu Ngesi kolaku ewadikatai toma Oitabo ngol. Kere nueduporete Ngesi etwani kanukec ewadikatai Oitabo, ido mam Ngesi apedori ainyein EicolongoKe loka ainganganakin aitodol Ngesi adaun alakun cut. Ido mam Nges abu kopedo alakun ngun komusalaba, naarai kinerunitai se ngul kotoma Oitabo loka Imerekek loka Aijar, ido ecorakinitai ber Nges asalit Nen kopekwangin kanu aipur akiro aitodol naedaunor itunganan yenikawasia. Aibuses!

79 Konye kapaaran adiopet abu Ngesi konyou Kanen, abunore alomun. Aibo do ber ajai Eitabo ngol? Keringa ejai toma na Elopel lokegirunan, Edeke Lokapedor kere. Ido abu Yokana kongolengole, kosodi ngesi aimony, naarai kemamei itunganan da ber yenikibusakinit angolekin Eitabo ka, kanoinoi, apukor Aipuceta ngun, kanu apukor aanyun arai inyo kerai aiyeiyea ngin na ebwaitai.

Nukaiyeiyea ngun ajaasi toma Aipuceta Akanyikaarei. Nakepukorerere Aipuceta Akanyikaarei nu, abu ngin kopuko Ebaibuli kere kaileleba. Aipuceta Akanyikaarei ngun; kipucitai Ngol kede Nukaiyeiyea Akanyikaarei, ido kotoma Aipuceta nu Akanyikaarei kitingitai aiyeiyea kere naka Ngol kaileleba. Ido kerai Eitabo loka Alakunio, Aitutuket Nakitetet.

Mere Namojong. Arai Ngin na bon alimorit kanuka Nakitetet. "Adaun kes aitarau...mam epedorio aitarau kes luitekoooro kamameete oni," Iburanian 11. Ianyutu? Ianyutu? Aso, abu alakunio kodolu kapak bon naketwania Ekalakunan. Ido araasi kesi lu bon apedorete kokwap naka aokot nuka imerekekin, mere Ekalakunan; mam ber kelakunitai, aitodol Ekalakunan abunore.

80 Koany kwana na Ekalakunan lo...Abu Yokana kongolengole, kwabo Edeke lo kane eboie kOicolong, kotingite Eitabo kakaniKe, ngol lokipucakinitai nepepe kAipuceta Akanyikaarei, ido aitemonokinet kere naka alakunio kejai toma naka Ngol.

Ido keponi kitoolioroi Ngol kama ka ateker naka itunga, Adam. Kosodi Edeke...Abu Ngol kobongo ai bo? Mam Satan apedori ayangaar Nges; abu bon ngesi kidupo ngol aitoolior Nges. Konye aibo ber abu Eitabo kolot kapak kangin? Mam kerai loka ateker naka itunga. Mam arerengasio ngun keraas nuka ane; kane abu ateker naka itunga kitoolio Nges. Aso abu Ngol kobongo cut mama ajai Elopel logeunet, kerai nges Edeke.

Kane eboie Ngesi kotingite Ngol, ido abu Ngesi kiworo etunganan edio mutan, idiotunganan kere, abunore kosodi aiburaun Ngol.

81 Abu Yokana kongolengole, kwabo kemamei etunganan kotoma Akuj, amamei etunganan kakwap, amamei idiotunganan, amamei emalaika, amamei ibore yenapedori alemun Eitabo karaida alacakin Aipuceta, karai da ber angolekin Ngol. Amamei itunganan yenebusakinit. Ebalaya Yokana ebe abu ngesi komony noi.

Kosodi konyet Emalaika abunore mamake, kobala, "Siri kimony, Yokana, naarai epiko engatuny lokateker naka Yuda, tetere do epedori."

Ido abu Yokana kongolia kanu aanyun imerekek...arai kanu aanyun engatuny, kwabo do inyo abu ngesi kodum? Imerekek, ido kerai Imerekek yen eledileda Aokot, Imerekek yen kearitai. Ageun bo iwori? Ameun kapetetai naka akwap.

Abu Imerekek kobu iingaren, kosodi alosit neejai Ngol loketingit Eitabo kakaniKe nakoteten, kosodi

aijaun Eitabo; kodokari Oicolong kosodi aiboikin. Ngesi bo ngin. Apotu do ngun kodaunos (iwori?) kapak na apukore Aipuceta. Naabu yenikawasia, kerai ngin nginibore kere yenabu Ngesi kolaku, amamei ibore...

Abunit Ngesi alakun.

Itemari, "Kanukinyo mam Ngesi abu kolakunia kes ikar akaisaarei luatuboros? Ikar Ilukumin iarei luatuboros?"

82 Koany, ikecekiroria ejaas Oitabo loka Aijar, kotoma Oitabo ngol. Ido kiburai Ngesi aibwo kane, naarai kerai alosikinet naka Edeke alakun ngul. Keponi kibwaikinai ikecekiroria Oitabo loka Imerekek loka Aijar eringa kepesikina apetetait naka akwap. Aponi kibwaikinai Imerekek nen nepepe kanges, kanu aario. Kane kobuni do Imerekek, nakearere, abongun kanu aingainganakin.

Kosesen Ngol! Ebuni ajaun aituputooro naepol, luipu koboro ice kere, konye kejai teniteni itunganan yen aponio aitajar, naarai Ngesi...Aponi Ekanisa kinerunitete sek araut loemamei amasikinet arai asukokinet. Ebuni ngesi ajaun nen. Ido abu Imerekek kotwana kanuka alosikinet kangin, Dodo kedaun alakun ekiror lokawasia kOitabo kangol, abu Imerekek kobu kosodi alemun Eitabo. "Eong nges abu keswama ngun!"

83 Imalaikan, Ikerubin, Imakio akaisaarei ka luongon, Itiang, nginibore, apotu kolacasi akeceboko ikulepek, kibirokinos kwap kakonyen nuka Eicolong, ido kobalas, "Ibusakinit Ijo!"

Abala Yokana ebe, "Nginibore kere kotoma Akuj ka akwap da abu eong keira iworoete, 'Amen,' ikalalaete, 'Aleluyiah,' ka aiturit Edeke." Abu aiworo kikiar kuju. Kanukinyo? Ajaas ikiroriakec toma Oitabo ngol, idaritos apukorio, ido kebu Imerekek kodau apukor ngul.

84 Kebu Imerekek kolaku ngol, konye mam Nges apedori alomun aitodol na apukore ngolikiror, ido ajaas ngun atakanun kokwap naka Aipucet Naikanyetekape, eringa Naikanyetekaarei kebila. Konyet do naemamei amasikinet...Kobuni do Imerekek aomun ngul lukebu Ngesi kolaku. Abu Ngesi kobu alimor ngul lukebu Ngesi kolaku. Ejaatar Ngesi ka ngul sek, kanepokane cut kotoma Oitabo, abu kolemu Ngol kama kakaniKe. Kwana ejai Ngesi abunore aijaun ngul luelakunit Ngesi. Ngin nges aswamuKe. Eswama Ngesi. Ebunit do Ngesi kanu aijaun ngol. Oo, nanyoin bo-nanyoin bo apak na! Etogogongi ngun, Aipucet Naikanyetekaarei nges abu kitogogong ngun. Abu kobongu kosodi alemun Eitabo loka Alakunio!

85 Koanyutu, kebuni araut Aisiiraret naka emalaika loikanyetekaarei nges kiburai apukor nakikanyetekaarei, Aipuceta Akanyikaarei. Apukokinio 10:7, kwana, ipote yesi adumun ngun. Ianyutu?

"Ido abu ngesi koany Emalaika lo ebuni kwap, kibwaikini akejuKe akwap ka angolol," kerai Kristo ngol, "koi etaluka kuju akouKeng." Koanyutu Ngesi, idumuni jo Ngesi kotoma Apukokinio 1, bobo, "ketaluka kokuju akouKeng; kotakani bala ayaseper ka asarudio," ka ace da kwangin. Kane ebunit Ngesi, kibwaikinite akan adiopet... "Akeju adiopet akwap, adiopet akipi; kikiarite akaniKe kuju. Anapit etaluka kakouKeng," ca. Erai ngin aitutuket. Kerai Ngesi Emalaika loka Aitutuket, lo da kerai Kristo; iswamatai nepetai arianakin ka Imalaikan, kanu aiticanio. Kanen kobuni Ngesi, "Kosodi aibwaikin akaniniKe aikiar Akuj, kosodi aiyapo kolimite Ngol loejari ikar ka ikar," Ngol loka Ikar Kere, Papa Edeke, "ebe mama bobo ejaun apak," naetakanuniata nu. Adau ngin angetakin. Adaun ngin. Angetakin ngin.

86 Kosodi konyet ebala Naiwadikatai Obaibuli, "Ido ka-ka Aisiiraret naka emalaika loikanyetekaarei loka akwap," ekiyaka kakwap, atur naka Ekanisa nakikanyetekaarei ido nakawasia, "kageunet naka aijaanakinike," naegeunia anyoun alosit toma akwap, kapak kangin, "aiyeiyea naka Edeke naka Aipuceta nu Akanyikaarei, ibusakinit kitejenaritete kapak kangin." Kwana kianyuni oni nekijai oni. Ngin kereka epedori araut, Ipapero, epedori kereka ngin araut? Koanyutu, kere epedoros.

87 Ngul kere lukeponi kolakunai kotoma Oitabo, abu Ngesi kobu kanuka alakunio. Ngul kere lukibusakinit kolakunai ajaas toma Oitabo, lukinerunitai sek eringa kepesikina apetetait naka akwap. Abu Ngesi kobu alakun Ngol. Kere lukedaunit Ngesi alakun ewadikatai toma nen.

88 Akoto eong aingit yes aingiset kopekwana. Ido yes luipupete ateepu, kopupokis ejok noi. Akonye ngun nuitukurianete, akou ngin naitukuriani, epedori kereka ngin araut ebe nges eraar Aisiiraret na naesurwokinit noi angor nuka atur nakativen kwana? Epedori kereka na araut Aisiiraret naka emalaika kangol lokawasia? Anyoika abu Ngesi kiner kangina kocor, bala ikar akaisauni-kiuni luatuboros? "Kwape aponi kiyakiunere Yokana," teijo, "alimor abunore nasodit naka Kristo, ebuni Aisiiraretekon alimor Abunore naiareit." Airimokin akwap, ido ngin kes nueswamat ngin, apolouke ibusakinit do Abunore ngin korai naeyapie. Kosesen nuetakanunete kwana.

Kanukinyo?" Abu eong kako akakou. Ebelibel eong kamuteteka. Asakasak eong kotogo. "Inyobo ber ijo?"

89 Apaarasia adis nuatuboros, abu eong kengit itunga iarei lukiupar keong komotoka. Abu eong kengit

Jack Moore kapak adiopet. Ido yes kere ijenete Onac Jack Moore. Alosi eong neejai ngesi ko Shreveport. Katema eong, "Onac Jack, iraun jo kwape epapero lokodie noi lokijaunor eong kakwap." Ido eringa eong kingita ngesi, abu ber eong kengit mucaalaka.

Arai ejai itunganan idio yenejeni nuikamunitos eong, nukarokok kang ka-ka kere, nges mucaalaka, teijo, itunganan yeniketia. Ido abu eong kalimok nges apaaran adiopet, katema eong, "Naminat, kwape okilenikon, arai eong ekejaanakinan loka Akiro Nukajokak. Mam eong akoto ayaun adiomorosit mama ejai Ediopet ngol loamina eong. Mam. Mam eong akoto aisirieb jo. Mam eong ti akoto ayaun adiomorosit mamakon. Madi akuj eong aswam ibore idiobore yenimusungi Edeke, epone loaminar eong Ngol! Irai jo aberuka; erai Ngesi Eketajaranika ka Edeke da. Akoto eong aingit jo aingiset. Mam ibwai idiobore. Kolimok eong abeit." Katema eong, "Eong esisia noi kwangin..."

90 Ido aumonok eong. Arai eong, eong-arai eong loiswamatai-araut, loitwekeni, loitegelikina. Ajeni eong ngun. Kotema nginitunganan, "Etunganan bo lokepone enyoin?!" Eebo, teijo, mam ijo ipedori ilopet bon aitarau. Irai jo ibore yenirai jo, kanuka asianut naka Edeke.

Kasodi eong-eong-eong atemar, "Arai bo ejangakin eong akou motimot nepetai, ijeni jo, ido-ido asub bala aeka do eong?" Katema eong, "Kanukinyo atubokinitor eong angor ngun, aidentyakinit tiritir, kwabo amina eong kes?"

Enyaritos kesi, abalasi ebe arai "loengara-angor," mam cut eong angara...eong cut "angar angor." Ianyutu? Mam ngin erai abeit. Amina eong angor, apeleikinit eong, kwape ainacanaka.

Mam eong alosi aibapabap ijo epur, kaseseni ebe ibucarit jo. Apedori eong alimokin jo ngin. Amina eong yesi noi kanuka ngun. Ikiliok ice lutiiswamaete ngun, erai ngin epone loegelara loka amin. Ianyutu? Amina eong yes naarai amina eong ibore yeniraas yesi; irai jo akengarakinan naka okoku loka Edeke, ido irai jo atutubet naka ngol. Ianyu? Ido eong-kamina eong yes naarai ebe-ebe aponi jo kosubunai kotoma aputo naka etunganan, ido etunganan aponi kosubunai kotoma aput naka Edeke, aso do, nepepe, ijaas yesi toma Kristo. Kanukangun nges kaminar eong yes. Idio, ibore ece, mam erai ibore neejai ngin. Ejeni Edeke ngun, ajaraka kere. Ianyutu? Erai ngin nakabeit. Amina eong yes. Kanukinyo ti kabwoia eong ido aidentyakinit...

Naebalatar kesi, "Kolimokisi angor kere, na, arai ebeit kes alosit abunore aipup Onac Branham elimonokini, kolakata ikecetim kopone loegelara. Konap akopira arai icebore arai ice, naarai ebeit ngesi ageun ener nuka itim luuriesik, ka akon...Sirikinap e make-up lokepone edio kere," ka iceboro da kwa kangul. Ngun nges apotu kesi kiswamata. "Kere nuenerit ngesi!"

91 Abala icetunganan ebe, "Kanukinyo mam jo..." Abala, "Iyuunitos itunga ijo ebe irai enabi. Kanukinyo mam jo isisianakinia angor epone lodumunet ainakineta nukomoyo nuapolok, ka iboro kwa kangul, aibois na atamit aisisianakin kes iboro kwa ngul?"

Abu eong katema, "Arai mam kes ekotosi aisisia anyukutanakec nuka ABC's, ejenunete kesi biai algebra?" Ianyutu? Kitetenaar ber, nasodit.

Ido nape eyatakinitor alimonokin, nges do iyatar ngin amunaar cut. Konyet do itemari jo, "Kanukinyo do mam jo inyeinia?" Mam, cut. Ibusakinit kojai eporoto, ekajenan loitepegit ngun.

Ediopet kotoma otunga luepolok kotoma aijaanakin lolo, abu kedokok eong akekanin mam etuboro apak naeoj, kobala, "Alosi eong ailipakin jo, Onac Branham, arai icam jo eong aswam ngun, ebe kolema Edeke ngun kotoma otaukon." Kobala, "Koosik angor ngun akulepek bon, kotoma oboro ngul."

Katema eong, katema eong, "Iyuunit jo ngun, ipa? Irai ijo ekalimonokinan loka holiness."

Kotema ngesi, "Cuticut. Mam eong eyuunit ngun, konye," kobala, "erai ngin-naikamunit a..?"

Katema eong "Mam."

Kotema ngesi, "Erai ngin naikamunit ikecokok."

Katema eong, "Mam kereka ngul iswamaete ngun."

92 Iburai icetunganan mutan aswam ngun. Ebeit atubor kocor. Ibusakinit abolocaa emukule alemar awai. Mam eong akoto aswam ngun. Ejeni Edeke ebe mam eong akoto aswam ngun. Nuipu kotoma angor kangun itanete ikadwe, ido ti kiperikis ajarakec kwap kanuka, ibucitos. Iwomitos yesi, ka asianut naka Edeke naipasaara kanuka Emoyo Lokalaunan, iwomitos yesi ebe ti eong aibwo kapalarite ido aite itunganan ngin esomar kinga laiije toma naka Ikar Kere komameotor ka amun, arai mam eong eworoi aitepeg ngun?

Mam erai araut lokacoa; konye emoyo loka ateker kana, emoyo loka ekanisa, mere Emoyo loka Kristo, kwana; emoyo loka ekanisa, ediini, eucoki angor nu toma amunaar kokinga kangina. Ido arai bon

eong eporoto, loiworoi, "Kolomutu kinga kama ejaas ngun. Kokerata asilianut ngin." Mam icamakini ajokit aismamaikin jo ibore kwa kangin. Erono nen!

Kosodi yes Assemblies of God, inyeinete angor ngun, icamakinete angor ngun aitub ikecetim, konye kimikitosi kesi anapit make-up. Emamei kereka kaitebeikin Naiwadikatai naesurwokinit e make-up, konye ejai naesurwokinit aitub ikonitim. Mam da ber ngin ibusakinit ailip kakonyen nuka Edeke, ebala Ebaibuli. Ejaatar okilenike apedor naka alacakin ngesi, kosodi ainyein nges. Abeit. Itodiara ngesi alopel nejaas akwapin kwape aberu namam elai. Abala Ebaibuli kwangin. Isurumit okilenike ileic naiswama ngesi ngun. Erai cuticut ngun kes abala Ebaibuli. Ianyutu?

93 Eebo, konye aberu anapit e make-up, kidumuni oni ejai aberu naabu kiswama ngun kotoma Obaibuli, adiopet bon. Ngin nges Yesebel. Nges ngin. Nges bon itunganan kotoma Obaibuli yen iiritor ainap e make-up, arai Yesebel, ido abu Edeke katipet noi kitania nges-ingokwo luadedeng. Araun ngin nakileic, karaida ber ake...Nginibore kere, idiobore kere yen emumu enyaritai Yesebel.

Mam ibusakinit jo ti aswam ngun. Mam ibusakinit jo ti aswam ngin. Inyobo do einakinit ijo iswamai ngun? Emoyo loka ajokit.

Mam jo ijeni ngun. Ajeni ebe mam jo ijeni. Irai jo-iraas yesi itunga luijokuka noi. Ijokuka yesi. Ijangjangete yesi akakan, inerenenasi yesi keong.

94 Ido amina eong yes. Erai ngin nakabeit. Konye arai kaanyu eong ngun, mam kereka ti eong karaun lokesoswai...Abala Paul ebe, "Mam abu kenac alimokin yes Ainerun kere naka Edeke." Kinyeis aokot nuka adioberu ajaun mamakang kotoma Apaaran kangin, arai nuka etunganan. Alimok eong yes Abeit. Kwabo angara eong alimokin yes ngin; mere angar naarai mam eong akoto aswam nuebala Edeke eong aswam, konye amina eong yes. Mam eong akoto aisirieb yes, aso keswama bodo eong anyoika? Konye Amina naka Edeke, naesegeara kiremokini jo aswam ngun.

Abu da ber Yesu kilip ti ainac emusalaba. "Erai tope naepedor ebe ti kenac akoli na?" Kobala, "Mam cut karaida, mere akoteKa, naKon."

95 Alosi kereka eong araut ekesa loibusakinit einer nu? Alosi kereka araut loayangaari angor ngun nuketiai nuejokuka noi ka nginibore kere, ido aitwa kes aisiarisiar? Alosi kereka araut loicorakinitai aswam ngun? Alosi kereka eong araut loayangaari iinacanaka ikejaanakinak, kasodi aibwo kanen ido alimokin kes ebe eminas kesi isirigin ka e-ediini itia ne eminar kesi Edeke? Eong, mama ejaasi iinacanaka luketiai luibwaanakinete akecekan...Oo, icorakinitai kereka eong aswam ngun? O Edeke, sirikicamak eong aswam ngun.

Konye mam eong abu kenac alimokin yes Ainerun kere. Erai Amina nakabeit nges eremit eong aswam ngun.

96 Erai kereka kanuka ngun nges ejaikinit Aisiiraret na ikoni opone lo? Emamei nenice kakwap ejai ngin. Aibo ejai ngin? Mam ace. Ekuriaka kesi. Ianyutu? Konye mam ngin ekuriana. Cuticut. Ikoni duc Edeke nen, teijo. Mam ace. Erai kereka kanuka ngun eraatar angor nuitoronit noi Aisiiraret na? Komam ajeni, mam ngun apukoritai. Aponi kitodikinai eong ngun, konye mam abu koby alimokin eong kyon cut apaaran ya. Ianyutu? Kongolekisi ber ngina. Mam ace. Ibecokino cut toma aijaanakin.

97 Kwana kidarakis ber apak edit. Iiritor tope apak ajaun sek naabu koraunor akwap naka aberu. Eebo. Kotupitete akiro nueswamasi kolosek, kotoma apaarasia nuka Eliya, ajai aberu nanyaritai Yesebel. Ido abu na kipuga ekanisa loka Edeke, na da ebala Ebaibuli ebe ebuni ngesi aswam bobo kotoma apaarasia nukawasia; ekemoyo, kitorite okanisa, erionget. Ido ebuni ngesi araut amalayat, ido luce ikanisan kere nepepe ka nges epote araun amalayan, cut bala ngesi. Ngin erai nakabeit? [Ebala atukot, "Amen."-Ekewa.]

Apukokinio 17, abala, "Erai nges naadote, ido erai ngesi TOTO NAKA NUDOTEA." Mam ngun epedorete araut ikiliok. Erai ngun angor. Ianyutu? Ido aponi kes kere kocakakinai ejaarete toma Angolol naka Akim, kosodete asisior. Erai ngin nakabeit? Aso konyet do yesi.

98 Koany, naanyounio Yesebel ngin atakanun, abu kojaun etunganan loabu konyou aitepeg ngun. Abu Edeke koyau etunganan. Mam da ber oni ijeni nekebunio ngol. Mam ngesi ajaatar kapetetait naka aijaanakin. Mam cut ngesi kerai ediosasedoti arai idiobore. Abu ngesi kolomu, etunganan lokamagoro emojong loengenge loanyaritai Eliya, ido abu ngesi kiperik aep atagoroit naka ekitoi, kwabo angarasi kesi ngol. Mere ngun bon, konye atukotoke kere angara ngesi.

Ido kadiopepak aomit ngesi ebe kerai nges bon kebwoi. Kotema Ngesi atiar, "Mam, kijaar Eong ka ilukumin ikanyikaarei luejaasi nepepe ka jo." Ianyutu? Kerai ngol ekodet ngol loeseunitai, teijo. Ejai duc ekodet ngol. Kotema, "Sirikiyong, Eliya. Ajeni Eong iwomit jo ebe emamei bobo jo ajokis, naarai apotu idiinin kogiroto jo kokuju moru. Konye," kobala, "kijaar eong ka ilukumin ikanyikaarei luiyuunitos ibore ngipengin yenilimonokini jo. Teijo, kijaar ka kes.

99 Konyet do akaulo naka apaaranike, abu Roma kikama, ido abu kodolu apak naabu koraunor akwap naka aberu bobo, iponesio kere luka enape loka-loka angor, epone lo alomuniata kakopiiran kec nuewenio kabokony ka iboro, teijo. Ido abu Edeke kitonyou ece nepepe kEmoyo ngopengol kamakeng, Emoyo loka Elisa. Ngin erai nakabeit? Ido kobala ngol, "Adaun aiperikin aep kwap naka atagoroit naka ekitoi."

Ido ajai iberu yenatiting kotoma kanen, adukokina eke...abu koyalak okilenike, kogeuni adukokin ka onceke kangol, Kerode. Kerodias, ido arai ngin a-a najukit-akesiyalan itunga kapaaran kangin, edaasi. Abu kisisianak akepese epone loikosiere. Ajaatar ngesi kakooke, kama ka papake loetopolouni, e-e papa loketopolounan; kamaka papake, onaceke. Kerodias! Kerai ngin akoku naka-naka-naka aberu kangin. Kosodi konyet abu ngesi kisisianak ngin edaasi, ido abu koraun akekosion nanapit neetuber neteniteni, atupakin totoke. Ido abu ngin koomite ebe epedori ngesi adukokin irwan aongon arai akany, aswam idiobore kere yenakoto ngesi aswam.

100 Kane kolomuni Kerode kinga. Araasi kesi kere Iyudayan, kwana kiitunite kereka jo. Araasi kesi itunga luka ekanisa. Kane kolomuni Kerode kinga, ka ekanisake, aiarar enabi lo, eyuunitos itunga ebe kerai enabi.

Abu ngol kiwonya cut kingarenikec kes luaarei, ido kobala, "Mam erai naibusakinit jo adukokin ka ngin." Ido abu ngin koinak ngin aresiar! Ianyutu?

Kwana, etunganan ece kere lopeduc ti ketema, "Biai boot ber jo toto, Kerodias? Kipupi do isio aiyalama naepol noi aijaun jo toma atukot kosi lolo." Konye mere Yokana.

Abala Yesu ebe, "Ingai bo kilositosi yesi asesen, nakilosiototo yesi aanyun Yokana? Ilositosi yes aanyun ngol loenapit kere bala esasedoti? Mam, loepedori, epone ngul kes lu enuiete imukeru ka aida lukatwak." Ianyutu? Kobala Ngesi, "Kilosete bo asesen inyo? Ekwam, egada lokijangijangi ekwam edio kere? Kotemasi kesi, 'Kobia ber lailo, Yokana. Kitaci isio eropit loepol adepar arai kilimonok ijo isio. Ido, isio, kirai isio erionget loepol kakere?'" Mere Yokana. Mam, mam cut ngol abu kolot asesen ngun.

Kotema atiar, "Kilosete bo do asesen inyo, konyet do, nakilosiototo yesi aiirar ka asesen Yokana, enabi?" Kotema Ngesi atiar, "Ido kalimokinit, yes, loepol aitelekaar enabi!...ipedorete yesi acamun ngun, lo nges loenerit enabi nukeng ebe ebunit, 'Eyakiari ekiyakiKa kakonyeneKa, ido ebuni ngesi aitemonokin rot kanuka Ejakait.'" Kerai ngesi ekiyaki loka Aitutuket. Kobala Ngesi, "Mam ejauna etunganan, loeuunit aberu, kwape loepol kwape ngesi." Ianyutu?

101 Ngol nges epone loka etunganan loabu Edeke kitonyou kanuka apaaran kangin, Eliya, etunganan lokokau naka amagoro. Yokana, ibore ngipengin. Ianyutu? Emoyo loka Eliya ajai neejai Yokana. Ido ebela Ngesi, naebunio araun apaaran naka aberu bobo, ebuni Emoyo ngol anyoun bobo, "Eringa Abunore naka Ejakait, naicwearere akwap, kosodete ikadolitok aipudapud e-e ekurwon loka ikaronok, bala ekurwon kokwap naka akeje kec." Abu Ngesi kisumun ngun, bobo, kotoma apaarasia nu. Koany, abu Emoyo Lokalaunan kisumun ngun. Erai naibecokino mama ejai apak nakijari oni kotoma.

102 MISSING

103 Apotu inabin ngul kitoronata angor ngun nukatinen kwana nuka apaarasiakec, ido apotu kesi kere kotacata kanuka ngun kede aijarakec. Akiro nueswamasi kolosek itogogongitos ebe kanginidiopet kotoma apakio kangun keraasi akwapin nuka aberu, nayaitotor angor.

104 Kongolia nuikamunitos lolo. Kilosi oni ajaun kadiopet, aPresident, adiopet kotoma apaarasia kanu, etakani bala epedori aiswamaun kopekwana cut. Kaitebeikin, erai ngin aPresident. Ianyutu? Erai bon ngol loibwaikinitai nen aibwaikinit. Kane mam etuboro apak naeoj, kotoma adiopet katekerin nuce kwa, ajai ngin edumunit aiturio naepol noi ka nginibore kama ka itunga, kiton e President, elopet, atemar, "Eong kereka nges okilenike." E President loko United States, teijo. Ngin nges egeunene iponesio luka anapito, angor atupit ngun, teijo, cut bala kwa abu Yesebel kismama. Iiraritos yesi alimonokin kang naka Ediini loka Yesebel?

Isesenete yesi nuapotu kotakanutu kane, esabiti ediopet arai iarei luatuboros, kane koibuga? Ekejaanakinan loka Faith Lutheran abu kisukunyu esasedoti loka Catholic loka Sacred Heart abunore adokun alimonokin kanuke, ido abu ngol kismama ngun, ido abu ekejaanakinan loka Faith Lutheran kijesar kwap alosit mama ka esasedoti loka Catholic kosodi alimonokin kanuka ngol.

105 E Council loka Ikanisan kalaingol kwana, loejai airimun ko Roma. Ebaluwa lo loisiarunitai loabu opaperoka lokajokan, David duPlessis; naabu eong keboikinor kanen kasodi aimony mamake kanuikamunitos ngol, ko Fourteen-Mile Creek, mam etuboro apak naeoj; komam ejeni ebe abu ngesi kijanga ekanisa alomar toma Babulon, naebalar ngitunganan ebe, "Oo, ikanisan kere elosete aimorikikin araun ediopet kwana. Eebo, ajeni eong ngun, teijo, bon cuticut nuiwadikatai oitaboka loka adwaranuto kokaru 1933, ngun nuapote atakanun. Kanukinyo, mam kereka yes ijenunitos ebe erai Satan ngol euta asimorikikin nepepe? Ebalu Ebaibuli kwangin. Ido akaulo cut naka apak naedit, cut apak naedit bon, atipet ngipengin naeraunotor kesi ipe, konyet do kanen kodaunos do ngun nuemoritai kodiinin kere, teijo. Ejaun kanen emacarikon loka etiang, cut. Ianyutu?

106 Bon apak emamei eong aiyatakinia kotoma kanu, konye, eyapie adolore isawan ikanyape kadakikan atomonakany. Teijo, akoto eong angetakin nu, adumun adeseikinet na. Ajai bon eong apesikin Nuiwadikatai Obaibuli nu kotoma kane neipedoriata yesi aanyun nuepedorete araut nekijai oni, kosodi konyet kigolokini oni kotoma adakikan adis.

107 Kwana koanyutu nuapotu kotakanut. Apotu i-i inabin ngul kitoronata angor ngun kotoma apaarasia kangun ido aponi konyarai ebe "luengarasi-angor." Erai ngin nakabeit. Akiro nueswamasi kolosek itogogongitos ebe ekote ngun nen.

Kwana kidarakis ber apak adiopet. Ijaasi yesi aiwadik Ikokoron, ekoto ber yesi kiwadikaikis Timoteo Losodit 5:6. Abala Ebaibuli ebe, "Aberu naejari kotoma-kotoma aiteleleta nuka akwapin etwanit karaida ejari." Ido arai kegir ngin aitimio, epedori nges atubor kokoro loetiakit ne da emameunor aibois kanuke bobo. Konyet do aibo ejaun ngesi, kede akekonye nuejukitai, iketim luetubitai? Ido ejai ngesi juwai naka ekokoro kangol, nemameor erot lobongunet, kwabo ibusakinit kojaun aijaanakin naelimonokinere ngesi. Konye kiitunitos, kapak kangin, kodauna cut kere. Kodaunos ngun. Erai bon aitapasio naka aomisio.

108 Ebuni ajaun aijaanakin naitodiarit nukaumokin nuepolok, abala Yoel kwangin, konye mam ejaun apak kanuka alukunio. Edauna ngin kere. Kodaunite Imerekek alemun EitaboKe, kosodi kodauna lulakunaKe. Ido abu Yesu nasodit kolimonok kosodete aigir, kosodi konyet alosit aitapas aomisio nuka ngul lukejaas toma nen, abu kolimonok ngun lukejaas aidaris, mam apedorete aitoronikin, amamei apak naka aitajario, aijaanakin ngipengin ebuni araun nainyogoikin bobo. Idobo do arai epedori ngin araut Airiunet Nakiuniet? Mam ejaas lueolioritos ikar kere. Idobo do arai ejai ngin nen? Amuno eong arai komam. Idobo arai kerai nges ngin? Koomoomoata ber yesi ngun apak edit kwana. Idobo arai erai nges ngin? Madi akuj. Kijaar eong ka idwe. Ianyutu? Konye kereka cut esubit bala ayapu die kane.

Kanukinyo bo kebunio aitapoet ngin aringa eong arai ikoku? Kanukinyo mam eong abu kaomoomoa nuka ngun sek ber eringa? Kanukinyo abunio aitegelikinio komoyo ngin kanen kagola apaaran ya, atemar, "Ena kane"? Erai cut toma kiding naka un-...a-a itaun lueolioritos. Kwabo abu Yesu kolimonok kes, aitijenikin, konye kesi-kesi mam cut apotu kitoronikinos. Ido nape eyatakinitor eong alimonokin, nges iyasiata kesi amunaar. Emamei aitoronikin. Emamei aibois kanuka ngin.

109 Abu Imerekek kolek EitaboKe ne, nape cut ejai Aipucet Naikanyetekaarei ekapakina kanu nges apukorio, Aipucet Naikanyetekape. Kiitunitos, abu Ngesi kibwa Aipucet Naikanyetekaarei kama wok. Mam Ngesi akoto aswam ngun. Naabwoia Emalaika, nginipaaran ka nginipaaran, inera ngin, konye do mam Ngesi abu kiswama ngun kotoma adiopet kangin. Abala, "Ejai aililing toma Akuj." Amamei yenajeni. Kerai abunore naka Ejakait.

"Oo," ibala jo, "mam epedori araut." Amuno eong ti komam erai.

Keyatakisi ber iingaren motimot kane. Ejai ibore yen ewadikat eong, teijo. Mam ace.

110 Kiitunitos, "Ngin naejari ktoma aiteleleta nuka akwapin," naka iboro luka akwapin, aswam bala ngun. Epedori bo ngin alosit okanisa kosodi aswam bala yenikalaunan, emamei ibore yenikamunit ngin nepepe kangun, teijo, konye, "etwanit ngin karaida kejari."

Kongolekisi nueswamata idiinin kanukeng. Apotu kitarautu ngin aketingiton Akiro Nakalaunan, na da mam Ebaibuli ecamakinit. Apotu kesi kitarautu ngin alimonokinan, ameya, nuigavuna, nginibore kere kotoma akwap, ka akejaanakinan da kotoma otogo loka Edeke.

Kwabo, korai nges enyमितos akiro kanuka nginidiakar na iiritore aswam, erai ngin nges edupori ngun ejaunos. Abeit. Kwana mam eong, mam eong enera nuka apedorosio. Enyमितos ngin akiro. Erai ngesi nges edupori nginimukeru idounio emudukana. Erai ngesi nges edupori nginites ebokio. Erai ngesi nges edupori ejaun adiakar, adeka, ican. Mam abiolos emonyuni dimikito erai aberu nges iduporit ngun ajaun. Emamei aibucaret naiswamao, mam adiakar, mam atwanare, mam ican, mam aisiriebio, konye aberu nges kebu kiswama ngun. Ido imikit Edeke ngesi alosit opulupit alimonokin, konye ca iswamaete kesi ngun. Ediini, koany nejaasi kesi?

111 Erai ngin adeke. Epone loejaar ajokit aswam! Kanukinyo, itunga luka Catholic itaraunitos kes, angor, idekesio, ilipete mamakec; erai ngin naka abeit, adeke Maria, ka ace da kwangin. Aseseni eong kotoma Ecumenical Council ne abalatar kesi ebe ebuni araun ebe epote kesi ailip kaiyatakina nepetai mama ejai Yesu arai epote ngun aingarakin luka Protestants alomun toma. Ianyutu? Ianyutu? Oo, ngun nueburitai-kesukali! "Mam ijulakin," nges abalasi kesi. Ianyutu? Eringa esalit erai ajokit yapeya namojong. Abala Ebaibuli ebe, "Koinak kere aibwaikinio emacar oreetakec, ngul lumam kiwadikatai ikiroriakec toma Oitabo loka Imerekek loka Aijar."

Erai Ekanisa loenerunitai sek nges enera eong mamake, mere ngul lukokinga kanen. Mam, cut. Kotoma ngolikodet kere, eriu Ngesi kinga luKeng luenerunitai sek. Ngul kes eomunit Ngesi, kotoma kanginitur.

112 Konye ngesi bo ngin ebwoi kanen. Ngesi bo ngin. Akesa ya nges ngin; alimonokin Akiro, aitingit Akiro, araun adeke, ido nges edupori ejaun nginidiakar kere. Abala Ebaibuli ebe, "Mam esiikinit aberu aisisianakin, araida ayait, dimarai arimaar kwape da ineratar ikisila." Ianyutu? Ido mam ngin epedori aswam ngun. Konye itaraunete kesi ngin akayaiton naka akwap, ameya, agavuna; ido katipet noi ebuni ngin araun a President. Cut bo cut. Aso konyet yesi. Ngol nges erot, ngol ngesi erot lo elosioto ngun, teijo. Ido iswamaete itunga kwangin naarai mam kes epodosi nuka Akiro kana. Mam cut kesi epote aanyun ngun.

Kongoliasi ber yesi Iyudayan ngul ebwoete kanen, ikesisiak, itunga luejokuka noi. Kwabo abu Yesu kotema atiar, "Iraasi yesi luka papakus, satan."

113 Idobo karai eong aitobwo Nges aitoosa kopekwana koingarenikus? Katamakisi ber ngun apak edit, ido kitimite Edeke eong kanu ayangaar ewai aitepeg Ngesi; konye kanu adakika adiopet bon, tetere aitodikin yes ibore.

Idobo arai kitema jo atiar, "Eebo, eong, aibuses kojai mama ejai Edeke, abu eong kener kotoma angajepa! Aleluyiah! Ajeni eong. Eong, eebo, eong-eong adum eong Ngol. Kituritete Edeke. Eebo!" Uh-huh, ibu jo kodum?

Kiitunitosi itunga ngul luko Isirael. Abala Ebaibuli ebe, kedau Ngesi anyaraun itunga kinga, kosodi aitajar kes alomun ko Misiri, abu Ngesi komudia kes naarai mam kes apotu kotupata Aisiiraret. Ianyutu? Apotu konyamata amanu naabuni koKuju. Apotu kesi konyamata amanu naabu Edeke kitetep toma akwap tetere kes enyamete, ido apotu kobwaata kotoma akonyen nuka ekiyafia, kosodete aanyun Epir loka Akim, ka apupun da Eporoto loka Edeke, ka aanyun da ngun itogogongio. Dodo naarai akotosi kesi aiyuun Kora, "Epedorete ajaut itunga luipu lueraas lukalaunak. Epedori ajaut nu, ngun, araiboot kwa. Iburai oni da karaas, lukalaunak. Iburai oni aswam nu kere. Eraas itunga kere lukalaunak."

Kobala Edeke ebe, "Kotiakun ijo elopet kamakec. Orwa kanen."

Kobala Musa ebe, Kere luejaas owai loka Ejakait, kopotu nepepe keong." Erai ngin naka abeit. Ianyutu? Kwabo abu bon Ngesi kocil akwap kosodi ailikor kes. Ianyutu?

114 Araasi kereka kesi itunga luejokuka, kesi da. Cuticut, araasi kesi. Araasi kesi itunga luajokuka noi. Eebo, cut, konye mam ngin abu kiswama ngun. "Mere kere luebalas, 'Ejakait, Ejakait,' konye ngul luiswamaete akote naka PapaKa." "Mere ngin yenegeuni; erai ngin yen engetakini." Ngun, emamei atubitoi; kilemario jo kangeset naka abolobol. Emamei atubitoi. Ibusakinit jo abunore kopone loebalar Naiwadikatai.

Arai ebala Ngin, "Kitoronikinos, ido kibatisaunos Kokiror loka Yesu Kristo, ido idumunete ainakinet naka Emoyo Lokalaunan," emamei atubitoi, aijangijang akan, alomar okanisa arai odiini. Ibuni jo k'Orot kangol! Dimikito kitwana jo mamakon kilopet, kosodete auruun kanuka Emoyo loka Edeke, irai jo-irai jo-irai jo yeniwoliorit. Kesi ngun bon. Emame atubitoi.

Ibala jo, "Eebo, arai eong lokokanisa." Ajeni eong. Ejokuna ngin. "Eebo, totoka..." Mam eong abunonkin ngun, konye erai ijo nges enera eong mamake. Ianyu? Ibusakinit jo abunore k'Orot kangol, naarai emame atubitoi; kingerokinio jo kotube. Erai jo abunore k'Orot ediopet je.

Ejai Erot ediopet bon, ido Kristo nges Erot ngol. Ido Kristo nges Akiro ngin naejari kotomakon, naitogogongi nginibore kere yen esumunit Ngesi kotoma apakike. Ianyu? Ipotu kereka yesi kodumutu ngin? [Ebalas atukot ebe, "Amen."-Ekewa.] Mam ace. Koany kwana.

115 Ebalas ice, "Ejokuka itunga lu." Eebo cut. Mam eong abala ebe mam kes eraas itunga luejokuka. Mam eong abala Cecilia Nakalaunan ka luce ngul kere ebe mam araas angor nuajokuka; kwape kwangin totoka da, konye kaitebeikin mam cut eong elipi neejai ngesi. Cuticut mam. Komam abunonkin aanyunun eong itunga lukajokak luipu, konye mam kesi eraas adekesio. Eraas kesi angor, ikiliok. "Ejai Ekadiekan ediopet bon kiding Edeke ka itunga."

Dobodo kanukinyo, kanukinyo ti ekotor etunganan, e Pentekotit, etunganan loka akwapin...ebaluwa ngol loesiarakinitai loabu Onac duPlessis, onacewok loketia, loabu kokorana. Acepak edumunitos ice kayesi ngol. Set...Eebo, idumunit jo nges. Kotoma Ecumenical Council, kodie naka osiep loka ipaapa, ido abala, "Arai nakomoyo noi." Ngin nges aitiak nakomoyo, ngin kereka mam erai? "Oo, ajai Emoyo loka Ejakait ngina, nukemoyo noi." Eebo. Aso konyet yesi.

Kanukinyo?

116 Naarai erai arereng naka aimorikikin luka Protestant ka ngul nepepe, nu da kijii oni kanuka ngun adaun ikar luipu, ido ebwoi Ebaibuli kanuka ngun ido kilimokinit oni ebe abeit ngin abunore. Ido aok...ediopet kotoma ikengarenok wok lukapolok kolomuni cut toma, kobala, "Erai ngin nakabeit. Ngun kes nukiswamai oni," kwabo ekanisa kere luka Protestant ejai aibirokin acamun ngun.

Ido korai cuticut, arai kingolia jo kuju nen, EBALA KWANATA EJAKAIT. Nasodit, inherit Akirot ngun. Kosodi konyet abu Emoyo loka Ejakait kiner, kokaru 1933, ngol loabu kiner iboro luce lu kere luikamunitos atekerin alosit ojje, kosodi epone loaponiata acuuman ajaut, ka nginibore kere yenikoni nen, abu kiner ngun becebec nuapote aismamaun kawasia. Ido enu bo nu kane. Mam cut iitor aimen. Ido kane kiseseni oni ngun eutasi adukun.

117 Iitunitosi yesi alimonokinika na Ediini loka Yesebel mam etuboro apak naeoj? Iitunitosi yesi Elisha ijesun kwap korot atupuruc ngin, alimokin ngul? Ebe, abu eong kalimonok ngun. Ianyutu? Ido epone loabu eong kalimunitor sek ngun ebe abuni apak adolun naebunio Ecumenical Council lo kawasia araun emacar loka etiang, naarai abuni ngol aimorikikin nepepe ketiang. Ejai euta aismamaun ngun. Kotoma aturika, ajar eong aanyun ngun. Ido kane luka Protestant, imilionin, ibirokinos acamun ngun. Kanukinyo? Erai ngun kes emootosi kesi.

Emudukaka kesi! Abu Yesu kolimok Iparisayon ngul, "Yesi ikengarenok lumudukiok luka imudukiok. Arai kingareniki emuduk locemuduk," abala Ngesi, "mam kereka kes kere ibirokinos aipany?" Ido nen nges ibirokinos kesi. Biai tikapedoria eong aiyuun ebe etunganan lokibwoi nepepe keong ido kinerenas keong, tikepedo aiboikin kosodi aitolomun alimunet kwa kangin! Teijo, "Erai naimunonitai, akonye, kama ejaas lukacoa ka lukaijen, kopukok da Ngin idwe ludidik luekotosi aisisiaun."

118 Ajeni eong kadiopepaaran elosi ngin ayangaikin aijaraka. Erai ngin nakabeit. Elosi araun, konye kane ejakai ajenun Abeit. Uh-huh.

Losodit atwanare kanuka aitemonokinet na naka Emoyo Lokalaunan,
 Arai Yokana Lokebatsian, konye mam nges abu kinac; abu ngesi kotwana bala
 etunganan;
 Kobuni konyet Ejakait Yesu, apotu kesi kibubukis Ngol,
 Abu Ngesi kolimonok ebe abuni Emoyo aitajar kotoma adiakar. (Ngin erai nakabeit?)
 Kosodete konyet kesi aibiribir Sitepan, abu ngol kolimonok asurwokin adiakar,
 Abu ngesi kitunyunyurik kes noi, apotu konukaikis akekou
 Konye abu ngesi kotwana kotoma Omoyo, abu kojajal emoyo,
 Kosodi alosit aimorikikin kaluce, ajore ngin nakejaikinan-aijar.

Ejai Petero ka Paul, ka Yokana loka Edeke,
 Apotu kijaikis aijarakec tetere Akiro Nukajokak epedorete ailiya;
 (Anyoika apotu kesi kismamata?) Apotu kinyalakis aokotokec, nepepe kinabin
 lukolosek,
 Tetere Akirot naka Edeke nakabeit elimonokinio kamunonut.
 Itaun Luejaas kwap naka etem, amonyete, "Toni wori?"
 Kanu Ejakait aitisilaar ngul kere luiswamatos nueroko;
 Konye epote ajaun luipu bobo luijaikinate aokot nuka aijarakec (yep, erai ngin
 nakabeit)
 Kanuka Akiro Nukajokak nu nuka Emoyo Lokalaunan ka akalele Keng nakarengan.

Elosi akonye koisete aokot kopekwangin! Eebo, ebuni ngin aismamaun apaaran ace, konye edarit eong esawa ngol loedaunotor ngun.

119 Ajai iinac ace nadumunit airujasit. Abu ngesi kijuk ngin mamaka, kobala, "Abu eong kaanyu kes, ekanisa ngol itemokini erot," elosete kesi aiar eong, kaiyeiyea, kapak ace, alomuni eong kinga kamotoka kang, "alomari toma, kaduikinate kama..." konye abala, "kosodi do Emoyo atemar, 'Mere kapak kana, konye ebuni konyet ngin kokau'" Uh-huh.

Madi akuj eong agwelar acamanar kobore idio kere. Mam ibore ajeni eong kilema Yesu Kristo ido Ngol ibubukinitai. Kijari oni kotoma apak naerono noi. Adiakar nges eswama nu. Yep. Apotu kesi-kesi kibiribiroto Sitepan. Apotu kotubosi akou naka Yokana, abu ngin kismama ngun. Mam eong ajeni epone lokiponia oni aijaikin naok, konye ebuni araun kapaaran ace mutan. Mam ace, koany.

120 Kotoma Yokana Lokalaunan, arai ikotosi yesi Naiwadikatai ngin naka ngun. Yokana Lokalaunan 6:49, nges apotu kesi konyamiata amanu, ido abala Yesu, "Ido kesi kere, nginidiopet, apotu kotwaka."

Itemari, "Eebo, ka-iinacika, eong-aanyunitor eong aberu na ikosie kOmoyo." Oo, eeba. Uh-huh. Etei eong kes iswamaete ngun. Aanyunitor nges inera kotoma angajepa. Aanyunitor eong ngin..." Eebo.

Abala Yesu ebe, "Epote luipu mamaKang kapaaran kangin, kobalas, 'Abu eong keswama iboro lu kere.'" Ianyutu? "Apotu konyamata amanu kotoma amoding," abala Yesu, "kwabo kes kere, nginidiopet, atiakar awai Ikar kere. Atwakata kesi." Erai ebe adaunos kesi Ikar Kere. Apotu kesi komudiaros cut kanepkanen kotoma amoding.

121 Iitunitosi yesi Iburanian esula lo 6, "Ngul lukolo aponi kitejenikinai Abeit, kosodete aigir alosit kotomaKe, emame bobo aitoronikin kanukec." Koany, lukoikor ikeyu-...Naijaikinere itunganan Abeit irwan

nakawasia, kosodete kesi aigir aijaun Ngin; kwape ejaar kotoma Oitabo loka Iburanian, teijo, epote kesi...emamei ibore karaida kotoma akwapin yenepedori aitajar kes.

Adaunos ngul. Emame aitoronikin, emame alakunio, emame ibore ideuna kanukec. Eraasi kesi lu atiakar awai Ikar kere. Abala Ebaibuli kwngin, "Aidarit akim naketasuro ka anyunyura naebuni anyamar lukasurup." Ido kedaun aitigogong Abeit naka Akiro Nukajokak, ejok cut kwape nukabeit, kosodi konyet aibeloor alosit awai kama ejai Ngin, kodaunos kesi. Kodaunos ngun. Erai naketasuro, konye icorakinitai eong alimun ngun.

Iitunitos yesi Imalaikan lumam apotu kidarata ejautenekec logeunet, koye inyeikinitai kanen kotoma aidaris ngin kotoma amuton, ne da ejaatar akwapin elosete lolo kotoma aidaris ngipengin, emame aitoronikin.

122 Iitunitosi yesi ikar idis luatuboros, abu eong kalim, naejesunor eong abunore kama ko Chicago, "Arai ebuni Amerika aijaun ngin okaru lo, arai mam bobo ngesi ebuni aijaun ngin nepecep da." Teijo ne alot ngesi? Eebo.

Kwana ajai eong enomanari arai epedori adau Airiunet Nakiuniet agear. O Edeke, korau naelwana kama ejaas ngun! Erai kereka kanuka ngun nges ejaar Airiunet Nakiuniet? Epedori kereka ngun araut ngun? Oo, ikatuan! Koomoomoata ngun, ipapero. Koomoomoata ngun; mama eong akoto ti.

123 Abala Yesu ebe, "Epone lo lokesoswai..." Arai ikotosi yesi aiwadikaikin ngun, Matayo 23, - ikanyikaarei. Eong-kijaar eong kane, "kosiomata ngun," konye ipedorete yesi aanyun. "Yes Iparisayon imudukiok!" Kinyeis...

Ijaatar yesi kadakikan adis ber bon nuitegelikina? [Ebala atukot, "Amen."-Ekewa.] Kaanyutu do oni. Kapukosi do ber oni nen, naarai abala sek eong "kosiomata ngun." Ajai ibore ajai nen yen akoto eong asiomun eringa...Kwana eraun do eong atubor ibore ice kinga, konye kinyek-kinyek ber oni kadumutu na apak edit bon. Matayo 23, apak edit bon, mama ace, ido kilosi oni ageun kokokoro lo27. Kopupokisi ber kwana. Kosiom ibore ngin kere kilot jo ore, arai ikoto jo. Bon adakikan adis bobo.

Kwana kosesen kane. Matayo 23, ido agear kokokoro lo27, "Itukwi yes, ikewadikak!" Kwana kiitunitosi ebe eraas lu itunga lukalaunak inera Ngesi mamakec.

Itukwi yes, ikewadikak ka Iparisayon, lukesoswai! Naarai iputosi katesin nuiworioritai kakwangis (ngul kes itunga luetwakito, teijo), atesin nuiworioritai kakwangis, etakanete kokinga ejokuka konye toma ileleba akojo nuka lukatwak, ka amodokok da kere.

Aisoswanut ka aingobel ka angolopa, ejaas tomakec; kinga, "Arai eong Doctor Mutan-ka-mutan."

Yesi da kwapekwangin itakanete kokinga kaneajaas itunga koraas luidolito, (Kongolek Ecumenical Council ka Ipentekotin iboiete kanen), konye kotomakus ileleba aisoswanut ka epali.

Inyobo epali? Ibore mutan yen ijeni jo kaitebeikin ebe edolit konye mam ijo ikoto aswam ngin. Yesu, kwana kosesen anyoin abu Ngesi...atur nanyoin abu kereka Ngesi kibwaik nu kwana.

Itukwi yes, ikewadikak ka Iparisayon, lukesoswai! Naarai idukete yesi atesin nuka inabin ka aitubus ailiin nuka ikadolitok,...(Koany, "Oo, inabin!")

Ka einer ebe, arai kija isio kolo kapaarasia nuka lukapapaakosi, timam kimorikikin kakes abukor aokot nuka inabin.

"Ti isio kiyuu Akirot naka Ejakait karai isio kajaritos kolo kokau kangina." Koanyutu.

Kanukangun itejenunos bonik ebe iraas yesi ikecedwe kalukearete inabin.

Aso kilelebata aitemis naka lukapapaakus.

Erai ngun kes cuticut nuejaas atakanun. Kwana kosesen nuinera Ngesi kane.

Yes imunuo, yes ailwek naka imusagan, ikuete biai atubokinio naka geena?

124 Ikwaikini ai jo iswamai ngun? Kwana kereka inera Ngesi neejaas ikejaanakinak, teijo, erai ngin nakabeit, itunga lukalaunak. Biai ipedoria jo aibwa kojoni ebe inerit Ebaibuli sek ka alimokin da itunga ngul mam aswam ngun, kwabo ipedori jo aibwo kosodi agwelar acamanar kanuka dollars, idis lupetai, lueurok erono, kanuka ajenaaror, ka itunganan mutan aibapabap ijo epur ka anyarit da jo "Doctor"? Ipedori jo biai atemar ebe imina jo itunga ngul?

Ajai eong alimonokini kotoma atEEPUN, da. Ianyutu?

Ipedori biai jo, ipedori biai jo atemar ebe imina jo itunga ngul, kwabo kocamakini ibore kwa kangin atakanun? Ianyutu? Yes-yes Iparisayon, imudukiok lu, yes imunuo, yes ailwek naka imusagan, ikwaikinet ai yesi ikuete atubokinio naka geena? Na yes...Epedori biai etunganan lolo, loejeni ebe eroko iboro lu, ido aibwo kanen aitingit iketunga, kanu aitopol ediinike, kwabo komeni alimokin angor ka ikiliok da? Ikwaikini ai ijo ikuie anyunyura naka geena, kwabo kiswamatai ngin kanukus? Ikwaikini jo ai iswamai ngun? Ianyu?

Kopupok, kopupok kane. Ebuni bodo araut biai? "Kanukangun do..." ekokoro lo34.

...koany, kejukakini yes inabin,...

"Kejukakini," koingaren moikace. Aso bodo Iparisayon kus ngul ebongunitos bobo.

...itunga lukacoa, ...ikewadikak: iarete ice kakesi kaibubunonokin; idaete ice kotoma atukosiakus, irukitotor da koreria kere:

125 Abu Ngesi kolimorite sek ebe ebuni Ngesi aijukanakin kes inabin, nepepe kAkirot naka Ejakait. Ido anyoika apote kesi aswam? Ngupengun nuapotu lukapapaakec kiswamata, naarai ngun nges irai jo. Koany, mam imoyon etwakete. Itunga ngul luiमितोसि kesi kes bon etwakete, konye imoyon mam etwakete. Abala Ngesi, "Iraas yesi idwe. Iraas yesi ngul." Ido cut koanyutu yesi epone loejaatar iboro lu.

126 Epone loabwoia Paul Lokalaunan ngol kanen (iyuunitos yesi ebe arai ngol enabi?) kosodi aitoron angor, aitub itimakec; aitoron iriongetakec; abu kolimo ebe nginitunganan kere yenimam ibatisatai Kokiror loka Yesu Kristo iburai abunore kosodete aibatis bobo. Erai ngin nakabeit.

Kwabo lolo ecamanaros kesi kosodete aitijijim ngin airimokin kere. Mam kes ejenete, karaida. Erai nakaiturur. Arai edauna esawa amina eong alimun nu, teijo: keraas kesi lukemudukaka, kinerunitai sek araut imudukiok. Korau Edeke loitimono. Mam kes apedorete aanyun ngun.

Abala Yesu, "Imudukaka yesi. Yes ikewadikak ka Iparisayon imudukiok, yes lukesoswai! Kwabo kereka isiomete yesi Akirot ngipengin na esiomitosi kes kere, ido yesi lu iponitos aitoron Eong. Ido arai cuticut Eong nuabala Akirot ebe abuni araut kotoma apaaran kana. Arai Eong loebusakinit araut Ekiyakia loka apaaran kana. Eong nges Mesia," Abala Ngesi kakiro nuipu noi. "Arai Eong Mesia. Emenit tope Eong aitogogong ngin? Arai mam Eong eswamat nuiwadikatai kanuKang, kitoronata bodo Eong. Kwabo yes Iparisayon imudukiok ingarenikinet ikusitunga awai toma naka ibore kwa kangin, kosodete aijukar abunget kere." Kobala, "Eebo, emuduk ingarenikini emuduk." Kobala, "Iraas yesi..."

127 Ibala jo "Oo, arai isio kajaritos kolo kapak naka Paul Lokalaunan, eebo, ti eong kibwoit nepepe ka Paul."

Yes lukesoswai! Ianyutu? Kanukinyo mam yes ibwoiata nepepe kAisisianakinike? Ti yes kiswamata ibore ngipengin yen iswamata yesi kwana, naarai iraas yesi idwe luka lukapapakus: Iparisayon, Isadukayon, ido luedolitos-ikulepek kakonyenekec. Eraas ngun-kes bo ngun. Uh-huh. Kalimokini eong yes, ido-ido mama ejai esawa lokijari oni kotoma, aumokinit eong arai epedori na araut Airiunet Nakiuniet? Adakika adiopet bon kwana, teijo, abala Yesu, "Epone kalu kes luedumunete atubokinio naepol." Ianyutu? Mam kereka ngun eraas nuketasuro?

128 Kwape abu loka Amerika ece lokapolon, kapak adiopet, naapikinitor lokasurup aikamar akwap na, ajai etunganan kotoma osawa lokiding kuare, abu kosomakin obalasi kosodi aibwanen aijesar korot, kiworo, "Ebunit lokasurup!" Kerai Paul Revere.

Arai eong da, loka Amerika. Ido ajai eong ebwanenit, kosawa lo lokokiding kuare, mere atemar ebe ebunit lokasurup, konye ejai ngol ne! Mam nges ebunit; adau sek adolun ne! Adau da aipikor. Ajeni cut eong ebe adaunos ngun; aipikor, kosawa kalo lo kiding kuare.

129 Kiitunitos ko Tucson, Imalaikan ikanyikaarei, inyo kerai Aisiiraret ngin, "Angetakinio naka nukaiyeiyea nuka Edeke." Atipet noi akaulo kangun, abunore kwap kanen...

Ipupunitotor yesi kere nuka irongan. Koanyutu. Ejaatar Onac Fred ka aputosia ace nuka ngun, ka Onac Tom. Ido kijaar eong ka aputosia adis, isineman, nginibore. Kilosi isio aitodiar ngun kane kacepaaran, aitodikin cut yes neajai ngin. Ijenete bo yesi kere akiro ngun.

Koany, aicultureta kwa auni. Abala Ngesi, "Engin kanen nakon, Nasodit, Naiareit, ka Nauniet."

130 Ido Onac Fred ejaatar kaput naecae noi naka ngun, na atuborotor ngesi ka Iinac Martha. Kepotu idouon kedakunos kuju kama ka aiinat naka akwap, ido kepotu kiteribosi nuce kere, ido ajai bon itodiarit Airiuneta Auni; adiopet kane, adiopet kane, kosodi adiopet kanen. Ianyutu? Akanyikaarei kwa!

131 Koany, Nasodit ngin, auni. Iuni eraasi aitekooro. Erai ngin apak nalomaria aijaanakin.

Airiunet Nakiuniet arai amisiikinio naka imoyon, adwaranut. (Nasodit nges aitangale naka lukadekak.) Naiareit nges adwaranut naabu koloma, ido abu kojene aiyeiyea naka aomisio, naabu Akirot Alopset kitodiaror. Na da, erai ngin asianut.

Konye, kiitunitosi, naikanyetekaarei nges angetakinet. Epedori kereka na araut Airiunet nangetakinet, adaunos do ngun? Epedori kereka ngin araut? Koomoomoata ngun kwana. Koomoomoata cut. Aibo ijaasi yesi? Ianyutu? Ikanyikaarei duc eraasi angetakinet. Airiuneta auni!

132 Aijaanakin naka Yesu arai nadukunitos Airiuneta Auni. Ipotu tope yesi kojene kwangin? Koany! Ido korai loinakina, arai iiritor jo kotoma ajarakon, kwana kanuka apak naedit, adakikan adis.

AiriuneteKe Nasodit arai aitangale lukadekak. Abu Ngesi koraun etunganan loajenaara. Nginitunganan kere eyuunit Ngesi, asubit bala. Ngin erai nakabeit? Naalosio Ngesi alomar aitangale lukadekak, nginitunganan kere akoto Ngesi kokanisakec.

Konye kadiopepaaran abu Ngesi kibelokin kosodi agear aidwar, naarai arai Ngesi Akirot, ido Ngesi nges enabi loenerit Musa nukeng. Ido nalosio Ngesi alimokin kesi, kosodi agear alimonokin kes epone loejariata kesi, ka iboro lueswamaete kesi, abu do Ngesi koraun lomam bobo akotoi. Ngin nges AiriuneteKe Nakiareit.

Mam eong ajeni araibo etuputoor ngin abongun bobo? Koomoomoata ber apak edit. Ngin epedori kereka araut? Nasodit, aitangale, nginitunganan. Naiareit: "Oo, epedori ti araut Yesu Bon. Epedori ti araut Belesebul, epedori ti araut e..." Ibore ngipengin apotu kesi kiswamata kangina. Ianyutu? Imoyoi kwipekwi ejarete kotoma otunga lukepone kajepekaje, itunga lumudiara lumam cut epedorio aitajar, naarai kedaunitai kesi atubokin sek eringa; kesi, bala Yuda Isikariot, aponi kouruunai erai okoku loka aolloor.

Itemari jo, "Yuda?" Cutiba.

133 Kiitutu arai ngesi lokediini noi, konye mam abu kopedo alosit erot kere kede Aisiiraret. Apedori bon ngesi ayangar atutubet naka ngin, konye nece kere neka ngin mam nges apedori ailikor. Epedorete kesi ayangaar aitangale ka iboro kwa kangul, konye naeraunor Edeke alimun ikunyukoi ajaun, eraas do ngun nuidulok noi kanukec. "Mam epedor!" Kerai Yuda nges ngol. Epedori ekemoyo ajar cut kiton adoketait ngin. Mam epedori alosit kangin akaulo kangin. Ianyutu?

Apedorete bo kesi ayangaar Musa ejok kere natiakia ngol Angolol Nakarengan, ka ace da kwangin. Konye nadolio alimokin, mam kes, luce kere kotoma kec mam ebusakinit aswam nu arai ngun, araiboot kwa: "Itarauna ngol elopet bon kwape Edeke, ayait oni." Teijo, mam ngul apedorete alosit ngin, Kora ka ngul. Aso, abu koraun kes adukun erionget, aso abu Edeke cut kiliko kes pit.

134 Aijaanakin naka Yesu, naetangaleo Ngesi lukadekak, "Arai Ngesi loaumokina, Enabi ngol ekatumunan loko Galilaya! Atiar nat inyo bobo, itiekenyuni imudukiok. Abu da ber kitajaru lukatwak. Ejaas aatenak auni nuka ngun. Abu kaitebeikin itajaru lukatwak."

Konye apaaran adiopet abu kibelokin, kobala Ngesi, "Yes aur naka imusagan. Italaunete kinga naka abakuli. Itakanete yesi bala lukalaunak, konye tomakus, mam yes iraasi idiobore kilema imunuo." Oo, nalomaria adwaranut ngin, etubokinit erionget ngol, apotu do akiro kijulakinos. Apotu do koluikisi Ngesi. Erai ngin nakabeit. Ido kawasia, kanuka aigir Ngesi, apotu kibubukis Ngol.

135 Konye kereka mam jo ipedori aiar Aijaanakin. Esalit ejari kopekwangin. Ipedori bo jo aitojotoor ekiyakia, konye mam ijo ipedori aitojotoor Aisiiraret. Uh-huh. Nakabeit. Abu Ngol kiyatakite ajar kopekwangin. Ido koany nabunio Airiunet Nakiuniet naka aijaanakiniKe. Nasodit arai aitangale lukadekak.

Naiareit kerai nges aitoronio naka iriongeta, ka aidwar; ngun nukepotu ngul kiswamatos, ibore yenikeraas kesi, ka ngun nukepontos. Inyo erai, inyo erai, ebunit; ido inyo kerai, inyo erai, ido inyo ebunit. Ngun kes nuabu Ngesi kiswama. Erai kereka ngin nakabeit? [Ebalat atukot, "Amen."-Ekewa.]

Konye AiriuneteKe Nakiuniet kerai nges naalimonokinia Ngesi luewoloritos ngul lumam apedorio aitajar bobo. Ajaasi ngul kwap ngina neajaasi akonye nutiok ngun, nuajukitai, "Ooh, ooh!" Abu kolimonok itaunon luajaas toma okatwak, lumam apotu kocamutu aitim, konye aponi kes kogitarai awai Kakonyen nuka Edeke Ikar Kere. Konye ca kibusakinit ber kes ajenun ngun, ibore yen kerai Ngesi, naarai abu Edeke kitarau Ngesi kangina.

Mam eong ajeni arai AijaanakiniKe ebuni adokun kinga epone ngopengol kotoma apaarasia nukawasia, kwape ajaar kolo? "Kwape abu Papa keyakiunia Eong, eyakiari Eong da yes kopekwangin. Aswamisio nueswamai Eong ipote yesi da aswam."

136 Eolioritosi, mam cut epedorio aitajar. Kepotu kesi kegiroto aitim. Kerai ngin AiriuneteKe Nakiuniet.

Kwana ejai tope adioingiset? AiriuneteKe Nasodit, abu Ngesi kitangaleunun lukadekak. Ngin erai

nakabeit? [Ebala atukot, "Amen."-Ekewa.] AijaanakiniKe Nakiareit, ajai Ngesi aidwar. AijaanakiniKe Nakiuniet arai alimonokin mama ejaas lueolioritos Ikar Kere. Irongan iuni, kwangin; lueolioritos, Ikar Kere!

137 Aijaanakin naka Noa, aijaanakineta kere, apotu kiswamata ngupengun. Abu Noa kolimonok. Erai ngin cuticut nakabeit. Abu ngesi koloma toma ataker, ajaasi apaarasia akanyikaarei numam abu idiobore kiswamaunor. Abu ajenanutuke kolimonok mama ajaasi lu abeit amudiaario.

Sodom ka Gomora! Abu Yesu kiner nuka ngul kere kwape luaponitos. "Eringa kedoluno abunore naka Okoku loka etunganan, kwape kwangin ejaunotor kwape kapaarasia nuka Noa, kwape kwangin ejaunotor bala kwape ajaar kotoma apaarasia nuka Sodom." Abu Ngesi kijulurate Noa.

Ajaatar Noa ka Airiuneta Auni, ido Nakiunieteke arai mama ajaas luaolioritos akaulo naadaunere agolokin ekek. Naarai, abu Edeke kojalak ngin esipo cut kanen, nemam idiotunganan apedoria alomar toma arai alomun kinga. Ajaasi kesi toma. Naarai, (kwape korongat loikanyetekaarei) erongat lokaojan kakere, nen nges neabu Ngesi kitobwounia ataker, orongat. Ianyutu? Ngin erai nakabeit?

138 Kapaarasia nuka Sodom, Airiunet Nasodit kerai nges Lot ekadoliton. Ido ebala Ebaibuli ebe, "Aronisio nuka Sodom apotu kitapasata emoyoke lokadoliton nginipaaran," epone loetodianarotor angor ngun ka aswam da.

Iitunitos yesi, "Kwape ajaatar kotoma apaarasia nuka Noa." Inyobo ber eswamaete kesi? "Anyamete, amasete, adukonokinos, kainakin da toma odukone." Angor, teijo, angor. Kerai bo inyo kotoma apaarasia nuka-nuka Sodom? Angor.

Ido aisiiraret nasodit kerai nges Lot. Apotu kokienatar ngol aitoboliar.

Konyet do apotu kesi kiyakiasi ikiyakia ice, iarei kakesi, kosodete ngul aijesar alosit kwap. Kerai ngin nges AiriuneteKe Nakiareit kanuka Lot...kanuka Sodom.

Konye kongolekisi ber yesi Ediopet ngol loalosi kawasia, kejai aitim bobo ido bobo. Kodauna do ngin kapak kangin, adauna cut kapak kangin. Ekiyakia ngol lokiuniet loabu kijesar kwap ngina, Airiunet Nakiuniet, kerai bo Ngesi inyo? Epone bo enyoin loka aijaanakin nakejaatar Ngesi? Abu Ngesi kiboikinos ka luseuna, kosodi alimokin ngul nueswamasi kokauKe. Ngin nakabeit? Konye naelamaria Ngesi akeju awai toma Babulon, araiboot toma Sodom, akoto Ngesi adumun...

Karaida Aburaam, emonyi, "Arai eong kapedo adumun akaisakany luedolitos? Ape kwap kiton "itomon luedolitos?"

Kobala Edeke ebe, "Eebo, kodum itomon luedolitos."

139 Mere eong kalimok yes ibore, iinac, apak edit ber. Ipedori bo jo araut itunganan yenikepone lomojong, konye ijaatar jo kibore yenemameotor akabakan nukaelo nu. Ijaatar jo kibore yenimam cut ngin epedori adumun. Abeit. Ipedori bo ijo araut yenikepone-lomojong kotoma anapitokon, konap bala amucaalat. Epedorete bo kesi atiar, "Kongolek amojong ngin akebelibelon-nakalaunan." Mam ipodo. Ejaatar ngin kibore yen akabaka namojong ngin naka aelo, naejaatar ka akwapin kere esesenete ngesi kokinga kangina, mam nges ejaatar kangin. Mam cut nges epote ajaun kangin. Eoliorit ngesi, Ikar Kere. Etubokinitai nges. Ianyu? Mam cut nges...Ijaatar jo kiponesio lukajokak; ijaatar jo kapedor. Emamei ngin idiobore. Ejaatar ngin ka emwony lo elokere itauon lueoliorito aiucokin toma okatwak. Elosete imudukiook tomake. Kwana, ijaatar jo kibore.

140 Ijenete yesi, mam da ber jo acepak ijai toma oitabo loka ekanisa, konye acepak erai aijarakon naedolit nges ireborit anyunyura naka Edeke lolo. Mam akwapin iyunete ngun. Ijo aberu naenyaritai ebe akebelibelon-nakalaunan, ijo etunganan lodidi ngol lomam ijeni idiobore, konye imonyi jo mama ejai Edeke, apaaran ka akuare, kanuka aronisio nuka akwap, acepak erai jo nges igaliorit awai anyunyura. "Arai kapedo Eong adumun itomon, etimi Eong nges. Arai kapedo eong adumun itomon!" Kwape ajaar kapaarasia nuka Sodom, kwape kwangin ejaunotor." Ianyutu yesi nuabala eong?

Mere, "Arai kapedo Eong adumun luka Methodist itomon, arai kapedo Eong adumun Ipentekotin itomon, arai kapedo Eong adumun ikakerak itomon, arai kapedo Eong adumun MP's itomon, arai kapedo Eong adumun iministan itomon."

141 Konye "Arai kapedo Eong adumun ikadolitok itomon!" Ejai ekadoliton Ediopet, nges Kristo. Kristo ejari kotoma Ediopet, kesi itomon, teijo, "Etimi Eong nges."

Konye Ekiyakia ngol lokawasia abu kolimonok mama ejaasi lumudiara. Itemari jo...Abu Ngesi kolot kwap ngina. Mam Naiwadikatai inerit nuapotu kotakanut, konye abu akim kotep atupuruc naatupakini, abeit, akaulo na Ngol aswam aanyuneta ngun, atipet ngipengin nakedaunia Ngesi aswam aijaanakiniKe naka aidwar. "Inyobo etieken Sara?"

Kobala ngin, "Mam eong akienit."

Kobala, "Abeit, ikienit jo." Ianyu?

Kwana, atipet ngin akaulo kangun, abu Ngesi koloma Babulon, arai abu kolot aijesar Sodom. Mam Nges abu kodum ngul, kanukangun abu akim kotep. Abu Ngesi kodum Lot ka adweke nuarei, kotema, "Konyoutu kolomasi kinga kane kopekwana." Ianyutu? Abu ngin koloma kinga. Abu Ngesi kijesar kwap ngina. Kiitutu, ajai Ngesi alosit orotoKe aijesar kwap. Abu kiyakia ikiyakia iingareniKe, konye abu Ngesi elopet kolot kwap, abeit, kanu aanyun arai ibore yen kere ekoni teni nen. Ido abu Ngesi kodum ileleba inyo? Angor nuajukitos-ireetin. Aisiiraret mama ejaasi lumudiara. Inyo apotu ngul kiswamata? Apotu kokienatar ngin.

142 Inyo kereka iswamaete kesi lolo? Ibore ngipengin. "Arai eong loka Assemblies. Arai eong loka Oneness. Arai eong-arai eong...ekositor eong kOmoyo. Aibuses mama ejai Edeke, enera eong kotoma..." Mam ace, kolot jo akonye. "Atubori eong ikatima arai akoto eong. Eswamai nu. Abuni eong- abuni eong alimun bon nu. Mam iburai eong aibatisaun Kokiror loka Yesu. Eong-mam eong apodo nuebakai ngun. Erai Paul emojong loengara angor, karaida biai. Erai ngin a..." Mam ace, kolot jo akonye.

Adiopet kotoma apaarasia kanu, arai mam jo idaunit sek, ibuni jo atubor kokokoro kangol. Emameun bobo jo eipud aswam nuitetenara. Ibu tope jo kopup nuabala eong? Erai ngin ibore. Onac, iinac, ijenu jo nualimun? Ibuni jo atubor kokokoro kangol, ido mam cut jo ibuni akotokin aswam ngun. Ibuni ca jo kopekwangin aipup Akiro Nukajokak, cuticut, konye mam cut jo icamuni Ngun. Mam jo ipedori acamun Ngun. Konye eponio Akiro Nukajokak alimonokin mama ejaas lumudiara, ngul lueolioritos Ikar Kere, mam epedorio aitajar, mam bobo. Idau jo ajaun sek toma aiboisit ngin, kwabo komam ijeni. Iwomit jo ebe ijari kotoma aitelelio, kwabo itwanit koringa ijari.

143 Oo, kopupokisi. Ngul kere luapotu kogiroto Aisiiraret naka esawa, eringa amudiario kedoluno, aponi Akiro Nukajokak kolimonokinai neejaas ngul lumudiara, nasodit ber, eringa kesi keloto; komamei aitim. Noa, egoloro, arai ajenanut. Abu Edeke kogolok ekek, akaulo naka Airiuneteke Nakiuniet. Akaulo naka Airiunet Nakiuniet ko Sodom, aponi kogolokinai iekia. Amamei bobo aitim. Mam aponi kopedoroi adumun itomon. Ido lueolioritos aponi kolimonokinai Akiro Nukajokak, ngul lumam apedorio aitajar, naarai arai cut bon...Ekote nen kotoma nginitur, kanginitur abu kogir Aisiiraret eringa atubokinio.

Eswamata ca kesi ngun bobo? Ejaasi cabo do ngun atakanun kotoma Epir loka Akim kokwap kalaije kocor? Eutasi cabo do ngun atakanun kanen kotoma Aisiiraret naka aike angor, ka acakanakin toma aiboisio nuibusakinit ngin kojai, ka aitoron ikejaanakinak ngul lueyangarete aibois nepepe kediini aibois na asalakin Akiror? Ne, adaunia Edeke aitodiar cut ebe erai nakabeit ebe ngesi Ngol, ido mere ibore ice yenimam isisiat komamei da aijen bala etunganan. Erai Edeke! Ido oni kereka kidolu aibois ngin ebe abuni Airiunet Nakiuniet abongun bobo mama ejaas lueolioritos, Ikar Kere?

144 Keraas kereka ngun nges aitapoet naaponi koinakinai eong, kwape ikoku yenididi kokinga kalaije? Ido alot eong To, ido kanen ejai Emusalaba loka esabu loka Akiro Nukajokak iliyai aica kwap, etodia da aanyunet naebunit koKuju, becebec cut. Kiitunitos arai Emusalaba ngol loapesiara bala a-bala a pyramid, da, edukuno. Ianyutu? Arai bo epedori araut ebe erai ewai loka akou nges angetakinor ngol, kwabo abu kogeun kane kosodi abunore kuju neerai akou?

145 Bala a pyramid, abu kodoku kuju kotoma Luther, Wesley, Pentekosit, kosodi konyet arapakinio naka amoru. Epedori kereka araut ngun? Arai erai nges ngun, aibo da kijai oni? Ngun, acepak epedori. Elipit eong komam erai, konye epote ngun ajaun. Epote ngun ajaun. Bon kiitunitos, aijaanakineta ngun ibusakinit, eraas duc kesi nueruconokinos ejok cut kopone kangopengol nepepe ka ya. Ebeit ngin abunore. Ido mam Edeke ijulanakin. Koomoomoata ngun!

Kokonyokonyata ber yesi acoikinakus kede ikelakus lukomoyo, kosodete ajenun nekija oni. Dobodo arai erai ngin, ido koringa yesi ijaasi kopone loiijaatar yesi? Apolouke do erai do bala naejok ti ijo alosit...Aper do owaikus, ngul luejaas kinga. Akaulo naadaunia Imerekek alemun Eitabo, Aipucet Naikanyetekape adaun apukor ka Aipuceta da kere, adaun ngin. Epedori araut. Elipit eong karai komam erai. Epedori kereka araut. Mam ace.

Kwana, erai cabo do kanukangun nges eyapia Airiunet Nakiuniet na adaun apak naeoj kwangin?

146 Koany, Airiunet Nasodit ka Airiunet Nakiareit apotu kolototo anyaun kama ejai adiopet alomar neejai nace. Abu eong kenerite sek, iitunitos yesi, nasodit nape ageuni eong, nuikamunitos Nasodit. Ido abu eong kener atemar, "Edoluni apak naebunio Ngin aijen da ber nukaiyeiyea nukotau." Iitunitosi yesi? Imwasi ai? Kanukinyo, yes kere iitunitos ngun, kotoma airiamununetaka kane. Ido kadiopekuar abu eong kaloma toma Regina, kokuju kangina, kasodi alosit otut; kosodi Onac Baxter kangina, itunga ilukumin. Ido abu etunganan kodoku otut, [Adoa Onac Branham ebokorit irwan atipet-Ekewa.] engibongin abu kotakan kanen. Ido anyoun kangin abu korau kopekwangin.

147 Ko ye adaunos ikar luipu ageun naanyounio ainyein, komanikor, iwongon, bala ikar ikany ageun na enyeinia eong. Inyobo ngin? Inyo kereka eswama nu? Kerai ngin cabo do ngin nakesubit bala kotoma

ageunet, kotoma Ageun, "Angirikinite naka Edeke"?

Kiitunitos, naeswamaunia Ngesi akwap, apaaran nakikanyetekaarei mam Nges abu kiswamaun idiobore. Abu Ngesi kiyengu. Ianyu? Abu Edeke kongirikinite kotoma okaru ngol loikanyetekape, komam ekote idiotunganan amudiar, konye ti kopotu kere aitoronikin. Ajai Edeke engirikinit.

Bobo, da, kotoma Ageun 15:16, arai ikoto jo aiwadikaikin ngun, 16, 15. Abu Ngesi kolimok Aburaam, "Kalaingol kotoma akwap ngin naka Imorain, nukepalikec," keraas kereka ngul Imo kwana. "Mam eong apedori ayangaar jo ngina kopekwana, naarai epali loka Imorain, Imo, eringa kilelebuna ber. Konye abuni Eong atubokin kes. Abuni Eong kotoma atur ngin nakiwongonet, ido apak kangin abuni Eong atubokin ateker ngin kede ebela loka asuat." Ngin kereka erai nakabeit?

148 Arai bo adau apak naeoj noi, ebe angirikinit naka Edeke, aijaanakin kopekwangin, kotoma ateepe ka nginibore ice kere, esiarakinos akwap, kanu aanyun arai ejai idiopet bobo? Konye elemuni acepak kedau idiopet ngin yenikawasia alomun toma pacupac. Erai cabo do ngol epali loadau-loadau aojau naepol noi kwangin? Arai erai Yesu ngopengol, loda erai Ngesi, Iburanian 13:8, ibusakinit korai AisiirareteKe korai naeputo. (Etemonokin eong agolokin.) Ibusakinit aKeswam korai naeputo.

149 Arai emamei abunokin Airiunet Nasodit ka Nakiareit! Ejai abunokin toma aomisiokus kanuikamunitos Airiunet Nasodit ka Nakiareit? Abu keraka ngin kitodolikin cut kopone loabalar Ngesi? [Ebalala atukot, "Amen."-Ekewa.] Dobodo kanukinyo ibunokinator yesi Nakiuniet? Ianyutu? Kanukinyo ibunokinator yesi Ngin? Aarei nusodit aponi kitodiarai kotoma Naiwadikatai. Adau eong aitagogongikin mamakus atupuruc na ebe Nakiuniet aitodiaritai kotoma Naiwadikatai, ngesi da.

Kongolia jo akwap, koany neejai ngin, epone loagirioto kesi Abeit, ido epone loitodiaritere ngin ejok noi kwape nakabeit, ewai loka adwaranut. Kwana aibo kijai oni? O Edeke, kitimoi! Ijaikinit ngin ekatau aiwi kotoma. Biai bo do ngun? Aibo kija oni?

150 Kiitutu, aiculureta nu akanyikaarei kokuju kalaije, epedorete ti alimokin yes. Erai ngin...Emamei bobo aiculuret ace akaulo kangun. Ejai o Continental Divide. Elosi alomar cut amoding, ameun kanen ape. Kogeari do Nemam Edaun. Aiculureta akanyikaarei, cut ko Continental Divide. Erai ngun cut kiding nukajokak ka nukaronok. Ido kangeset naka ngun, Airiunet Nakiuniet nges Airiunet nakawasia kotoma aitererekina kangin. Ngin erai nakabeit? Ianyutu? Mam ace.

151 Abu Noah koloma toma, kosodi konyet akaulo naka apaarasia akanyikaarei, mam ibore abu kiswamaun, teijo. Kotoma apaarasia akanyikaarei abu atubokinio kobu. Karai bon...Kopupokisi kwana. Kotoma agolokin. Karai bon, kotoma apak naka Noa, kojenuunitosi kesi aanyunet ngin! Karai bon kesi kojenuunitos! Kwana alosi eong agolokin. Karai bon kesi kojenuunitos aanyunet ngin, akwap kotoma apaaran kangin! Ngun ebe, abu Edeke kitogogong kane, kotoma asiomunio naka Naiwadikatai, kapak adio naatubor, abu Ngesi komudia itunga ngul.

Mere ebe komamei aitim; aponi kes kijukakinai aitim kamaka enabi. Mam kes akotosi aiyuun ngun. Itimono Edeke, konye, abu Ngesi kijuk aitim konye mam kesi akotosi aijaun ngin. Ijukuni duc Ngesi aitim, ber nasodit.

Ido bo arai kesi kojenuunitosi ebe aanyunet ngin ebe kerai aanyunet naka-apak nakawasia? Ido nakeanyuniata kesi, atipet ngipengin, kotuboro apak naka aitajario. Amamei itunganan, teijo. Bon, ibore yenisodit ijeni jo, aponi kogolokinai ekek. Karai kesi...Ajai etunganan ediopet bon loajeni aanyunet ngin, nges Noa ka ekodeteke. Kerai ngul bon kes kejenete. Na aretokinor ekek ngol, ajeni Noa ngun. Ajeni Noa ebe kerai awasia nges ngin. Ajeni ngesi ngun. Erai ngin nakabeit. Karai bon jo kojeni aanyunet ngin!

152 Oo, karai bon ngul tikojenunitos aanyunet ngin, nakeanyuniata kesi Ediopet lo ebuni toma nen, kejai ber kuju laije nepepe kAburaam!

Karai bon kesi kojenuunitos ebe ngol Billy Graham loka tinenikwana loka apaaran kangin, abu kijesar alosit kwap ngina, ngesi ka Oral Roberts, kosodete alimonokin aisiiraret ngin mama ajaasi itunga ngul luetumudukanitai! Karai bon ti kesi kejenete, imojongai ngul ikadolitok luka Methodists ka Baptists kokau kalaije keraasi aanyunet mamakec naka apaaran kangin, Lot, naaponiata adikanareta kiticaniata etaukec obe. Konyet do inyo bo apotu Methodists ka Baptists koluoros araun? Kwape abu Lot kiswama, ibore ngipengin. Konye ikadolitok, kotoma kangina, apotu kolomutu kinga. Cuticut.

Idobo karai kapak naejesaror Billy Graham kwap? Alosit kanuka aseun, konyakaete e chewing gum, konanganangaete idiopet ka yenice, ido kokienasi, itima luetubitai, koraasi ireetin-luejukitai, ido komam da ber ijangakinos kanuikamunitos ngin. Abongun kapaaran naetupakini, ido abala Billy ebe, "Adumuni eong ilukumin akaisauni; ido abongun ketubor ekaru, kwabo mam da ber eong adumuni akaisauni."

"Oo, abu eong kaseu. Eong-eong-mam eong alosi okatwak; alosi eong Kuju, teijo," kojai iyatakinit aikwad cut kotoma adiakar. Arai bon kesi ti...

153 Kosodi konyet Akiro Nukajokak ejakai alimonokin kotoma Apedor, ka aanyuneta, kojai Epir loka Akim kujukec, ido kojai nginibore elosi akonye cut becebec, ido kodwaritete ka atemokinit da. Karai ti kesi...Abalasi kesi, "Ekodet loka lukalaunak luibelibelos. Erai airiamanr naka aomisio. Epone ece loka emoyo loka ecudet. Ajokit, nges bon ngun. Siri yesi kiyuutu ngun. Emamete ngun kotoma oriongetewok. Mam nuikamunitos oni ka Ngun." Karai bon ti kesi kojenuunitos aanyunet ngin! Karai bon kesi tikojenunitos!

Abala Yesu ebe, "Arai bon ijo ti kojoni apaaran kon, Yerusalem. Karai bon ti ijo kojenuunitite! Konye," kobala, "kijalakin do jo bon kanukon." Ianyutu? "Karai bon jo ti kojoni. O Yerusalem, Yerusalem, irwan ipu abu kakote airukum jo, kwape ti irukumia akokor ikemiyoi, kama ejaasi itubesia lueponitos! Konye mam jo ibu kojenu apaaranikon." Ijo loibu kibiribir inabin kamor, kosodi aiar ikadolitok, karai bon jo ti kojenuunitite apaaran kon! Karai bon jo ti kojenuunitite, ido korai loiseseni kotoma Naiwadikatai, ido kojoni ebe abunoreKang erai aanyunet naka awasiakon. Kwana imudukana jo. Kwana kidaun aitoron jo. Adaun akonipak." Ido teni adauna. Erai ngin nakabeit. "Karai bon jo kojenuunitite apak!"

154 Kongolek, nalimunio Yesu akirot ngin, apotu akwapin kiyatakinitos alosit kopekwangin. Ianyutu? Apotu akwapin kiyatakinitos alosit akonye kopekwangin, kopone lopeduc. Kanukinyo? Naarai mam kes ajenete esawakec.

Apotu akwapin kolototo akonyen kopekwangin, nalomaria Noah ataker. Apotu akwapin kiyatakinitos alosit akonye kopekwangin. Ikesekelel, kotoma apaaran kangin, aroko kesi ejaatar ka ipucino kec luka aelo. Eringa kesi enyamete, emasete, adukonokinos, eswamaete iboro luiswamaete kesi lolo. Cut becebec, kwape duc. "Ha-ha! Abu ekebelibelon-lokalaunan ngol lomojong kogolok ekek. Yesi ba, iiritotor tope yesi ibore kwa kangin? Ha-ha! Ijenete yesi nuebala ngesi? Elosete akipi 'ailikor' oni kere aaraar. Abanganut! Aibo do ber ejaasi akipi ngun?"

Ikesekelel, kotoma apaarasia nuka Noa. "Kwapekwangin ejaunotor kotoma abunore naka Okoku loka etunganan." Mam ace. Ajeni Noa aanyunet. Ibore ngipengin kotoma apaarasia nuka Lot. Iboro ngupengul kotoma apaarasia nuka Yesu. Ikoni nepenen lolo. Isekelete kesi irwanakec nakawasia...?...

Kopekwangin ko Sodom, mam cut kes ajenete. Nabwoia Ekiyakia ngol kanen, Aisiiraret kaneajai Edeke, apotu bon kesi kokienatar ngul ido apotu kotamitos aitapaar ngul alomar toma aswamisiokec. Ngin erai abeit? "Kobia kimorikikinos kasio. Koraun idiopet kasio." Iraun jo ediopet kotoma otelepai. Ijoba kobia, kimorikikinos ka sio." Ianyutu? Mam cut kes ajenete aanyunet kec.

155 Mam kesi ajenete ebe najaar Aisiiraret ngin elosi akonye, ebe ngol obe...Mam kes apotu kopedosi aanyun ngin, ebe akim ka anyunyura, kwape Edeke, acukuman nuka akim ajaasi anokuun kodouon. Mam kes apedorete aanyun ngin. Apedorete kereka ikiyakia asesen. Uh-huh. Ajeni Lot da, ngun. Ajeni ngesi ebe ajai ngin nen. Cuticut.

Kwape ejaar lolo, cuticut ibore ngipengin. Ejai anyunyura anokuun, ikajasi iboomun luka atomik, nginibore kere ejai awasia. Ikoni nepenen kwana.

Kongoliasi, itunga, kopupokisi. Ijenete tope yesi...Ibalasi yesi, "Onac Branham, oo, biai bodo ngun kere?" Ijenete yesi, epedorete itunga alosit cut iyatakinitosi alimonokin Akiro Nukajokak kwape eswamata duc, nuenyaritosi kesi Akiro Nukajokak, acepak kodauna ngin. Apotu kesi kiswamata kotoma apaarasia nuka Lot. Apotu kiswamata kotoma apaarasia nuka Yesu. Ngun eraasi nukabeit?

Karaida Iyudayan, akaulo na Yesu alimokin kes ebe anyunyura..."Adaun owaikus. Aper owaikus. Emameete bobo acekiro. Aper owaikus."

"Oo," abala Ngesi, "ebelibelon-lokalaunan ngol. Osomero ber ali ebunitor Ngesi? Aibo ber ebunitor Ngesi, ebe?"

Kiitunitosi, ajai do Ngesi ekapakina kanuka AiriuneteKe Nakiuniet. Uh-huh. Erai ngin nakabeit. Kotema Ngesi, "Irwan imwasi ai abu Eong kakotor airukum jo!"

156 Abu Lot kiswamau anyariteke nakawasia...arai, apeleikinit eong, Emalaika nges abu, ekiyakia, lope kere kerai Ngesi. Edeke ebwoikinitai kapaaran kana, Edeke ebwoikinitai kotoma akuan naka itunganan, abu kiswamau aanyunet nakawasia, abu kiswama aswam nakawasia. Kodauna do cut kotoma apak kangin.

Abu Noa kolimonok alimonokineteke nakawasia; abu ekek kogolokin kokaukeng. Kodaunos. Apotu kesi kokienatar ngun, kosodete aboliar ngun.

Koomoomoata, epedorete itunga aiyatakinit alosit akonye alimonokin! Epedori Ecumenical Council aimorikikin ka ekanisa loka Catholic, cut kwape isumunitotor aiswamaun. Iriiongeta kere epedorete alomun toma, konye kereka emacar loka etiang ejai nen sek. Eyangarete kesi ngol, kotoma kanen. Ianyu? Ido ebalasi kesi, "Oo, aleluyiah, kituritete Edeke, epu noi luapotu kitajarunos akuare nabian." Apotu? "Apotu kikosioto kotoma Omoyo. Apotu kinerata kotoma angajepa." Mam ngin erai idiobore. Ianyu? "Oo,

iyapepara kesi ido iyapaara ka aitasiono da. Eebo, cut. Ejaatar kesi ka araito naka Emoyo." Mam ngin erai aanyunet. Mam nepetai da.

Mere eong kainak yes araito naka Emoyo, kiding Yesu ka Iparisayon, koany ingai kakesi kejaatar ka araito naka Emoyo. Idobo arai kabwo eong, kwape sek ageunitor eong ener apak edit kokau, asurwokin Kristo kanuka apak edit? Kitim Edeke eong kanu da ber alimun ngun, teijo, konye bon kanu aitodikin yes ibore.

157 Idobo arai kabu eong mamakus kasodi atiar, "Ma, yesi atukot na, ingai opaperokus? Ingai itodiarit araito naka Emoyo? Esaseredoti kus emojong loesiana. Ingai ebuni mamakon kadekis naidekar jo? Esaseredoti kus emojong loiyapaara. Erai ngin abeit. Ingai bo ber ngol loibanyanakini yes ikapun duc naijaar jo toma alangiru, koridakina? Yesi ba itunga lukatukot kana, mam kereka yesi ilosete neejai esaseredoti kus emojong loesiana kibanyikini ijo ikapun? Ianyutu? Ingai kereka duc ngol loeminana ido kosiana, ido kitodiarite araito naka Emoyo? Esaseredoti kus emojong.

"Ingai kereka isisiat adaun ikar ka ikar, kotoma atukosia kokwap kalailo, neebunitor papaake-kapapake-kapapake-kapapake-kapapake-kapapake-kapapake, erot kere ameun? Ingai kereka abu kisisia kosodi adumun...kosodi aswam kagogong adumun edigiri loka dokita ka PhD's ka LLD's, ajenun Akivot, ido abwoenen kane ainanakin yes nginipaaran Nasabiti tupuruc kotoma okelesiake? Esaseredoti kus emojong ngopengol.

158 "Ingai bodo ber erebol lo, loenyaritai 'Yesu'? Osomero bo ali ebunitor Ngesi? Osomero bo ali elomunitor Ngesi? Aibo ber ejai akaadi Keng naka eidicane? Erai bo ber Ngesi lokorionget kali?

"Anyoika bo iswamae Ngesi naijaatar yesi kere kaipurujauna kotoma okalekus? Ingai kereka ebuni ne ijaasi yesi? Esaseredoti kus emojong ngopengol, aitam ti...Ido arai ejai aipurujauna naka epeget ijo ka eidunyetekon kane, ido ebuni esaseredoti kus emojong ngopengol kosodi aitupucikin yes. Kobala, 'Iraas yesi kere idwe luka Edeke. Mam ibusakinit yes aswam kwangin.' Ngun nges abu ngol...

"Anyoika bo iswamaenene Yesu lo loko Nasaret? Aiweliwel ibore. Anyoika iswamai Ngesi? Abu konyara esaseredoti kus ebe 'ekengarenon lomuduk loka imudukiok.' Abu konyara nges ebe 'emun kotoma aanya.' Abu koyanga asubanit naecorakin Edeke, kosodi abuburianar imeesan, kosodi aiwuconor isirigin kinga, ido abu kosesen ngul kanyunyura. Iiritotor tope yesi aanyun esaseredoti kus iswamai kwangin?" Kwana aibo do ber ejai araito naka Emoyo? Uh-huh. Uh-huh.

159 Mere kanuka ener kotoma angajepa. Mere kanuka ekosio kotoma Omoyo. Mere kanuka alomar okanisa. Mere kanuka araito naka Emoyo; Christian Science epedori aitelekaar idio kayesi kotoma kangun, teijo, kwabo kongeritos da ber Yesu araut Edeke. Mere ngin.

Konye erai Akivot, ejari! Engibongin. Karai bon kesi ti kongoliaritos, arai Ngesi Mesia. Kerai Ngesi Akivot nakajaran, itodiaritai.

Ido etunganan loejaatar ka Emoyo loka Edeke kotomakeng, arai aberu, ejari Akivot ngin, ejari cut atakanun kotomakec. Ngin nges aram naka etau, lukinerunitai sek, naarai ebuni Akivot naka Ejakait tomakec, ido eraasi kesi Akivot mama ejaasi itunga. "Ibaluan luiwadikatai luesiomete itunga kere." Ngin erai nakabeit? Araibo epedori kedau Airiunet Nakiuniet ageun aswam?

160 Itunga luka ateepon, yesi ngul luijaas aipup ateepon na, arai ti kopedorete yesi asesen atukot na kapak kana. Uh-huh. Aomit eong ipupete yesi da kopone kangopekangol.

Dobodo arai kerai nges ngin? Kongolek Nuiwadikatai nuiculara kotoma kane. Epedori araut? Airiunet Nakiuniet ngin kanu alimonokin mama ejaasi ngul luetubokinitai Ikar Kere ngul luapotu kogiroto Aisiiraret naka aitajario?

"Eebo," ibala jo, "elosikanisa..." Eebo, epote kesi. Epote kesi aiyatakinit alosit akonye, cut kopone kangopengol.

Konye, kiitunitos, apak na kere, ajai Noa toma ataker. Ipucakinitai Ateran napepe ka Kristo, adaun alakun imeeba yenikawasia. Adau Aipucet Naikanyetekaape atakanun alopet. Aipucet Naikanyetekaarei eyangauni Ngesi ainyakun aakwap. Abu Imerekek kobu kosodi alemun Eitabo kotoma akan naka Ngol, kosodi aiboikin ka alimor da ngul luaraas luKeng, ngul luabu Ngesi kolaku. Ngin erai nakabeit? Arai duc Airiunet Nakiuniet ngin.

161 Iuni erai aitekooro. Abu aijanakin kodolu toma aitekooro keng naetolomunia Kristo bobo kotoma osube, kokiding naka itunga, kwape adaunitere alimor sek, "Kwape ajaar kotoma apaarasia nuka Lot."

Oo, koomoom, epedorete itunga ti aiyatakinit alosit akonye alimonokin, koomitos ebe ejaasi kesi aitajarun, kiyuunitos ebe ejaasi kesi aswam nuejokuka, kiyuunitos ebe eutasi iriongetakec apolo, cutibo, kwabo komamei amorok karaida adiopet naka amun. Ido karai erai aitapoet ngin ngun, ido korai na aninik noi asurwokinit angor, kidolu do oni toma osawa ngol. Agolokin ekek, adaun, adau sek Eitabo ajaun

akaniKe. Koomoomata ngun.

162 Mere ber eong kalimok yes nu cut eringa kegolokino kwana. Ajai eong agolokin. Kerai nukinerai, nukeng kotoma Ireland, atereikina ka akipi. Ajai atiida naepol nakijesakina kwap kariri naka eitolima, ido kokuju naka erongat kalo. Ido kejai etunganan lokejai alosit, elosi kariri kanen kapaaran adiopet, cut-cut kapak naibukaunotor akipi alomun toma. Ido ajai nen etunganan ekapolon loeboie korongat kangol, loajeni aibukaunun naka akipi kanu. Ajeni apak naka apaaran nakebeitor akipi nu aibukaunun. Ajeni ngesi apak naibukaunotor akipi toma. Ekesa lo mam apodo inyo apak ngin. Arai ngesi ediopet kalu luejenete-ngun-kere. Ajaatar ngesi ka aomisioitike kelopet bon. Arai ngesi etunganan loapedorit akerit noi, acobe, ekesa loapiiriana jokan, konye mam cut ngesi ajeni apak naka aibukaun naka akipi kangun. Mam nges ajeni akwap ngin. Mam nges ajeni apak nakabeit nakedolitor aanyunet, nakibelokinia elap ekepur kama ejai akwap.

163 Ido kelema Edeke EmoyoKe kakwap, onac, adaun ngin, koperete ngun kere.

Kiwotoki elap ngol awai kaiboisike, erapiarete akipi akwap kwape kapak ya ne ageunia Edeke ngesi, kotoma Ageun 1. Konye ebwoi elap kanen, ido araida ber kijangaki nges akekou, egeunete akipi akerun aibukaun toma.

Emojong lo lokacoa loeboie kanen kotoma ajakut naka ngun, ajeni apak nanyoin nakerai ngin. Ekesa lo mam ajeni. Mam nges abu kisia ngun. Mam nges apodo nuikamunitos ngun. Ido abu etunganan lo emojong koker kinga, ido kobala, "Ekatuan lokajokan, imunokina ijo aiyatakinit alosit kingaren. Kibelokin kobongo, katipet. Ejai arwatat. Mam jo ipedori adokar arwatat. Itwani jo. E...ejaasi aanyuneta etakanete, apak. E-aibukaun naka akipi ipakunos toma katipet noi, ido mam jo ipedori abongun. Siri kiyatak alosit kingaren."

Ido abu etunganan ngol kibelokin, kosodi akienar nges, kobala, "Kolot kopodok nukon. Ajeni eong nuapedori eong aswam ka numam eong apedori." Ido abu aibukaun naka akipi kikam nges. Ianyu?

164 Acepak etubit apak adepar ne iwomit oni. Ebuni ngin aikamun jo. Siri kiyatak alosit kingaren. Siri yesi kiswamata ngun, itunga. Arai iyuunitos duc yesi eong kwape ebulesit loka Edeke, koyangasi akakirok atupuruc na, arai iiritotor yesi. Elemuni acepak keraun apak naetubit noi. Neepol kotoma Naiwadikatai itodiarit kwangin. Kwana, kiitunitos, mam kereka eong abala ebe erai. Mam eong ajeni. Konye bon kongolia.

Ido atuborit eong awai apapulai bala atomon kane, ngun nuakuriana eong alimokin yes. Ianyutu? Ajkt. Wood ngesi ajenan naka ngun, ka Ejkt. Wood. Na alositor eong aijesar kwap atupuruc na kanu aanyun kesi, katema eong atiar, "Eong-mam eong apedori alimokin kes ngun, mam eong apedori adolore neetia nen. Alosi bon eong aibwaikin nuetia ne Naiwadikatai, kasodi ajalakin ngun kakes, naarai elosio aikamun kotoma ateepu." Ebuni ngin alosit.

Ido epote itunga akienar Aisiiraret na. Mam ace ngun, ebuni araut naetuboro aibelokin, adiopet kotoma apaarasia kanu. Aso ca jo alosit, bon araut emeeba loka ekanisa. Aitub ikonitum, aijuk ereetekon. Aso ca jo, kosodi ayangaar "Papa, Okoku, ka Emoyo Lokalaunan," arai ikoto jo, ebe, aitarauun ngin Idekesio iuni kosodi araun ekapiirit. Aso ca jo alosit, asalit oriongetekon. Kiswama ngun arai ikoto jo.

Atiar, "Abu eong kekosi kotoma Omoyo, abu eong kener kotoma angajepa; kijaar eong ka Ngol."

165 Aanyunitor eong ajokin iswamaete ibore ngipengin. Aanyunitor eong aacadak inerai kotoma angajepa ka aijul da ngun; kosodete aiwadik kotoma angajepa numam ejenasi, ka aijulun da ngun; nuapotu komatata aokot kabulukuk naka akou naka itunganan, kosodete aiworo ajokit, kikosiete kotoma Omoyo.

Mohammedans ikosienenete kotoma omoyo, kopone kangol, kiton na epedoriata kesi alemun ibore yenekwana kosodete aisitor obokor kec lukakanin; kosodete alemun ekileng aicumakin oreetekek, kopone kangol, kosodete autun, ido mam da ber aitonunet karaida adiopet naka aokot alomun kotoma kanen.

Ilugai elosete kotoma akim, komameete amuk kakeje, korai aidules naka ipuutin-iuni; ka iwongon-arai ipuutin-iwongon airiikin; aitule, aipukupuk atotol kiton eraunotor nukakwangak emwaka; ido mam cut akim ainyam akecekeje, ido kogiritos ebe ejai ibore kwa kangin kwape Yesu Kristo.

166 Mam, mam, opapero. Erai Akirok nges elimori ngin. Itunga nepepe kAkirot ibusakinit araun idiopet. Ianyutu? Yesu nepepe kAkirot araasi ibore idiopet ngipengin; arai Ngesi Akirok. Ido naejaria Yesu kotoma itunganan, itarauni ngin nges ka Akirok ibore idiopet ngipengin. Siri...Aijarakon elimori ibore yenirai jo.

Kwana kongolekin ber ijo ilopet bon kotoma aroet naka Edeke, kotema atiar, "Atakani bo eong biai atupuruc na?" Kajaasi oni ailip.

[inera onac ece kangajep ace. Kijaikini onac ece aijulunet. "Ikadwe, lolo, kalimokini Eong yes. Eebo, Eong obe, Edeke Lokapedor kere, asesen akwap lolo. Aanyu Eong aronis na ainun isubat yen. Eebo, aanyu eong aronis naejai etunganan, apaaran na, irigauna kotoma. Eebo, mam kereka yes ijenete ebe

eswama Eong ibore yenepol kanukus? Eebo, eyakiu Eong etunganan kotoma apaaran na nakawasia, eebo, tetere ebe ti korau ngesi akituk nakineris mama ejai atur na. Konye kalimokini Eong yes, apaaran na, iKatunga, apotu kisekeloto ekiror lo. Eebo, ebelokisi kesi ipurianakec mama ejaasi iboro ejaas iboro luener ngesi. Konye katemari yes atiar, ngul luepote aiirar Akiro nu, abuni Eong aijaikin arerengeso nuepolok adoikin kes. Arai Eong Edeke Lokapedor kere. Abuni Eong airop, kapaaran kana, kanuka ngul luijaunete Akiro nu kainakina, ebalu Ejakait.”-Ekewa.]

Erimo eong neelwana kama ejai Edeke,
Kwana abunit eong ore;
Kilipata, arai iiritotor yesi ailip!
Kongaa noi akaniniKon nuka amin,
Ejakait, abunit eong ore
Abunit...

167 Kwape iyatakinitotor yesi ayoore, akoto eong aingit yes ibore. Ejai kereka amasikinet kotoma otaukon naesubit bala esirion aronis? Arai ejai, kopekwana nges apak naalemaret ngin, cut kopekwana, arai eringa aitim ideuna.

Na, amuno eong, mam erai kwangin. Amuno eong emamei ngin kanen. Konye ber mam kereka esubit bala epedori araut? Kiirasi nuabu Emoyo Lokalaunan kiner kokiding kitunga, akaulo na eong angetakin, “Erai eporoto mamakus.”

Ido arai ejai nen, arai ejai amuton adio toma aijarakon, mam ti ejok jo abunore nepene cut olutari kopekwana, kajaasi oni kiyatakinit ayoore? Kopekwana arai ejai aiya

longong, arai ejai amasikinet, siri kiyatak aisiyek ngun bobo.

Kamunosi ido keyuunitos da ebe mam nu eraas kwangin; konye kereka epote ajaun, adiopet kotoma apaarasia kanu, ido epedori kereka araut lolo.

Kwana, Ejakait eong abu-...

168 Kojai eiyengane loka ikumesikon cut kodiekon! Karai bon ti kopedorete itunga luka ateepon asesan nuelosete kane kopekwana; cut atukokina aiculanakin kuju idiopet kayenice, komonyete, elomunit kangoliwai kere.

Epedori kereka aitapoet ngin, nearaar eong etelepat loadit, lo nges esawa? Na nges apak naka ngul luetakanete-itegit, luitasuroikinit...okatwak ejakai asubun cut kane kakwap?

Ilutarin ka irotin luko kiding naka icolongoi, ka nginibore kere, ileleba do kwana. Arai mam jo ipedori adolore olutari arai orot kiding naka icolongoi, konyou do jo kobwo, arai kitema jo, “Akoto eong aibwo kasodi ailip, bon tetere itunga epedorete ti ajenun,” arai akukokin, kere nupe ikoto jo aswam. Oo, ikatunga! Kwana ecicing jo aanyun idiotunganan yeniboie. Ejaas itunga ebwoete kangoliwai kere.

Mere eong katema kwanata. Madi akuj, madi akuj ebe ngun nuabala eong ebe erai kwana. Elipit eong ajenun ngun, nginitunganan; Madi akuj. Ejaasi nen...Kijaar eong ka idwe lumam elomunitos toma kotoma. Kijaar eong ka adwe aarei ka okoku. Kijaar eong ka iinacan. Kijaar eong ka ikatunga lumam elomunitos toma. Madi akuj ebe adau asianut ajalakin oni; ebe nu kere eraunos bon aisoswaikinit.

Ejai kereka asianut naideuna, wu Ejakait? Karau eong loebucara kotoma kanu, wu Ejakait. Koraun ngin naibucara kapak kana. Ebe eong, mam erai, ebe eringa epedorio aitajar itunga. Kocamak ngun, wu Ejakait. Elipit eong ido ebwaikinit lu luepupete neijai Jo kwana do, Kokiror loka Yesu Kristo.

169 Nginitungan kojaun toma ailip kwana, cut bala...Idobo arai ti korai? Kwana, mam eong ajeni ebe erai nges, konye idobo ber karai ti korai?? Kilip ber jo kopone kon. Kilip do ber jo kopone loikotor jo ailip. Bon ebe ido karai korai na abeit, anyoika ti oni kismama, ipapero? Ti bodo anyoika ti oni kismama? Anyoika, anyoika elosete atakanun? Kwana kilip ngitunganan kere. Boni-bon komonyata, bon kilip opone loikotor jo. Bon komony cut mama ejai Edeke, koponekon ijo ilopet. O Edeke!

Akaninikon nuka amin,
O Ejakait, abunit eong ore.

170 “Ejakait abu eong kapeleikinite ti aswam ngun apak naeoj naatubor. Arai bo edar eong adaun apak naeoj noi, wu Ejakait? Erai na, adaun ngin? O Edeke, kongaa akaniniKon nuka amin kosodi aijaun eong. Ejai ibore kotoma otauka yeningaingaitoi kanuka ngun, wu Ejakait. Kongaa irwan atipet bobo. Arai kejai ekakiror Oitabo loka Imerekek, kiner mamakang kopekwana, wu Ejakait. Kisiik eong kejau ngin kopekwana cut. Okwe kismama ngun, wu Edeke.”

Abunore ore, abunore ore,
Oo, mam cut, mamcut eong bobo, Ejakait, abuni airim;
Kongaa noi akaniniKon nuka amin,
Oo Ejakait, ajai eong abunore...

171 Ebalā Ebaibuli ebe, na ejenuniata kesi Yesu, ebe, "Ebuni nginidiopet aimony bala okookec loteluna ejai aiar."

...nore ore,

Yes lukokinga, yes lukotoma amotokan kus, koredio luka short wave, yes luibwoete arimun etogo lo, kotemasi, "Ejakait Edeke, okwe kitim eong."

Ko-...

Koraasi luimunokia kiton atwanare, ipapero! Koomoom nanyoin apak nakijaria oni! Aibo ber kijai oni?

...amin

Ejakait, ajai kwana eong abunore ore.

Abunore ore,...

172 Ejakait Yesu, eswama eong nukajokak kakere nuajeni eong epone. Eswama eong ngun kere nuajeni eong epone. Koinakinai, wu Ejakait, ebe eringa ikekia luka aitim engaara. Kotoma akwat nu, teniteni cut emootos Ijo kapak kana, kolema awai nginimasikinet kere naka aronis, wu Ejakait, ido koyanga kes toma lolo.

Eong-engaingai eong, nepepe kekatau kere, kwape kisesenia mere bon idiopet inera, konye, Naiwadikatai Alopēt ejai ayangaun isio toma osawa lo. Ido aitapoēt ngin, naka itelepat yenedidi, eseseni itunga ngul kotoma ojutene kwa kangol; kosodi kwana, aoomoom, ebe okatwak alopet cut, adaun amwatar aitim kotoma akwap, doodo kwana okatwak alopet ejai ne, ido itunga, wu Ejakait ejaas toma ojutene lo loketasuro.

O Edeke lokagogong, mam ejai Ekanisa lo Loseuna, elipi eong, wu Edeke, ebe ibuni Jo abukokin arerengusioKon, ebe ti kodumutu kesi a-aijaanakin naka ajenanut, ebe bala kwa ajaatar Lot, bala kwa ajaatar Noa, bala kwa ajaatar Yesu, mama ejaas lueolioritos Ikar Kere, arai ejai ngin kanen; ebe kes ikulepek kipucakinai toma Ajakanut naka Edeke, konye kijaikis ajenanut mama ejai Yesu Kristo araut nges ngopengol bian, lolo, ido ikar kere. Kocamak ngun, wu Ejakait. Kijau Jo ailipikosi, kwape kingaingaitor Kokiror loka Yesu.

173 Bon kilip kopone loikotor jo ailip kwana. Mam ijai isunyit kamaran. Mam imarani. Idobo acepak jo nges ekiror lokawasia alosit kOitabo?

...abunit eong ore.

Abunit ore, abunit ore,

Onac Neville, kolot jo kodoka kuju kosodi ailip kanukec. Elosi kwana ekecokon ailip nepepe ka yes kwape ijaatar yesi ailip. Ayoi do eong.

Kongaa noi akaniniKon nuka amin,

Ejakait, abunit eong ore.

Abunit ore, abunit ore,

Mam cut bobo airim; (Eebo, Ejakait.)

Kongaa noi akaniniKon nuka amin,

Ejakait, abunit eong ore.

Abunit ore, abunit ore,

Mam cut bobo airim;

Kongaa noi akaniniKon nuka amin,

Ejakait, abunit eong ore.

[Iyatakinit Onac Neville ailip. "Korau nginidiopet, wu Ejakait, yen imonikin, apaaran na, ebe irai Jo Edeke Lokapedor kere. Arai erai na aisiyekikinet naka aitim, koraun naebeikini mama ejai nginitunganan, idiopediope." Kocamak ngun, wu Ejakait. "[Koraun ngin kopekwana, wu Papa. Ido kocamak ainapakin naka Edeke, na duc einakini aijen, kobu ngin bobo otauon luidaritosi." Eebo, Ejakait. ["Korau lo nges esawa." Eebo. ["Kiyuunit isio ebe idau Jo aiirar kotoma Akuj." Edeke, kocamak ngun. [{"Nupe kere ingadakinitai isio, arai edauna, konye bodo, wu Ejakait, kijeni isio anyoika nukawasia." Eebo, Ejakait. [Konye, arai mam, kobu do Ekajenan." Eebo, Ejakait. ["Koraut lu luapotu, koraut kesi luedumunete ainapakin lolo,"] Kocamak ngun, wu Ejakait. ["kotoma Yesu Kristo. Ido kotoma OkiroriKe nges kilipia isio. Amen."-Ekewa.]

Ejakait Yesu, Elipit eong ebe kitajar Jo Becky ka Sarah ka Joseph, ka kesi, da, wu Ejakait. Sirikicamak nu atakanikin ikadwe, wu Ejakait. Sirikicamak atakanikin ikainacan ka ipaperoka. Koinakinai ngun, wu Ejakait.

174 Mam isio kijeni, mam isio kijeni, konye kijai isio iseseni ibore mutan, wu Ejakait. Ngin erai kereka aanyunet naitamarani kopekwana kakonyen kosi? Kocam koinak ngun, wu Ejakait. Kiriu isio kere dieKon, katipet, wu Ejakait. Kimina isio Jo ido kipuda isio Jo. Korau ngin ebe, wu Papa, Emoyo Lokalaunan einakinit isio aitalakaario kotauonokosi kopekwana.

Kilipi isio ebe karautu isio ikajenak mamaKon kosawa kalo, naarai kijeni isio ebe ibusakinit nu atakanun. Erai nuedaunitai ainerit nukec sek kotoma aturio nuatuboros, ido ibusakinit isio aitereikin nepepe kakes, ebe kijai isio toma apak nakawasia naisesenio isio aanyuneta nu etakanunenete. Kijeni isio, ido elimonoritai adaun ikar luipu kwana, ebe ebuni ibore yen atakanun. Kwana do kiseseni isio nges cut kotoma okek kosi, anyunyura nakagogong naepol naka Edeke elosi itorit orotin, euta alemar lumam ekepitai. Nen nemam Aokot ejaasi okek, ipejonokini emalaika loka atwanare; kwabo elosete kesi iyatakinitos aijar, konye kotwakitos karaida ejarete, komameotor ka aitim, komameotor kEdeke, bobo da mam cut epedorio aitajar.

175 Edeke, epone lokimalator isio Ijo kanuka lu luitajarauna! Epone lo isio...Erai ngin arereng naepol toma otauonokosi, araut lukija toma kwana, kwap naka Aokot, naejaar emalaika ngol lokawasia etubor kakwap kwana, euta alemar kinga a...

Ngul lukejaas kinga naka aokot, apotu kotwakata komamei aitim. Kerai ngin airiunet naka Musa nakawasia. Nasodit, e-e ekatumunan inera mama ejai Isirael; naiareit, abu kolot aijesar kwap alakun kes; nakiuniet, kerai nges aisiiraret nakawasia. Keponi kiswamai aswamasio nukapedor, ajai Musa orotoke abear akwap naka aisumunet, nepepe ka lulakuna.

O Edeke, korau loitimono, elipit eong, Kokiror loka Yesu.

176 Kwana akoto eong aingit nu. Yes luijaas ailip, yes luipupete ebe idumutu aitimio, ido ebe (Edeke0 ipupete ebe ijaas toma Ajakanut naka Edeke, ipupi jo ebe-ebe idaun aidoboikin jo kopone mutan arai ecie, ebe kotoma Kristo idum jo aiyuun ebe irai jo Ikristayot, kiuruun jo bobo ido ijeni jo ebe irai jo Ikristayot, ido komam abunokin. Elipit eong ti yesi kere inyoutu aibwo, yes luikotosi ngun, iyuunits ngun, ebe aitim ngin erai naesukunyun mamakon kwana, ido iras yesi Ikristayon, ido ijo-ido iyuunit jo ebe-aitwasam kotaukon, ido-ido-ido ebe isionitai jo nginidiakar kere.

177 Arai yen ibore yen aninik alimokin yes itunga. Eyalama eong noi, ido aseseni itunga ebwoete kanginiibois kere. Ido yes, eong-eong kwangin...

Mam eong ajeni ebe erai ibore yen yenikabeit, konye iburai araun kopone kangol, kapak ace. Teijo, ebuni adolore nen, ido epedori kereka araut kwana. Kopone edio kere, epote akwapin ayatakinit cut alosit akonye. Epote itunga aiyatakinit abunenen olutari, epote kesi asalit iworoete aimony, konye emamaei ajokis naeyangauni ngin. Ianyutu? Epote kesi araut luedauna, teijo, kodauna do ngin. Mam bobo aitim ejai. Kiitunits ngun. "Ido abu aibois nakalaunan korau na epuriei." "Yenesiliana, esali eringa esiliana; yenedolit, esali erai yenedolit; ido ngin yenikalaunan, esali erai yenikalaunan." Emamei bobo aitim, naelemunia Imerekek Eitabo; kodaun cut, kodaunos ngun cut. Ido etakani noi cut bala tikepedosi ngun araut kwana.

Acepak kijaar oni kapaaran ace; acepak lolo nges apaaran ngin. Acepak moi nges erai na-...Acepak akuare na nges akuare nakawasia. Acepak erai lo ekaru lokawasia. Mam eong ajeni, ipapero. Ajai eong alimokin yes, mam eong ajeni. Mam cut ngun eraas nu eponio alimokin eong.

178 Konye naelemunia Edeke ekiror ngol lokawasia kosodi alakun nges kama kOitabo kangol loka Aijar, kodaunos ngun cut. Teijo, mam bobo kesi epedorete ajakut, karaida biai. Mam bobo epedori ajaut, karaida biai. Kodaunos. Erai ngin naedauna.

Imwasi ai ejenete ebe erai ngin Abeit? [Ebala atukot, "Amen."-Ekewa.] Mam ace. Erai ngin-erai ngin Abeit. Kwana ebe kipupi oni...

Ido aseseni eong atukot na nalimonok eong mamakec ka aikwenyar da, ikar lu kere, ido aanyun Aisiiraret kwa kana na eong...na eong-ayangau eong kopone lo loelidio. Ido cut kiitunits, enera eong ngin tetere yes ijenunete nges, kopone loelidio; aiyatakin iboro ice bobo ti cut kepedosi aitamaran yes noi, teijo. Konye abu eong kenyeik ngun, abu eong kapup aswam kwangin naarai mam eong ajeni cut. Arai mam eong ajeni ne ecakacakai eong, erai eong aicakacak motimot, teijo, konye bon alimokin yes.

179 Kopupokisi. Mam kereka yes iyalamasi? Epedori tope ajaut ibore ice yenepol itia, yen ipedori jo ti aoomoom nukeng, ngin yeniswamat jo kotoma aijarakon?

Anyoika bodo arai kedauna kwana? Anyoika bodo arai kedauna ngun kere aiswamauna? "Oo," itemari jo, "Onac Branham, acepak boot..." Eebo, ajeni eong. Epedorete kesi ti aiyatakinit alosit akonye. Apotu kiswamata, kanginipak. Adau eong aitetem ngun kede Naiwadikatai, teijo, apotu akwapin kiyatakinitos aikokoritoi kopekwangin, konye kodaunite ngin aiswamaun. Ianyutu?

"Abangaanut naka alimonokin itajari lueolioritos. Kwabo erai abangaanut, mama ejaas itunga. Erai acoa naka Edeke." Ianyutu? Erai Edeke Emoyo. Iswamai Ngesi kotoma orotin lukomoyo, teijo, aswam aswamasioKe nukaumokin; irotin lueumokina. Konye, kirai oni itunga, kijaar oni ka eikor loka aijenewok. Mam oni kijeni; kiseseni bon oni ngun nukipedorit oni aseseni. Konye Ibore ice kotomawok...

180 Nailomaria jo kinga naka agola kangin kane, karai komam cut jo ianyunitor ngin kotoma aijarakon, komam cut kianyunitor aica naka apaaran, ti ijo kijenu ebe ibu jo kotubor anyoun kagola kana kane, alomar toma aica naka akolong arai ibore ice. Kerai ngin naemwana. Ti ijo kipedo apupun ngin. Arai emamei apupetai kotoma akuanakon naelimori ngin, ti ijo kijenu, oo, komamei apupetai naka asesen kanu aanyunia ngin. Komamei epone loanyunet ikito luelibilibete, asesen isuban; kemamei jo asesen, komamei idiotunganan yen kejaatar kangin. Ti ijo kijenu ebe ijai jo toma ajakut naka ibore ice mutan; aipup kon tikelimoki jo kwangin. Ti jo kijenu ngun. Karai katam eong alimokin jo, "Erai ngin akolong. Ilorei ngesi. Itodiarit ngesi iboro," teijo, ti ijo kijenu ebe ejai ngesi nen naarai ti jo ipupi ngesi kaipup kon. Ngin erai nakabeit? [Ebala atukot, "Amen."-Ekewa.]

181 Kwana, kijeni oni ebe ejai Kristo ne. Ianyutu? Acepak mam yes ipedoritos aanyun Ngesi kakusikonyen. Ianyu? Konye kotoma aitapoet, alimokini eong yes, ejai Ngesi ne. Kipupi oni Ngin. Kijeni oni ebe ejai Ibore mutan ne yenimam apupeta wok elimoritos. Erai Emoyo nges elimorit ngin, ebe ejai Kristo ne.

Apupi eong ebe adau Ngesi alakun oni. Apupi eong ebe ejaasi ikiroria wok Oitabo Keng. Eyuunit eong ebe kidaun oni alakun kanuka Aokot nuka Imerekek.

Amina eong yes, ido ajeni eong iminanara yesi.

Oo, korai nakarereng aenet na ewenit

Itauonowok kotoma amina naka Ikristayon;

Eidicane loka aomisio nuipajanas

Eputosi ka ngol lokoKuju.

Ibusakinit duc oni aipup kopone kangol mama ejai idiopet ka nginice. Teijo, ibusakinit oni, aipup kopone kangol mama ejai idiopet kanginice. Ianyutu? Naarai, kwape kiminanaror oni idiopet ka nginice, kimina do oni Edeke. "Ipedori tope jo alait onacekon loiseseni jo, kwabo kobala ebe imina jo Edeke Ngol lomam jo ianyunitor?" Ibusakinit oni aminanara. "Emamei etunganan loejaatar ka mina naepol aitelekaar Ngol loabu kiperik aijaraKe kanuka lokasurupiKe, tetere eraunos ngul ipaperoKe."

182 Oo!

Ijenete yesi ekosio ngol, Korau Nakarereng Aenet Ngin Naewenit? Mam kereka ngin erai naeumokina? Korau aenet ngin nakarereng! Arai ti ijo kiramak isio ngol, iinac, kanen? Koru ber ngesi apak edit.

Idobo do arai kedauna ngin? Idobo arai kerai Airiunet Nakiuniet, naebunit kwana, erai kanu alimonokin lueolioritos? Idobo do arai elosete aitupuseta kere aitodiar kwana? Ido kajaasi oni toma, ido kajaasi oni toma, mam kereka ngin ti erai naejok noi? Eidicane bo ti ngol!

Oo, korau aenet ngin nakarereng na ewenit (eenita ibore yeniswamai ngun)

Itauonowok kotoma amina naka Ikristayon;

Eidicane loka aomisio nuipajanas

Esubit bala...

183 Kerai bo inyo ngin? Eidicane loka aomisio nuipajanas. "Kobu AjakanutuKon. Kiswamas nuikoto Jo." Ianyutu?

Kitamit oni aitarauunit Edeke e-e etelepat ece mutan lo itopolounit oni, eiyakitono arai ibore ice mutan, "Edeke, kiswama nu, kiswama ngun."

Abala Yesu ebe, "Kilipete, 'Kobu AjakanutuKon. Kiswamas nuikoto Jo kakwap, kwape iswamaere koKuju.'" Apolouke bodo, eyangaunitai Akuj kwap mamawok, ido oni-kiyangaritari oni kuju toma Akuj, ido kiboie oni kotoma aiboisio nukotoma Akuj kwana kotma Kristo Yesu. Kiyuunit oni kere ebe erai Aisiiraret ngin Abeit, ebe Yesu Kristo, Okoku loka Edeke, nges kilakunit oni.

Kamudukoto do ber oni kwana kasodete aikiar akaniniwok, kajaasi aiwo nges.

Korau aenet ngin nakarereng na ewenit

Itauonowok kotoma amina naka Ikristayon;

Eidicane loka aomisio nuipajanas

Esubit bala...(Kiyatakinite airam nges.)

184 Kwana, emamei aimunumuno karaida adiopet. Mere na apak naka aimunumuno. Nepepe kaidules naka ainakina, kojai ekosio ngol eramio, keyoganakinos do ber oni kakanin nepepe kitunganan yenidunyatar jo, kotema, "Kisirereng Edeke jo, Ikristayot," kede ainakina.

Kisirereng Edeke jo, Onac Neville. [Ebala Onac Neville, "Kisirereng jo, Onac Branham!"-Ekewa.] Ikar akaisakany kikanyaongon lukapolou. ["Erai ngin nakabeit."] Aekar!

Kisirereng Edeke jo, Onac...?...

Kwana kekiasi oni akaniniwok neejai Ngesi.
Nakitiakakinor oni,
Kijaikini oni apipil kotoma;
Konye kisalit oni kimorikikina kotoma kotau,
Ido kamunos airiamun bobo.

185 Kwana do aso oni ketuluroto akwesiwok, ido, nepepe, mam kijeni nueponitos koingaren, kapak kana, mam ijenuni anyoika araibo adaun ngin. Mam eong ajeni. Mam eong apedori alimun. Mam eong apedori alimun. Mam eong ajeni. Konye kakonye nuka akiro ngun nukabeit nukipuko oni atupuruc na, kelipata do ber oni ailip ngin naabu Ejakait kolimok oni ailip. Karaida erai ngin, "Kobu AjakanutuKon. Kiswamas nuikoto jo." Keswamata oni ngun nepepe.

[Onac Branham ka atukot ilipete ailip naetupakini ktoma aimorikikina, kama ka Matayo 6:9-13-Ekewa.]

...Papakosi loejai toma akuj, Ekonikiror kitalaunai.
Akonijakanut kobu. Nuikoto jo kiswamai kakwapin, kwape iswamaere kotoma akuj.
Koinakinai isio lolo ikosinyamat luka lolo.
Kisionioi isio akosipesenin, kwape kisionio isio lukapeseninikosi.
Sirikiya isio toma acodunio, konye koyuunai isio kama ejai lokaronon: Naarai nakon nges ajakanut, ka apedor, ka aibuses, ikar kere. Amen.

186 Kwana nepepe itauonowok ekukumitos. Abala Ebaibuli ebe, "Apotu koyeikisi esabuli, kosodete alomar kinga." Kiitutu, naeswamauniata kesi kwangin kotoma Naiwadikatai, kerai naarai kepotu kesi kibubukis aijanakin naka Airiunet Nakiareit naka Ejakaitiwok, ido ajai Airiunet Nakiuniet ekapakina alomun. Isawan idis akaulo kangin, abu Ngesi kijesar toma okatwak kosodi alimonokin mama ajaasi luaolioritos ngul lukepotu kongeroto aitimiokec.

Koramak Aiyuunika Eseseni Kuju Neijai Jo.
Aka-aiyuunika eseseni kuju neijai Jo,
Ijo Imerekek yen ko Kalvari,
Edeke eketajaran;
Kwana kiirarai eong elipi,
Kolema akaronisio kere awai,
Siri da kiwosik eong...ameun kapaaran kana
Karaun loKon kaileleba!
Naetoritor eong amuton naka aijar,
Kalukunite da aiturur,
Korai Jo Ekengarenonika;
Kikorak amuton koraun apaaran,
Kilota aiturur, nukakurian awai,
Oo kocam eong ameun kapaaran kana
Karaun loKon kaileleba!

187 Kisirereng Ejakait yes, kijaik OkokuKe ka asianut da kocaik yes. Ido koinak Ejakait yes Aijar naka Ikar kere, ido kojaas ka yes kane kotoma akwap kana, ka akwap da naebunit akaulo kana. Ido, kAijar naka Ikar kere, koraut yesi luijanakinete Ngesi kotoma apakio kere numam edaunos nuka apak kangin kanaebunit.

Arai erai na nges apak ngin, kadaunitos da oni adolun toma aibois ngin, mam eong kerumitos ileic kanuka ngun nualimonok eong. Ido arai ebuni ngolikejaanakinan aibwo nepepe ka iketunga kosodete atubokin, kwa abu eong kaanyunitor kotoma aitapoet, eyalama eong noi kanuka Akiro Nukajokak nualimonok eong, naarai erai Akiro Nukajokak kwapekwa nuabu Paul ka kes da kolimonokis.

Eyalama eong kanukus. Eyalama eong naarai ijautu yesi Kristo kwape Eketajaranikus. Kominasi Ngesi, ido kilipete.

Ido abuni eong aanyun yes kajoset kana, arai ekoto Ejakait esawa ediopet, kane kokanisa. Kisirereng Edeke yes. Atwari do yes.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7